

Lucy
939

№ 978.

211. 5

114.

№ 943.

2012

2011-08

ԼՍ.ԲՈՒԲՆԵԱՅ

ԹՈՒՂԹ ԱԲԳԱՐՈՒ

5011-00

5015



10-6
31 AUG 2007

111
939
48

ՀԱՌՈՒԲՆԵԱՅ

ԳԻՒԱՆԱԳԻՐ ԳՊՐԻ ԵԳԵՍԻՈՅ

ԹՈՒՂԹ ԱՐԳԱՐՈՒ

ՅԵՂԵԱՆ ՑԱՍՈՐԻՈՅՆ Ի ԶԵՌՆ Ս. ԹԱՐԳՄԱՆԶԱՅ

№ 978 x

943



ԼՈՒՍԱԲԱՆԵԱՆ

Ի Ս. ՂԱԶԱՐ Ի ՎԱՆՍ ՄԻԻԹԱՐԱՅ

Ի ՎԵՆԵՏԻԿ

1868

1005

270 70



8934

939-2012

Q (4844-50)



Յ Ա Ռ Ա Ջ Ա Բ Ա Ն

Ջուզակից Ժամանակաւ առաքելական արանց
և հարանց, և քան զյորովս 'ի նոցունց հնագոյն, այլ
առաջին յեա նոցա ըստ դասակարգութեան պատուոյ
և ընծայութեան յեկեղեցի. Էն գործք և թուղթք
Աբգարու թագաւորի Եղեւսիոյ՝ զոր նախնիք մեր հա-
մարին ոչ միայն Հայոց թագաւոր՝ այլ և 'ի զարմէ Աբ-
շակունեաց, վեցերորդ 'ի Վաղարշակայ Ա. խակ Աստ-
րիք՝ յայլմէ սոհմէ ասէն և առանձինն Առհայի դա-
ւառապետ կամ թագաւոր, և զպայազատութիւն
սոհմին տեւեալ բաւեալ ցամ Տեառն 217, Խնդիրք
և քննութիւնք վաւերականութեան գործոց Աբգա-
րու և թղթոցն գրելոց 'ի նմանէ առ Փրկիչ մեր Քրիս-
տոս՝ 'ի կենարար անօրէնութեանն իւրում, և սորա
պատասխանի առ Աբգար, և Գաատառակին (կամ ան-
ձեռագործ պատկերին) բերելոյ յԵղեւսիա՝ 'ի նուի-
րակայն Աբգարու, այս ամենայն յեկեղեցական պատ-
մութիւնս նախակարգեալ ճառին, առաւել կամ նը-
ւազ ընդունելութեամբ հեղինակայն. յորոց բազումք
քան զսակառս միաբանին ասել զնոսին՝ եթէ ոչ սրբա-
զանաւ այլ գննեա պատմական ստուգութեամբ հա-

ւաստիս. և յառաջնոց անտի դարուց քրիստոնէութեան մինչև ցմերս իսկ՝ գտանին գրեթէ անընդհատ աւանդողք և ընդունողք նոցին աներկբայապէս, և պատուողք թղթոյն յիշեցելոց՝ իբրև սրբազանից արուչութեանց, մինչև որպէս զպահպանակս կամ գրապանակս գրել և կրել զնոսին յանձինս իւրեանց, և այս ոչ միայն յարեւելս, այլ և ՚ի ծագս արեւմտից յԱնգլիա¹ : Մեր ոչ են կամք և խնդիր սասանօր վասն ստուգութեան և որպիսութեան իրացդ, այլ աղքերաց պատմութեանն՝ յորմէ առեալ է ամենայն եկեղեցական պատմաց, յԼուսերեայ և այսր, որ համարի առաջին յիշատակող դորին, վասն կորստեան երիցագունից քան զինքն գըչացն բանից Հեգեսիպոսեայ, Ափրիկանու, և այլոց : Բայց ՚ի վիպաբանութիւնս ինչ սրբոց արեւելից որք գրեալ են յասորի լեզու՝ յերկրորդ դարու Քրիստոսի, և ՚ի սկիզբն ևս դարուն՝ լինին յիշատակք գործոց Աբգարու և Թագէի, որպէս ամենեցուն ծանօթք յայն կողմանս : Տերաուղիանոս նոցին մերձաւորն ժամանակաւ՝ ՚ի խօտն վասն քրիստոնէից ջատագովութեանն՝ բարեւ զՀռովմայեցիս, վասն ծերակուտին քննութեամբ ընդունելոյ զաստուածս ՚ի պաշտօն, նովին գրեթէ բանիւք՝ զոր ընթեանումք ՚ի թղթին Աբգարու առ Տիբեր կայսր, և համարիմ՝ զայս ոչ անծանօթ լեալ այնմ շարտար հեղինակի : Աբգիսս Բաբելոնացի, թէ և թերուղիղ և անվաւեր գրիչ, այլ կարի քաջ հին այր², յիշէ ՚ի գործս Թովմայի առաքելոյ զառաքումն եղբօր նորին Թագէի ՚ի նմանէ առ Աբգար՝ ըստ գրով խոստմանն Քրիստոսի : Եւ յեկեղեցւոյ մերում ՚ի հին տօնացոյցս՝ որ ըստ կարգադրութեան Ս. Սահակայ Պարթևի՝ ՚ի 23 դեկ-

¹ Պիւրբզոն, յէջ 154-5 գրոցն՝ զոր զինի յիշելոց եմք :

² Մի յ՛շբ սշակերտաց կուէ զինքն. այլ զի յիշն ՚ի զերան հեգեսիպոսեայ կրտսրք ժամանակաւ, համարի և ինքն հաւաքող գրոցն ոչ երկցագոյն քան զ՛ն գար :

տեմբեր ամսոյ այսպէս գրի և սրատուիրի. Տօն «Ազդէի հայրապետի Եղևսիոյ քաղաքի, աշակերտին Թադէոսի, և ընթեռնուն զԹուշիքն Աբգարոս և զգիրս նորին» . և յայտ է թէ սուրբ և խմաստուն հայրապետն մեր ոչ Եւսեբեայ ինչ ուսաւ զգործս Աբգարու, այլ յիւրմէ նախնոյն՝ ՚ի Պրիգորէ Լուսաւորէ, և սա խոկ ՚ի հարցն Ասորոց ընկալաւ զաւանդութիւն տօնին, որպէս և զայլ բազում կարգս եկեղեցւոյ և զընթերցութեամբս սուրբ գրոց՝ յեկեղեցւոյ անտի արևելից ՚ի գրացւոյ աշխարհիս մերոյ, յորմէ և առաջին մուտք քրիստոնէութեանն եղեն ՚ի Հայս. և կարգք պաշտամանց նորոց օրինացս կանխադոյն և անդորրագոյն ծաւալեալ էին անդ, և պատուով ընկալեալք լինելին ՚ի մերայոցս, ոչ միայն ՚ի գրիգորեան դարու այլ և ցկէս Ե դարու և անդր ևս. մինչև թարգմանչաց մերոց նախապատուեալ զյունական գորութիւն և զեօթամանն իցն թարգմանութիւն՝ տակաւ ուծացան յԱսորոց: Յիշատակ տօնահարման գրոցդ՝ ոչ միայն զհին ծանօթութիւն թղթոցն Աբգարու յայտ առնէ, այլ և զմեծ և զսրբազան վարկ նորին, մինչև ՚ի կարգի նուիրական մատենից հրամայել զընթերցութեամբս յեկեղեցւոյ, ոչ մի անգամ այլ և երկիցս՝ յայլում ինչ աւուր տօնականի՝:

Իսկ ո՞ արդեօք հեղինակ կամ հաւաքող գործոցս և թղթոց Աբգարու. զայդ կիսամասնեայ ուսանիմք Եւսեբեայ, որ ՚ի քարտէսս գիւանաց Եղևսիոյ քաղաքի ասէ գտեալ զախոսիկ, այլ և ՚ի յոյն բան յեղեալ յառաջնոց քան զինքն հետաքննից արանց, զոր և ինքն յերիւրէ ՚ի վերջին գլուխ Ա հազներգութեանն և յառաջին գլուխ Բի խորումն եկեղեցական պատմութեան²: Այլ առաւել ևս տեղեակ և ծանօթ առնէր զմեզ խնդրոյս՝ բազմահմուտն և բազմախոյզ

1 Տես յԷջ 12 ՚ի ծանօթութեան:

2 Տես գրանս Եւսեբեայ ՚ի Յաւելութեամբս գրոցս:

յետ Եւսեբեայ յարեւելեան Հարս՝ մերս անմահ եւ ըստեանց արժանաւոր քերդողահայր և սրատմահայր, Մովսէս Խորենացի. որ ՚ի ԸԳ. գլ. Բ՛ գրոց պատմութեանն Հայոց յսկանէ յանուանէ նշանակէր զՏեղինակ թղթոցն Աբգարու, այսպէս ասելով, ըստ այժմեան օրինակաց գրոցն. « Աբուբնայ որդի Ափշաղարայ դարի՝ գրեաց զամենայն գործս՝ որ ինչ յաւուրս Աբգարու և Սանատրկոյ, և եգ ՚ի դիւանին յԵղեփայ »: Յորմէ աներկբայ հաւատարի զի՝ սա ինքն էր աղբիւր բանիցն ընդօրինակելոց յԵւսեբեայ, յորոց ճոխագոյնս փոխաբերեաց ինքն Խորենացի յիւրումն սրատմութեան, շարահիւսելով զպատճէնս հնգեցուն թղթոցն որ յԱբգարէ կամ առ Աբգար. և զայն ևս յայտ առնելով, որպէս է գուշակել ՚ի կարգէ բանիցն, և որում վկայ նախայիշեալ տօնացոյցն, զի յառաջ քան զիւր սրատմագրելն յեղեալ էր յասորոցն ՚ի մեր լեզու պատմութիւնս այս գործոց Աբգարու. և յստակութիւն իսկ հայերէն շարագրութեանն հաւատարմացուցանէ զայս: Աբգ ՚ի վկայութեանէ անտի Խորենացոյ ցարդ՝ զանուն և եթ ՚ի Աբուբնայ դարի Եղեփոյ գիտեալք, և համարեալք ՚ի կարգի կորուսեալ գրչացմինչև դէպ եղև մեզ յամի 1852 ՚ի քննութեան հայերէն ձեռագրաց մեծի մատենադարանին Բարիզու՝ հանդիպել յերկաթագիր ճառքնորի կամ Տօնամակի (գրելոյ հաւանօրէն յՊի դարու) այսմ թղթոյ Աբգարու. յորոց վերջաբանէն ուսաք զի նոյն սա է յիշեալն ՚ի սրատմահայրէս մերմէ՝ դիւանագիրն Եղեփոյ, ուստի և Եւսեբեայ սատարեալն էր. և զի ստոյգ անուն հեղինակին (կամ ՚ի Խորենացոյ կամ ըստ ևս յընդօրինակողաց գրոց նորին սխալ ընթերցեալ) ոչ էր Վայլ Բ տառիւ արտասանելի. իսկ առաջին ձայնաւոր տառ ա-

1 Ի յետնոց հեղինակաց մերոց միայն Մխիթար Այրիվանէցի թուէ ՚ի շարակարգի պատմեաց մերոց յետ Տաթաւնու և յառաջ քան զՄար Աբաս՝ սխալ գրութեամբն Ղլրուբն:

նուանն անստոյգ մնայ, 'ի չորիս հարեալ հնչմունս .
 քանզի առ 'ի չգոյէ ձայնական տառից յասորի գրու-
 թեանն (ՁԵՈՇ) զառաջինն Ղըրըրըրեալ գրեալ է
 'ի թղթիս յայտ, յետոյ Ղըրըրըրեալ, Վիւրրդոն ըն-
 թեռնու Ղըրըրըրեալ, իսկ առ Խորենացոյ Վերուբնայ .
 արդ առ 'ի հաստատ ունել մեզ զկոչումն ինչ, քանզի
 գոյ և 'ի պատմութեան աստ նման ամին այլ անուն՝
 Ղըրըր, և զի վերջ անուանն և 'ի թղթի աստ և առ
 Խորենացոյ կակղեալ իմն յանգի ևս կամ ալ, և զի
 սկզբան տառն է Վ ըստ բնագրին՝ հաւանիմք ստելի
 Ղըրըրըրեալ,)

Յետ մետասան ամաց ('ի սկիզբն 1863 ամի) Ե-
 հարց զմեզ անգղիացի վարդապետն Վիւրրդոն՝ բազ-
 մահմուտ ասորագէտն, եթէ գուցէ 'ի զպրութեան
 մերում վաղնջուց ինչ պատմութիւն հաւատոյն Աբ-
 գարու, զոր իւր գտեալ էր յասորի լեզու 'ի հին ձե-
 ուագիրս բերեալս 'ի վանորէից Նխորիոյ յանապատէն
 Եգիպտոսի՝ յանգղիացոյ ոմանց . և մեր գիտացեալ
 զի սոյն իսկ թուղթս Աբգարու է, և անշուշտ բնագիր
 նորին գտեալն 'ի նմանէ, ծանուցաք նմա, որպէս և
 յիւն ինքնին 'ի ծանօթութիւնս գրոց իւրոց (յէջ 166),
 և սպասէաք հրատարակելոյ նորին . որում ձեռն ար-
 կեալ նորա ոչ ժամանէր յամբոկ գործոյն, մահուն 'ի
 վերայ հասեալ 'ի միսում ամի (1864), որ ոչ սակաւ
 զեղջ հասոյց բանասիրաց ընդ կորուստ այնքանոց հմտի
 և զգծնի առն . ապա բարեկամ նորա Վ. Վրայթ վար-
 դապետ փիլիսոփայութեան և մի 'ի պահապանաց ձե-
 ուագրաց Բրիտանիական մուսէոնի, աւարտէ զտպա-
 գրութիւնն 'ի նմին ամի, յորինեալ և կանխաբան տե-
 ղեկութիւն վասն գիւտի գրոցս և թարգմանութեան
 և վարուց և վաստակոց թարգմանչին¹ . յորմէ 'ի վերայ

1 Խորագիր գրոցն է Ancient Syriac Documents relative to the earliest establishment of Christianity in Edessa and the neighbouring countries, from the year after our Lord's Ascension, to

Հասար զի անդատին 'ի 1848 ամէ նշանարեալ էր Պիւրրզգոնի զգործս զայս յերկուս ասորի մատեանս նախայիշեալս, զորոց զմի գրեալ Համարի գրեաթէ յառաջ քան զժամանակ մատենագրութեան Խորենացոյ, այն է 'ի սկիզբն է գարու, զմիսն 'ի Զ գարուբայց երկորին ևս անկատարք. առաջինն թերաս 'ի սկզբանէ, թուղթ մի միայն, զորոց նշանակեմք զտեղի սկզբանն յէջս Հայերէն թարգմանութեանս. իսկ երկրորդն բազում ուրեք պահասաւոր. որպէս թէ երկոցուն միանգամայն Հազիւ Հաւասարել կիսոյ Հայերէն թարգմանութեանս, որ անթերի գոլով՝ պատուականագոյն ընծայի ընդ զտեղի բնագրին, այսինքն ասորոցն, զոր Պիւրրզգոնն հրատարակեաց Հանդերձ անգղիարէն թարգմանութեամբ. և յորում ընդայլս 'ի բանից՝ պակասէ բովանդակ Պատմութիւնն Պատրոնիկեայ կամ Առաջնոց գիւտի Խաչին. որոյ աւանդութեանն հնութեան վկայէ և Խորենացի, և սահակեան հին տօնացոյցն, որպէս նշանակեցի 'ի կարգի բանիցն 'ի ծանօթութեան ' : Արկասիրութիւն Պիւրրզգոնի անագան ուրեմն եհաս 'ի ձեռս մեր մինչ պատրասեալ էաք զՀայերէն թարգմանութիւնս 'ի տարգրութիւն, և բաղգատեալ ընդ անգղիականին (ոչ գիտելով մեր զասորի գպրութիւն) գտաք գրեաթէ բառ առ բառ հաւատար մերումն, և հաստատեցաք ընդ հմտութիւն երկոցուն ևս թարգմանչացն, մերոցս ասեմ՝ նախնեաց և անգղիացոյն. նշանակեցաք և զտեղիս ուր և ցոյր վայր պակասէ բնագիրն. սակաւ ինչ և 'ի ծանօթութեանց նորին օգտեցաք, մեր իսկ յառաջագոյն պատրաստեալ գոլով որ ինչ մերոյ սճոյս ճահ թուէր. բազում ուրեք միաբան գտեալ 'ի տեսութիւնս, և ուրեք յերկրայս ոչ գտեալ աւելի տեղեկութիւն, որպէս

the beginning of the fourth century, և այլն. London, 1864. Այս գիրք են որ 'ի ծանօթութիւնս տակզ յիշեցի յանուն Պիւրրզգոնի :

յաշխարհագրական անուանան ինչ¹ : Գիւրրդանի յարեալ է յառաջ և յետոյ Թղթոյն Աբգարու, որ 'ի նմա վարդապետոռնքիւն թուղէի կոչի, զԱւսերեայ գըլուխ պատմութեան Աբգարու յեկեղեցական գրոց, և զՍորենացոյ պատմութիւնն Աբգարու, զոր և մեր արդէն նման իմն օրինակ պատրաստեալ էր 'ի ախ, է ինչ որ զինի գրոցս 'ի Յաւելուածս, և է որ 'ի ծանութութիւնս. յոր յարեցաք և զմիւս օրինակ Թարգմանութեան Պատմութեանն Պատրոնիկեայ խաչին, զոր ունէաք առ մեզ 'ի հնագիր ճառքնարի միում: Ի մնաւենի իւրում ընծայէ անգղիացին և այլ ևս հաստատիր բանս զԹագէէ կամ զԱբգարու, յեղեալ յասորոցն, և զվկայաբանութիւնն Վարսեմեայ եպիսկոպոսի Ազեկոյ, Շարբիւլայ, և զԱբիբայ սարկաւազին. որոց միոյն վերջաբան հաստատեաց զկարծիս մեր, զոր և չէր ինչ դժուարին գուշակել, վասն ժամանակի վերրտին յարդարման կամ 'ի լոյս ընծայման գրոցն Վաբուբնեայ. յոր արժան համարիմ՝ արդ մատչել սակաւարան տեսութեամբ:

2 (Անգղիացի Թարգմանն ողջմտութեամբ ընդունի զհարազատութիւն և զհնութիւն Թղթոյս Աբգարու կամ զՎարդապետութեանն Թագէի (որ Ազդէոս գրի յԱսորին և Ադէ 'ի մերումս), բաց 'ի յայանի եկամուտ բանից ինչ, և վկայութիւն նախնեաց մերոց և Աւսերեայ ցուցանէ զի անտարակոյս ընթեռնութիւն նորս զայս գործ՝ որպէս գրուած ժամանակակից դիւպայն. և մեք այնպէս ընդունիմք մեծագոյն մտամբ. այսինքն է, համարիմք զի մեծ մասն գործոյս անայլալակ արտագրութիւն և ժոխագրութիւն է բանից Վաբուբնեայ, և ժամանակակից նորին դիւանագրաց. զոր Թուին ինձ հաւաստել Թուականք աւուրց և ամնոց ըստ դիւանական հրահանգաց, պարզութիւն ոճոյ բանիցն, ամենեկն անկողմնատար և դատաստանական իմն

Հանգարտու թեամբ վկայութիւն տալով լեւեացն և տեսելոց իրաց, վասն որոյ և զլեւին գովասանական բանս¹ զքրիստոնէից ժամանակին Աբգարու՝ եկամուտ և յեանազիր Համարիմ Նն գարձեալ և այլ ուրեք բանք ինչ յայտնապէս եկամուտք, զորոց ՚ի ծանօթութիւնս ազդ առնեմք²։ Բայց գլխաւոր քան զամենայն են յիշատակք գրոց Նորոց կտակարանաց, որք ըստ մերուան մինչև ցարդ ընկալեալ եկեղեցական սրատմութեան՝ չև ևս էին գրեալք ՚ի հոգեկիր արանցն՝ յաւուրս վարդապետութեանն Թադէի և հաւատոցն Աբգարու. և թէպէտ զմահ սորա իբր 10 ամաւ անագանեն Ասորիք ըստ Եգեւացւոց ժամանակագրութեան, այսինքն փոխանակ յՅն ամին Քրիստոսի՝ ըստ մեզ՝ ՚ի Աննորին ասէն, սակայն և յայնժամ իսկ չէին ընծայեալ մատենանք նորոց օրինացս՝ բայց ՚ի Մատթէոսեան աւետարանէն. սպա յայտնապէս յետոյ մուծեալ են անուանք գրոցդ ՚ի բանս վարդապետութեան Թադէի. բայց զի և ոչ շատ յետոյ ուրեմն, վկայէ և այն՝ զի բայ ՚ի թղթոց Պօղոսի (և այն առանց անուան թէ սր և քանի) ոչ յիշին և ոչ միոյ այլոյ առաքելոց թուղթք, և ոչ աւետարանք յանուանէ. մանաւանդ զի և ՚ի յիշէին ուրեմն եթէ Յովհաննէս առաքեալ³ ետ բերել յԵփեսոս զգործս Առաքելոց, յանկազոյն էր գէթ անդ յիշել և զաւետարան նորին, եթէ գրեալ էր այն։ Իսկ եթէ իցեն ինչ նմանութիւնք աւետարանական բանից ՚ի վարդապետութեան Թադէի, որպէս և են իսկ⁴, սակայն են և բանք ընծայեալք Քրիստոսի՝ ոչ ամենևին համակարգք բանից աւետարանչացն⁵. և չէ անդէպ աւսե՛լ թէ բազում ինչ ՚ի տէրունական բանիցն ՚ի մտի ունէին առաքեալքն և աշակերտքն (յորոց և մերս Թադէ կամ Ադէ) և քարոզէին և ուսուցանէին, մինչ չև

1 Յէջ 47, 48.

2 Որպէս յէջ 43:

3 Տես յէջ 43.

4 Տես յէջ 22, 23, 42.

5 Տես յէջ 20, 45.

էր չորից աւետարանչացն գրով արձանացուցեալ զնոսին. նա և 'ի վարդապետութեան Պօղոսի յայտնապէս յիշի բան ասացեալ 'ի Քրիստոսէ՝ որ և ոչ 'ի միում՝ աւետարանացն գտանի՝¹)

3 (Խորենացի վկայէ վասն Լաբուբնեայ գրեալ զամենայն գործս Աբգարու և Սանատրիկոյ. իսկ պատմութիւնս այս ունի միայն զԱբգարուն, մանաւանդ թէ զհաւատոցն Աբգարու, 'ի մերում թարգմանութեան կոչեցեալ Թռոշր Աբգարու, որպէս թէ Պատմութիւն, կամ ըստ արեւելեան ոճոյ՝ Աբգար-Նամակ. ճահագոյն ևս արդեօք յասորին կոչի վարդապետու թիւն Ադէի, քանզի և այն իսկ է նիւթ բանիցն. և թէպէտ ընծային 'ի սմա և թուղթք ինչ Աբգարու և Տիբերեայ, բայց այլ գործք նորա ոչ յիշին: Եւ 'ի հաւատակէն՝ նորագոյն իմն և օտարոսի 'ի մերս կարծեաց և գիտութենէ գտանի յասորի բնագրին, որպէս և 'ի կարգի բանիցն 'ի ծանօթութիւնս կրկնեմք յիշել², զի ուր մերս յաւարտ բանից վարդապետութեանն՝ ասէ վասն Թադէի զԱդէ կերպասագործ կարգել փոխանակ իւր Ադէսիայ, և երթալ յարեւել 'ի քարոզութիւն, ասորին ասէ հիւանդանալ նմա զմահու հիւանդութիւն և մեռանել, և զյուզարին յարեւել 'ի յուզարկաւորութիւն մահուն փոխէ, այլ և զտեղի գերեզմանին նշանակէ. բայց զյաջորդել Ադէի և զսրանաբեկ կատարած նորին սրով՝ յորդոյն Աբգարու՝ նման մերոյս և մերոց պատմեաց ունի: Եւ զի առաքեալս այս կամ աշակերտ՝ Թադէոս կոչեցեալ 'ի Հայոց և 'ի Յունաց, Ադգէուս կոչի յԱսորոց, յորոց և 'ի թարգմանութեան մերում Ադէ, և նորա աշակերտեալն և յաջորդ Ադէսիա՝ գոյջիր յարանուն՝ Ադգէ ըստ մեզ, և Ադգէոս յասորի բնագրին, և սորա ևս աշակերտ լինել Թադէոսի ուրումն ասէ ոմն 'ի նոյին յԱ-

1 « Արանէի և մանաւանդ ստղն քան աստուծն » . — Գործք. Ի. 35 :

2 Տես 'ի ծանօթ. յէջ 45-8 :

տորոց¹. դարձեալ և Թաղէի աշակերտ Ջակքեոս ոմն յիշի առ մեզ, յայտարան համաձայնութենէ անուանց երևի շիտթութեան սարդել ՚ի սրատնութիւնս գործոց և բանից վարդապետութեան նոցին. մանաւանդ երկոցուն առաջնոցն առ մեզ համանուանց, Թաղէի կամ Աղէի և Աղղէի. և թերևս երկրորդիս, այսինքն խոյրարար հայրապետին վարդապետութեան մասն իցէ ընծայեալն ՚ի գիրս յայս ընդ բանից աշակերտին Քրիստոսի: Բայց ՚ի մեծի զանազանութեան աստ սրատնականի ասորոյն և մերոյս թարգմանութեան, որոց մին մեկնիլ նմա ասէ Աղղեսիոյ և երթալ յարևելա, միւսն մեկնիլ ՚ի կենաց աշխարհիս, օրէն իցէ արդեօք երկմտել, և բնագրին հետևելով՝ վեր ՚ի վայր առնել զամենայն հաւատս եկեղեցական սրատնութեան ազգիս մերոյ՝ որ ՚ի սկզբանցն մինչև ցայժմ, և փոխանակ Թաղէի եղբօրն Թովմայի և աշակերտին Քրիստոսի՝ զայլ ոք համարել եկեալ ՚ի Հայս՝ առ Սանատրուկ, և աշակերտեալ զնա նախ ՚ի Քրիստոս և ապա ընդ դրստեր նորին Սանգխոսոյ նահատակեալ յԱրտազ. — զայդ չկարեմք առնուլ յանձն. և զի ՚ի սկզբանէ բանից թղթոյս մինչև ցայն վայր յուղարկմանն՝ ամենեկին հաւատար գտանեմ՝ զերկոսին առչութիւնսն, և զոր յետ այնր՝ զհայերէն թարգմանութիւնս յար և միաբան մերոյ հնաւանդ սրատնութեան՝ յորոյ վերայ հիմնեալ են և հաւատք առարեւանման հարց մերոց Քր. Լուսաւորչի և զարմից նորին, ոչ խղճեմ խարդախեալ ասել զասորին, թէ և հնագիր յոյժ իցէ օրինակ դրութեանն. քանզի, որպէս և խուն մի վերագոյն նշանակեցաք, սարդեալ են ՚ի գործս յայս և այլ եկամուտ բանք. որպէս հանդերձ այլովքն՝ ողջոյն իսկ Պատրոնիկեայ սրատնութիւնն, որ եթէ և սոյոգ իցէ, ոչ զուգի ժամանակի քարոզութեանն Թաղէի և Աղղարու, այլ յետոյ ուրեմն եղեալ, զկնի 45 թուականին, յորում նախ եմուտ եկաց Պատրոս առարեալ ՚ի Հոռով:

1 Տես յէջ 6, ծան. 2:

Իսկ որ յաւարտ գրոցս ասի Փղոսի (կամ Պալուտայ) աշակերտին Աղդէի հայրապետի 'ի Սրապիովնէ եպիսկոպոսէ Անտիոքաց առնուլ ձեռնադրութիւնս' 'ի ժամանակակցէ Զեփրիանու Հռովմայ հայրապետի, 'ի սկիզբն Գ դարու, այն յայտնապէս սխալ, խառնակ և թերի գրութիւն է. զոր ստուգէ և ուղղէ վերջաբան վկայաբանութեան Շարբիւրայ եպիսկոպոսի, որպէս տեսցի 'ի ծանօթութիւնս 'ի կարգի պատմութեանն. և հաւաստեսցի նովմբ՝ զի զգրուածս զայս Լաբուբնեայ քաղեալ և գաղտփարեալ է 'ի դիւանաց անտի Եղեսիոյ՝ անծանօթի ուրումն մեզ յանուանէ՝ յառաջ քան զԵւսեբեայ ժամանակս, 'ի սկիզբն Գ դարու, յորում կեայր Բ ոմն Փլոտ (Պալուտ) հայրապետ Եղեսիոյ, որ էառն զձեռնադրութիւնս 'ի Սրապիովնէ յիշեցելոյ. և թերևս նոյն այր եմոյժ 'ի շարս վարդապետութեան Թագէի զանհարազատ ինչ բանս զոր 'ի վերջ յիշեցաք և զոր 'ի ծանօթութիւնս:

Եւ արդ յայտմ ամենայնէ գոյ մեզ գլխաւորել, և թէ Թուղթս այս Աբղարու մասամբ՝ այլ ոչ բոլորովմբ իսկապիր գործ իցէ Լաբուբնեայ դպրի և դիւանագրի Եղեսիոյ, ժամանակակցի առաքելոցն և աշակերտայն Քրիստոսի. և ամենայն եկամուտ բանքն 'ի ամս՝ ոչ զօրենս 'ի դերև հանել ոչ զվաստակ այնքանոյ հնոյ և հաւատարմի առն, և ոչ զպարծանս հայերէն գպրութեանցս, որ ընդ ոչ սակաւս 'ի հնաւանդ և առայլս կորուսեալ սոփերաց գրոց՝ գանձեալ պահեցին և հասուցին մեզ և զայս, որ ոչ զվարկաբարզի սոսկ հընութեան, այլ զքրիստոնէական հնութեան և զաղբերաց նորին վարդապետութեան՝ ունի չնորհս. որով և համարիմք հաճոյական ինչ պարզ և ընծայաբերել սու վաւ քրիստոսասէր բանախնդրաց, հմտից և անհմտից, Զայս սակս յօժարեցաք իսկ յեզուլ զսա և 'ի փռանկ բարբառ, առ 'ի ձաշակ և 'ի քննութիւն զգաստիցն արեւմտեայց:

ԹՈՒՂԹ ԱՐԳԱՐՈՒ

ԹԱԳԱՒՈՐԻ ԵԳԵՍԵԱՅ ՔԱՂԱՔԻ

ՈՐ Է ՅՅՍՈՐԻ ԼԵԶՈՒ ՌՌՈՂՍՅ

ՈՐԳԻՈՅ ՄԱՆՈՎԱՅ

Յամին երեքհարիւրերորդի քառաններորդի թա-
գաւորութեանն Յունաց¹, 'ի թագաւորութեան Տի-
բերեայ կայսեր Հուսիւնոյ, յորժամ թագաւորեաց Աբ-
գար² որդի Մանուկայ արքայի 'ի Միջագետս Ասորոյ

1 Թուական Աշխարհացոյց, որ սկսանի յառաջնոյ ամե ձով: զամ
պիսգի, այն է 311 ամ յառաջ քան զհասարակ թուականն Քրիստոսի:

2 Մանսթագոյն և յի 'ի կարգի թագաւորաց Արեւելոյ, որք գրեա-
լ թէ առ հասարակ հոչին Աբգար և Մամու. զԱբգար ստուգաբանն
սմանք յարարացի ձայն Ասոր, Էգեղէ, մեծ և բնախ, և ոմանք յա-
սորոյն կալ. իսկ պատմահայր մեր Թորենացի առ քա 'ի հայկա-
կանէս Առօ ոչ, զոր ոչ կարացեալ օտարաց ուղղախօսել՝ Աբգար
հոչեն: Կա և այլ պատմիչք մեր համարին քնա պայտապատ Արշակու-
նեայ Հայոց, որդի Արշակոյ որդոյ եգրօր Տիգրանոյ մեծի. և այս
հաճոյ թուի հանգերձ այլովք՝ և անգիտացի թարգմանչի գրոցս. Աս-
րիք փոխանակ Արշակոյ՝ Ուշան կամ Ուշան ասեն, և իմանան Սէա-
փան արախ. հիւանդութեան թխանալոյ նորս. յիւն և մերս պատ-
մութիւն զսխառանայ նորս յարեւելս ուրիւթեամի իմն: (Սոր. Բ. ԽԷ.)

Հին ժամանակագրութիւն Արեւելոյ յասորի լեզու՝ ցուցանել
իրք յ'135 ամի յառաջ քան զՔրիստոս զպիղծաւորութիւն թա-
գաւորութեան կամ պետութեան Ուշայի և զժամանակն յ'217 ամի
Քրիստոսի. վասն որոյ հաւանագոյն թուի Ասորոց քան Հայոց լինել
սմա թագաւոր. բայց թերեւ հաւանելի ևս է ասել քնա թա-
նացոյն թուն եգրօր Տիգրանոյ, և վասն նուաճման երկրիս մերոյ 'ի
Հաստիսիցոյ՝ և կոչուցանելոյ նոցա անդ այլ թագաւոր՝ սորս տի-
բեայ կողմանց միջպետաց և Ուշայի, և ըստ ստորութեան սե-
լանց տեղոյն կոչեցեալ Աբգար, ըստ գիտաց յաջողեալ և անուան
հօրն՝ Արշակոյ՝ զուղաձայնել Ուշայ, ստորի ձայնի:

Նշուեալայ քաղաքի. զկնի երեսուն և երկու ամաց¹ որ որ ժի էր Տրեայ ամաց², առաքեալայ Աբգար արքայ զՄարիճար³ և զՇամհազրամ⁴ զգլխաւորս և ըզպատուականս թագաւորութեանն իւրոյ, և զԱնան Տաւատարիմ իւր⁵ ընդ նոսա, Տանդերձ թղթովք ՚ի քաղաքն որ կոչի Ելեւթրուպոլիս, և յասորի լեզու Բեթբուբրին⁶, առ մեծ և պատուական Սարինոս Եւստորդեայ⁷, որ էր Տաղարապեա կայսեր, և էր իշխան Ա-

1 Այսինքն է 32 առ թագաւորութեան Աբգարու, սկսելոյ յէրկրորդում ամի ծննդեան Քրիստոսի, կամ երկու ամաւ յառաջ քան զՏաւարակ թուականն:

2 Երկուստանն արեայ ամաց Հայոց՝ ըստ անկաջուն ասուածրի՝ զուրի 27 աւուր փետրուարի ամաց Հոսովնոց՝ յայնմ յիշեալ տարւոջ իսկ ըստ հաստատուն ասուածրի՝ 20ի աւուր նովեմբեր ամաց. սակայն որպէս և զկնից անցի՝ ամիսը Հայոցս ՚ի զրի աստ զուղեալ են ընդ Հոսովնոցն և ընդ Ասորւոց միանգամայն, ընդ սկզբանն յանուարի Հոսոսոց և Երկրորդի Քեանուռի Ասորւոց (և Տաճկաց) հաշուելով զսկիզբն մերոյ արայ ամաց. որով աստանոր ժին արեայ է 12 նովեմբերի և 12 թշրին Երկրորդի ամաց:

3 Յորինանկին Ռաբինոք զրի աստանոր, բայց ուղղապոյն զկնի Մարիճար, որպէս և առ Թորենացւոյ, որ և ծանուցանել լինել զնա բզեւաչի Ալմենաց, և ՚ի կոյմանեն Մար (Տէր) յայտ է ասորի լինել, մանաւանդ թէ ասորեստանիկ ՚ի զարմէ Սենեքերիմեանց, որք ժառանգութեամբ ասացան զախրութիւն կողմանցն այնոցիկ ՚ի Հայկազանց մերոյ: Ի վերջ կոչս պատմութեանս կոչի սա որդի Բարշաւոյ:

4 Եւ զսա նահապեա Ագասուռնեաց սակ լինել պատմիչս մեր: Քիւրդոն ընթեանու Շեմուշգրամ, այլ ուղղապոյն թուի Շամիկգրամ՝ քանզի զսամի առ Սարարոնի գրեալ Տարիքսարաթ Սախիգլըբնու, նախ արարն կամ արքայն Սանապոց, ոչ շատ երիցազոյն ժամանակաւ քան զԱբգար. և զի աշխարհ իշխանութեան նորս կոչէր Ագասուռն, մարթի Թորենացւոյ շիթեալ ընդ Ագասուռնեաց. զի անդեպ իսկ երկնի հայկական աշխարհին ասորի ունել նահապեա. այն զի և առ Բարգամանայ ասորւոյ յիշի Շամիկգրամ ամն յեանազոյն:

5 Անան Տաւատարիմ թագաւորին՝ կոչի և սուրհանդակ նորս ՚ի Թորենացւոյ, որպէս և Ռաբինոս կոչի CURSOR, և թուի լինել զիւս, նապեա արքունի:

6 Առ Թորենացւոյ Բեթբուբրին, ծանոթ և Պաղումնայ այսաւ առ նուամբ Βαυτογαβρα կամ Βαυγαυρι, յասորի լեզու թարգմանի Տուն Հսիպոյից, թերեւս զի մերձ էր ՚ի Քէթ ՚ի հայրենիս Գոյնաջու. յետոյ առ իշխանութեամբ Հոսովնոցեաց կոչեցաւ Ելեւթրուպոլիս (ազաւ քաղաք). այժմ գեղ կեթ է, այլ զՏին անունն կրէ Պէլեճիշ, ընդ մէջ Ասկազոնի և Երբոնի:

7 Թորենացի կոչի Մաւրինոս որդի Սարգեայ. և թուի յանաց Յուլ. Մաւրինոս րանրեամ Տիրերեայ կայսեր և յետոյ սարանալ ՚ի նմանն: Յիշատակի առ նովաւ և Սարինոս Մաւտարիմս օրնացեալ: Յանգաւ էր զիրս կամ յաւետարան մանկութեան Քրիստոսի՝ յասորի լեզու՝ Սախիգլ կոչի վերահայցու կողմանցս Ասորւոց, և մինչև յԵփրատ

սորոց և 'ի վերայ Փիւնիկեցւոց և Պաղեստինացւոց .
 և տարան նմա զթուղթս վանն արքունի իրաց : Եւ իբրև
 չոգան նորա առ նա , ընկալաւ զնոսս ինդութեամբ և
 մեծարանօք , և եղէն առ նմա առուքս քսան և հինգ .
 և գրեաց նոցա թուղթս փոխանակ թղթոցն՝ զոր բե-
 րին նմա , և առաքեաց զնոսս անդրէն առ թագաւորն
 Արգար :

Եւ ելեալ նոցա 'ի նմանէն՝ զնայնն դէպ ուղիղ ընդ
 ճանապարհ՝ որ երթայր յԱրուսաղէմ : և տեսեալ նոցա
 զբազմութիւն մարդկանն ոքր զայնն 'ի հեռատաննէ
 զի տեսցեն զՔրիստոս . քանզի եր ելեալ համբառ ըս-
 քանէլեւայն ընդ նամենայն աշխարհն . զնայնն և նորա
 ընդ նոսս , Մարիւհար և Շամհագրսոմ՝ և Անան՝ հա-
 ւատարիմը արքային : Իբրև մտին յԱրուսաղէմ , նոյն
 ժամայն տեսին զՔրիստոս , և ուրախ եղէն մեծապէս
 հանդերձ ժողովրդոյն որ ընդ նոսս : Եւ տեսանէին ևս
 զՀրեայնն ժողովեալ ժողովս ժողովս , և խորհէին թէ
 զինչ արասցեն ընդ նմա , և տրտմեալ յոյժ և խռովեալ
 Հրեայնն , զի տեսանէին յոյժ զբազմութիւնն մարդ-
 կանն իւրեանց՝ որք խոստովանէին 'ի նա : Եւ լեալ
 նոցա յԱրուսաղէմ առուքս տանն , և գրեաց Անան հա-
 ւատարիմ արքային՝ զամենայն զոր ինչ ետեսն զոր առ-
 նէրն Քրիստոս , և զամենայն զոր ինչ միանդամ արա-
 բեալ նորա յառաջագոյն մինչ չև երթեալ էին նորա
 անդր : Եւ զնայեալ անտի եկին յԱռահա քաղաք , և
 մտեալ նոցա առաջի Արգարու թագաւորի տեառն
 իւրեանց՝ ետուն նմա զգատմէն թղթոյն զոր բերին
 անտի : Եւ զինի ընթեռնոյ զթուղթն , սկսան պատմել
 առաջի թագաւորին զամենայն ինչ զոր տեսին՝ զոր
 առնէր Քրիստոս յԱրուսաղէմ : Եւ ընթերցեալ Անան
 առաջի նորա զամենայն որ ինչ միանդամ գրեաց և
 եբեր 'ի տուն իւր . և լուեալ զայն Արգարու արքայի ,
 զարմանայր մեծապէս և ասէր զպետոս և զիշխանոս իւր՝
 որ կային առաջի նորա . Այս զորութիւնքս չեն մարդ-

գեա ասի իշխեչ նորո նաև յետ համարման Տեառն մերոյ : — Սխմ.
 Մեաափրատուն ասէ՝ Անանոյ պաշտօնէի Արգարու յերթան յե-
 զիպտոս առ կուսակալ տեղւոյն և մտերիմ Արգարու՝ անցանել ընդ
 Պաղեստին և հանգիտել Քրիստոսի , և յետ զարմին յեղիպտոս
 գալ և պատմել տեառն իւրում զգործս Քրիստոսի :

կան այլ Աստուծոյ. քանզի չիք որ 'ի մարդկանէ որ կարէ յարուցանել զմեռեալս, բայց միայն Աստուած: Աստեցաւ ինքնին երթալ 'ի Պաղեստինէ, զի աչովք իւրովք տեսցէ զՔրիստոս և զամենայն զնշանան զոր առնէր. և վասն զի չէր իւր իշխանութիւն աշխարհն Հռովմոց՝ ընդ որ ինքն երթալոց էր, զտեղի կալաւ, զի մի սրատառք ինչ լինիցին թշնամութեան:

Գրեաց այնուհետեւ թուղթ, և տայ տանել առ Քրիստոս 'ի ձեռն Սնանայ հաւատարմի: Եւ գնացեալ նորա յՈւռհայէ որ օր չորեքտասան էր արեգ ամսոյ, և մըտեալ նորա յԵրուսաղէմ որ օր երկուտասան էր ահկի ամսոյ, չորեքշաբաթի օր¹. և գտեալ նորա զՔրիստոս 'ի տան Փամաղիէի քահանայապետին² Հրէից, և ընթերցեալ զԹուղթն առաջի նորա, զոր գրեալ էր այսպէս. « Աբգար Արշամայ³, առ Յիսուս բժիշկ

1 Արեգ՝ ըստ վերջնշանակեալ համարողութեանդ՝ է մարտ ամիս, և 12ն ահկի և 12 ապրիլի, որ արգարև յայնմ ամի (որ է 30 հասարակ թուականին Քրիստոսի) հանգիպի յօր չորեքշաբաթի: Մ. Խորենացի աւանդէ յաւուր Մառափերաց մահից Տեառն յԵրուսաղէմ հանգիպեալ զեսպանաց Աբգարու՝ Քրիստոսի, յայս ձգելով զքան աւետարանին Յովհաննու, յբ. 20-3:

2 Աչ քահանայապետ, այլ վարդապետ օրէնսուսոց ապի Փամաղիէի 'ի Ս. Գրոց:

3 Փամաղիէի էր աստանօր ունել զքնազիրն 'ի քննութիւն անուան, զորմէ և 'ի յառաջարանիս. քանզի թէպէտ առ Եւսեբեայ ըստ թարգմանութեան մերում ամին նման գտանի գրեալ Արշմայ, այլ յասորին է Արշամա, և հաւանագոյն թուի. քանզի և 'ի հայունս ոչ ապի որդի Արշամայ, և ոչ իսկ է սովորութիւն թագաւորացս ըզհարցն անուանս վարել 'ի վերնագրի թղթոց և հրովարտակաց իւրեանց: Սակայն և Թուփինոս հին թարգման Եւսեբեայ՝ Ուսանայ որդի ասէ: Uchanis filius. Խորենացի գրեալմէ բան առ բան զտղափարե զայն թուղթ այսպէս. « Աբգար Արշամայ իշխան աշխարհի, առ Յիսուս փրկիչ և բարերար, որ երևեցար աշխարհի Երուսաղեմացոց, ողջոյն:

« Լուեալ է իմ վասն քո և վասն բժշկութեանդ, որ լինին 'ի ձեռս քո ասանց զեղոց և արմատոց. զի որպէս ապի, տաս զուկուրաց անսանել և կաղոց զնալ և զբորոսս սրբել, և զայսս պիղծս հանես, և որ միանգամ չարչարեալ են երկար հիւանդութեանք՝ բժշկես. զու և զմեռեալս յարուցանես: Եւ իբրև լուայ վասն քո զայս ամենայն, եզի 'ի մաի իմում մի յերկուց ասաի. կամ թէ զու աստուած իցես, իջեալ յերկնից զործես զայդ. կամ թէ որդի իցես զու Աստուծոյ և զայդ առնես: Արդ վասն այնորիկ գրեցի ես առ քեզ աղաչել զքեզ, զի աշխատ լինիցիս և եկեացես առ իս և բըժշկեսցես զհիւանդութեանս՝ զոր ունիմ ես: Ես և լուայ զի Հրեայք որանջեն զքէն և կամին չարչարել զքեզ. բայց քաղաք մի փորրիկ և զեզեցիկ է իմ, և բաւական է մեզ երկոցունցս »:

« մեծ¹, որոյ երևեալ յերկրից Հրեաստանի՝ի քաղա-
 » քից յԱրուսաղէմ, ողջոյն : Տէր լուայ վասն քո և
 » վասն բժշկութեանցդ քոյ զոր առնես . զի ոչ գեղավք
 » և արմատովք բժշկես դու՝ այլ բանիւ . զկոյրս լուսա-
 » ւորես , զկաղս գնացուցանես , զբորոտս սրբես , և իբր-
 » լից լսել տաս . զգեա հալածես , զմեռեալս յարու-
 » ցանես , և զամենայն չարչարեալս և զախտաժեռոս
 » բանիւ բժշկես : Եւ իբրև լուայ ես զայսպիսի մեծա-
 » մեծ սքանչելիս զոր առնես դու , եղի՛ի մտի իմում
 » և հաւատացի թէ աստուած ես դու և որդի Ար-
 » տուծոյ , որ իջեր յերկնից և առնես զայդ ամենայն :
 » Վասն այսորիկ գրեցի առ քեզ աղաչանս գալ քեզ
 » առ իս , զի երկիր պագից քեզ , և բժշկեսցես զիս՝ի
 » ցաւոց և ՚ի հիւանդութենէ իմիկ , որպէս հաւատա-
 » ցի՛ի քեզ : Եւ զայս ևս լուայ , եթէ Հրեայքդ տրբ-
 » տրնջեն զքէն և՛ հալածեն զքեզ և կամին կորուսա-
 » նել զքեզ . քաղաք մի է իմ՝ փոքրիկ և վայելուչ² և
 » բաւական է երկոցունց մեզ բնակել ՚ի սմա խաղա-
 » զութեամբ » :

Եւ ընկալեալ Յիսուսի զթուղթն ՚ի տան քահանա-
 յապետին Հրէից , ստէ ցԱնան հաւատարիմ՝ արքային³ .
 Երթ և ասա Տեառն քում , որ առաքեացն զքեզ առ
 իս . « Երանի է քեզ զի հաւատացեր յիս , մինչ չև տե-
 » սեալ քո զիս , զի այսպէս գրեալ է վասն իմ⁴ , զի
 » որք տեսանեն զիս ոչ հաւատան , և որք ոչ տեսա-
 » նեն՝ հաւատացեն : Եւ զի գրեցեր դու առ իս գալ
 » ինձ առ քեզ , վասն որոյ առաքեցայ ես յաշխարհ ,
 » կատարեալ է ամենայն . այսուհետև վերանամ ես

1 Վայելչագոյն թուի բնիւն կոչումն Յիսուսի Արգարէ՝ որ իրն-
 գրէր զբժշկիլն յախակն , քան ի իւր , որպէս գրի առ Եւսեբեայ և
 Թորենացոյ :

2 Եզեխիա քաղաք , զորմե ստէ Թորեն . Բ . Ի :

3 Վայելչագոյն ևս է բնագրիս պատմութիւն , ստէն Յիսուսի ցԱ-
 նան , կամ բերանացի նուիրակութիւն նորա , քան զրէն զիր թէպէտ
 և ՚ի ձեռն Թումայի , ըստ Եւսեբեայ և Թորենացոյ և այլոց , վասն
 որոյ և այնքան վէճք և անհաւանութիւն աստուածաբանից , և ընդ
 անվաւերս և օտարս ՚ի Ս . Գրոց համարիլ թղթոյն , վճռով Քեւա-
 սիու պապի յամին 494 : Ազբիւրս այս ամենայն այլոցն պատմու-
 թեանց բառայ զերկնայնն և զեկթ . ոչ գրէ և ոչ գրել տայ Քրիս-
 տոս , այլ պատրուով առաջէ :

4 Ըստ Փարթիկիտի սկնարկէ ՚ի բանն Եսայեայ , 2 . 9 . Եր . 15 :

» առ հայր իմ՝ որ առարեայն զիս. և յարժամ վերա-
 » ցայց առ հայր, առարեցից առ քեզ մի յաշակերտաց
 » խնոց, զի բժշկեսցէ զքեզ և զամենայն ժողովուրդդ
 » քո որ ընդ քեզ. և դարձուցէ զքեզ ՚ի կեանսն յա-
 » խտենականս: Եւ քաղաքդ քո որ հնեալ լիցի, և
 » թէնամի մի ևս տիրեսցէ դմա յախտանս »:

Եւ լուեալ զայս ամենայն Անան՝ զոր ասաց զնա Յի-
 սուս, առեալ նկարեաց զպատկերն Յիսուսի ընտիր դե-
 զովք, քանզի արուեստաւոր թագաւորին էր¹. և բե-
 ղեալ մատոյց Աբգարու թագաւորի տեանն իւրում:
 Եւ իբրև ետես Աբգար թագաւոր զպատկերն Յիսու-
 սի, ընկալաւ զնա մեծաւ ուրախութեամբ և եզ զնա
 պատուով ՚ի սենեկի իւրում՝ յապարանա իւր: Եւ սրա-
 մեաց նմա Անան զամենայն ինչ զոր լուաւ ՚ի Յիսուսէ:

Եւ յեա վերանալոյ Քրիստոսի յերկինս առ Հայր
 իւր, թովննա մի յերկոստասանիցն առարեաց առ Աբ-
 գար թագաւոր զԱզէ առարեալ, այն որ մի յիւթա-
 նասուն և յերկուցն էր². և իբրև եկին Ազէ յՈւռհա

1 Հանգոյն բանի թղթոյն Քրիստոսի և զննգիրս անձեռագործ պատ-
 կերին կամ զչեքահաչափ Գաստառակին լուծանէ հնազոյն պատմիչս.
 նկարէն և ձեռագործ ցուցեալ զայս պատկեր. բայց զի են և այլ աւան-
 զութիւնք անձեռագործ պատկերի Քրիստոսի, օտար յնշեացուցոյս,
 և զի զնոյն իսկ զնկարեալն յԱմանայ արժան և որհնեալ համարէլ ՚ի
 կենդանապէն, ոչ սորոյս պատիւ նուազէ, և ոչ այլոցն՝ որք ՚ի Գե-
 նուս կամ ՚ի Հառիժ և այլաբ. փոխադրեալք յնշեալից կամ ՚ի Ս.
 պղտէ, շատ և թէ ցուցի հնութիւն նոցին հաստեօք:

2 Ա. Հերանխոս զթագեոս առարեալ Հայոց և Ասորոց համարի
 մի յերկոստասանից, զանուանեալն Գերեոս և Յուզա Յակովբեան.
 բայց ըստ յոյզից հաւանութեան թագեոս մեր որ և Ազէ ըստ Ա.
 սորոց, յեթնամանիցն և և արգանդակից եզրայր թովնայի, որ Եր-
 կուորեանն թարգմանի (զի բնիկ անունն Յուզա էր). առ մեզ Ազգէ
 կոչի աշակերան թագէի և յաջորդ յնշեալս, որ յառաջ մատարա-
 ցարձ էր և խոյրարար թագաւորին, ըստ զիսոյց զուգանուն զտեալ
 վարդապետին կամ առ ՚ի նմանէ իսկ ընդ ձեռնադրութեանն և զա-
 նունն ժառանգեալ. յոր մարթ է ձգել զբան Սորենացոյնն (Բ. 19.)
 « Զխոյրարար ոմն մատարագործ մկրտեալ, և անուն կուչեցեալ Ազ-
 » գէ »: Երկուքն ևս յայտ պատմութեան թղթոյս Աբգարու՝ ՚ի հա-
 յուսն Ազէ զրին միով գայիւ. իսկ յասորին (ըստ Գիւրջգանի) աշա-
 կերան Քրիստոսի Ազգէ կոչի, և նորին աշակերան Ազգէ: Միխայէլ
 Ասորի պատմիչ զերկուքն ևս թագեոսս՝ և որ յերկոստասանիցն և որ
 յեթնամանից՝ զանկ ընդ քարոջս աւետարանին ՚ի Հայս: Նորա-
 զոյնս իմն ևս ասէ այլ ոմն ասորի սուղ ինչ կրտեր ժամանակաւ. քան
 զկաթուղիկոսն պատմիչ, այն է Սողոմոն և պիտիպոս (Ստեմանի Գ.
 309. — Գիւրջգան 164.) և թէ աշակերան Քրիստոսի կոչիւր Ազգեոս.

քաղաք, և եմուտ նա 'ի տուն Տուբեայ որդւոյ Տուբէի՝ Հրէի, որ էր յաշխարհէն Պաղեստինացւոց. և լուր եղև վասն նորա ընդ ամենայն քաղաքն: Մտեալ մի 'ի նախարարացն Աբգարու թագաւորին, որում առ նուն էր Աբգիու որդի Աբգուայ՝ 'ի գլխաւորաց քաղաքին, որ էր աթուակից թագաւորին՝ առաջն նորա, և ասէ. Սհաւասիկ հրէշտակ ոմն եկեալ մտեալ է աստ, միթէ նա՞ իցէ սա՞ վասն որոյ առաքեաց առ քեզ Յիսուս, եթէ յղեցից առ քեզ մի յաշակերտաց իմոց որ բժշկեսցէ զքեզ: Եւ իբրև լուաւ Աբգար արքայ վասն Աղէի և վասն նշանայն զոր առնէր և բժշկութիւնս մեծամեծս, աճ զնաւ իւրով և հաւատաց 'ի սրտի իւրում: Թէ ճշմարիտ նա է՝ վասն որոյ առաքեացն առ նա Յիսուս, թէ յորժամ վերացայց յերկինս առ հայր իմ, առաքեցից առ քեզ զմի յաշակերտաց իմոց, որ բժշկեսցէ զքեզ: Եւ յղեալ Աբգարու թագաւորի կուշեաց զՏուբիա և ասէ ցնա. Լուայ ես եթէ այր մի զօրաւոր մտեալ է 'ի տուն քո. արդ աճ զնա առ իս, զի գտանիցի ինձ յոյս բարի առողջութեան, որով բժշկեսցայց 'ի ցաւոյ իմոց:

Եւ հանխեալ Տուբիայ 'ի վաղիւն և առեալ ընդ իւր զԱղէ առաքեալ՝ տարաւ ցնա առ թագաւորն: Եւ գիտէր ինքն Աղէ 'ի սրտի իւրում թէ կարող եմ զօրութեամբն Արաուծոյ կատարել զամենայն հարն նորա: Եւ իբրև եմուտ նա առ Աբգար թագաւոր, մինչ զեռկային նախարարք և իշխանք և մեծամեծք առաջն նորա, և 'ի մտանել նորա առ նա՝ տեսիլ զարմանալի երևեցաւ Աբգարու յերեսաց Աղէի. և 'ի նմին ժամու

սորին աշակերտ մտադասգործն՝ Աղգէոս, և սորին աշակերտ երրորդ ոմն՝ Քաղէոս, երկրին և սահապակեալք 'ի Հերովդէայ որդւոյ Աբգարու. բայց յասորի թարգմանութեան Եւսեբեայ Քաղէոս զրի ըստ մերումն՝ եղբայրն Քաղգայի: — Առ մեզ յիշի և Գաղէ կամ Գաղիու ոմն աշակերտ Քաղէի կատարեալ 'ի Փարթ Արմինս, ուր ճանաչի ցարդ Գաղի վանքն:

1 ՅԵՍԵՐԵՅԱՅ ԹԱՐԳՄԱՆՈՒԹԵԱՆՆ ԳՐԻ «Առ Տուբիայ որդւոյ Տուբէի» բնագոյ: . անուանք՝ որք յիշեցուցանեն զտո՛մն Տովբիմայ:

2 ՍԵՆԱԿԱՆ ԱՊՈՒՆՅ անուանք 'ի ճա՛հ կողմանց Միջագետաց, ուր նստէր Աբգար, բայց յիշին զայսու ժամանակաւ և 'ի Տակիտեայ համանուն պաշտանեալք և իշխան Պարթևաց և Հայոց: (Տարեգր. Զ. 18. 18.) Թորենայի (Բ. 19) կոչէ զայս Աբգիու « իշխան քաղաքին » և պատուական յամենայն ասնն արքայի :

իրբև ետես Աբգար զտեսիլն՝ անկաւ առաջի նորա և երկիր ետագ նմա . և զարմացան ամենեքեան որ կային առաջի նորա, զի նորա ոչ տեսանէին զտեսիլն՝ որ երևեցաւ Աբգարու : Յայնժամ ասէ Աբգար ՅԱԳԷ-ՆՆԱՐԻՄ ասա ինձ, եթէ արդարեւ դու ես աշակերտս Յիսուսի զօրաւորին որդոյն Ասաուծոյ, որ առաքեացն առ իս և ասէ, թէ յղեցից առ քեզ մի յաշակերտաց իմոց որ շնորհեսցէ քեզ բժշկութիւն և կեանս : Ասէցնա ՍԳԷ . Քանզի յառաջագոյն հաւատացեր դու ՚ի նա, վասն այսորիկ առաքեաց զիս առ քեզ, եթէ հաւատացես ՚ի նա բոլորով սրտիւ քով, զամենայն զոր ինչ խնդրեսցես՝ եղիցի քեզ : Ասէցնա Աբգար թագաւոր . Այսպէս հաւատացի ՚ի նա, զի Հրեայքն որ խաչեցին զնա՝ կամեցայ երթալ զօրօք իմովք և սատակել զնոսա . և վասն թագաւորութեան Հոռովնոց արգելայ . քանզի ուխտ խաղաղութեան կացուցեալ էր ՚ի միջի մերում, ընդ իս և ընդ Տիրերիոս կայսր, որպէս հարցն մերոց առաջնոց՝ : Ասէցնա ՍԳԷ առաքեալ . Տեր մեր Յիսուս Քրիստոս իրբև կատարեաց զկանս հօր իւրոյ՝ համբարձաւ առ ծնօղն իւր, և նըս-

1 Յանկազոյն են այս բանք՝ թագաւորաց Աղեւիոյ քան Հայոց . որոց զեռ այն ինչ մտեալ էր ընդ հարկաւ Հոռովնոցեաց : — Յանկազար զիրս մանկութեան Յիսուսի, որոց հին ձեռագիր ասորի իբր ՚ի Չ գարու գրեալ պահի ՚ի Բրիտանիական մատենագարանի, ասի այսպիսի ինչ . Եւ իրբև ըսաւ արքայ Աբգար եթէ մահու խաչի գատեցան Հրեայք զՔրիստոս, արամեցաւ յոյժ . և յարեաւ Աբգար խաղաց զնոց մինչև յԵփրատ գետ, քանզի կամեր երթալ աւերել զՆրուսաղէմ : Այլ իրբև եհաս յեզր գետոյն Եփրատոյ, խորհեցաւ ՚ի սրտի իւրում և ասէ . Եթէ անցից ընդ գետս այս՝ եղիցի թշնամութիւն ընդ իս և ընդ կայսր Տիրեր : Ապա գրեաց Աբգար զիր և առաքեաց առ Սարքնա կուսակալ . և Սարքնա առաքեաց առ Տիրերիոս կայսր : Եւ էր պատճէն թղթոյն Աբգարու առ կայսր Տիրեր ըսա այսմ օրինակի .

« Արդարեւ թագաւորեւ Աղեւիոյ քաղաքի, խաղաղութիւն բազմացի »
 « մեծութեան քում, Տեր մեր Տիրերիոս : Զի մի զարեացի ընդ իս փա- »
 « սաւորութիւնդ քո, ոչ անցի ընդ Եփրատ գետ . քանզի կամի եր- »
 « թալ և աւերել զՆրուսաղէմ փոխանակ զի սպան զՔրիստոս բժիշկ »
 « իմաստուն : Բայց քանզի զու թագաւոր ես մեծազօր և արեա ՚ի »
 « վերայ ամենայն երկրի և ՚ի վերայ մեր, առաքեսցես զաս անել »
 « ինձ ՚ի բնակաց Երուսաղէմի : Քիտուն լիցի փառաւորութեանդ քում, »
 « զի փափագեմ անել ինձ իրաւունս ՚ի խաչահանուցն այնոցիկ » :

Նման է թուղթն առաջնոց թղթոյն Աբգարու առ Տիրեր՝ զոր Խորենացի ընծայէ, և զոր յետոյ օւրեմն տեսցես ՚ի կարգի պատմութեան :

տեալ նորա ընդ նմա 'ի փառս յախտենից, յորում էր խկզրանէ: Աբբայ ասէ. Եւ ես հաւատամ 'ի նա և 'ի հայրն նորա': Առաքեալն ասէ. վասն զի հաւատացեր սրտի մտօք՝ զնեմ զձեռն իմ 'ի վերայ քո յա նուն նորա՝ յոր հաւատացերն: Եւ նոյնժամայն եղ ըզ ձեռն 'ի վերայ նորա. և բժշկեաց զնա 'ի հարուածոց ցառոցն որ էր 'ի նմա 'ի բազում ժամանակաց: Եւ զարմացեալ Աբգարու և սքանչացեալ մեծապէս, թէ որպէս լուեալն էր նորա վասն Յիսուսի, թէ որպէս բրժրչկէր բանիւ առանց դեղոց՝ յանուն Յիսուսի Քրիստոսի:

Եւ Աբդիու որդի Աբդէի՝ իբրև ետես զի բժշկեցաւ Աբգար թագաւոր, մատոյց զոտս իւր առ նա, զի պատաղբոս էր. և եղեալ զձեռն իւր 'ի վերայ նորա և բժշկեաց զնա. և այլ ոչ եղև 'ի նմա նոյն ցաւ. նոյնպէս և յամենայն քաղաքին առնէր նշանս մեծամեծս և զօրութիւնս, և բժշկէր զամենայն ցաւս և զհիւանդութիւնս նոցա. և նշանս և զօրութիւնս եցոյց նոցա: Ասէ ցնա Աբգար թագաւորն. Աբդ այսուհետև զի տեմք ամենեքին զի զօրութեամբ և անուամբն Յիսուսի Քրիստոսի առնես դու զամենայն զսքանչելիս զայստոսիկ. և ահա զարմացեալ եմք ընդ ամենայն դործս քո. աղաչեմք զքեզ զի սրատմեցես մեզ վասն զալքատեանն Քրիստոսի, թէ զիսորդ եղև, և վասն փառաւորեալ թագաւորութեան նորա և վասն սքանչելեացն զոր առնէր, զոր լուաք մեք, զորս քո տեսեալ հանդերձ այլովք ընկերովք քովք:

Ասէ ցնա Ազէ առաքեալ. Ես ոչ դադարեմ 'ի քարոզելոյ, զի վասն այսորիկ առաքեցայ այսր, ասել և ուսուցանել ամենեցուն, որ միանգամ կամին հաւատալ իբրև զքեզ: Աբդ հրամանս տուր վաղիւ և ժողովեա առ իս զամենայն քաղաքս, և սերմանեցից 'ի տնա զբանն կենաց՝ զոր քարոզեմ առաջի քո վասն զալքատեանն Քրիստոսի, թէ զիսորդ եղև, և յաղագս Հօր առաքչի նորա, թէ վասն էր և կամ որպէս առա-

1 Աստի սկսանի ասորի հին բնագիրն տպագրեալ 'ի Գիւրզգանկ, խորագրաւ, Վարդապետութիւն Աղդէի առաքելոց:

2 Յաւելու ասորին, որպէս և բանն իսկ պահանջէ. « Ըստ այսմ և Աղդէս (Թագէս) առանց իրի գեղոյ բժշկեաց յանուն Յիսուսի »:

քեաց զնա, և յազազս զօրութեան նորա և զարմա-
նալի գործոց իւրոց, և վասն փառաւորեալ խորհրդոց
նորա զոր խօսեցաւ յաշխարհի, և վասն շնամարիտ քա-
րոզութեան նորա, թէ որպէս և վասն էր փորձեացոյց
զանձն իւր, և խոնարհեցոյց զբարձրութիւն աստուա-
ծութեան իւրոց ՚ի մարդկութիւնս մեր՝ զոր առ և խա-
լեցաւ համօք իւրովք և էջ ՚ի մեռեալս և խրամատեաց
զցանկն, զոր երբեք ոչ էր խրամատեալ, և կեցոյց զմե-
ռեալս մահուամբ իւրով. և իջեալ ինքն միայն և ե-
լեալ հանդերձ բազմօք առ հայր իւր փառաւորեալ,
այն որ ընդ նմա էր ՚ի սկզբանէ՝ միով աստուածու-
թեամբն բարձրելոյ:

Եւ հրամայեաց Աբգար թագաւոր ասլ Աղէի առա-
քելոյ արծաթ և ոսկի և պարզ և ս բազումս: Արէ յնա Ա-
ղէ. Զիարդ կարացութեամբ զոր ինչ ոչ է մեր. զի ա-
հա որ ինչ մերն էր թողաք ըստ պատուիրանին Տեառն.
զի առանց քսակի և մահադի բարձեալ մեր զխաչ ՚ի
վերայ ուսոց մերոց, հրամայեաց մեզ քարոզել զառե-
տարանն ընդ ամենայն օրեգերս. այն որ ամենայն ա-
րարածք իմացան և չարչարեցան ՚ի խաչելութեան նո-
րա, որ եղև փոխանակ մեր ՚ի փրկութիւն ամենայն
մարդկան: Եւ պատմեաց նա զամենայն ինչ առաջի
Աբգարու թագաւորի և առաջի ամենայն իշխանաց
և նախարարաց նորա, և առաջի Աբգոստիոսեաց մօր
Աբգարու և Շղամաթեայ՝ դստեր Միհրդատայ կը-
նոջ Աբգարու, զամենայն նշանն և զպանակներն Տեա-
ռն զոր առնէր նա, և զաստուածեղէն զօրութիւնս
նորա, և զվերանալ նորա առ Հայր իւր յերկինս. և
թէ որպէս առնէր նա զօրութիւնս մեծամեծս իշխա-

1 Ի պատմութեան մերում ոչ յիշատակն անուն մօր Աբգարու.
իսկ որ ասա Արգոստիոս՝ եթէ պատուոց կոչումն և եթէ ընկն անուն՝
ցուցանէ զյարձուցութիւն Աղեւացոց թագաւորին ընդ Հաստիոց, զոր
անդեալ թուի ունել մերոյս Արշամայ համարելոյ հօր Աբգարու: —
Իսկ անուն կնոջ Աբգարու կամ առաջնոյն ՚ի կամանց Հեղինէ ընդ առ
Թորենացոյց (Բ. 1, 6.) և այն առեալ թուի ՚ի Յովսէպոսե որ այդպէս
կոչէ զկին թագաւորին Աղեւանաց, և Թորենացի նայն համարի ընդ
Աբգարու: Գիրքդոն Եւսեբ ընթեռնու, և մարթե և առ այլազոց ևս
ընթեռնուէ՝ առ ՚ի չգոյնէ ձայնաւոր ասաից ՚ի գրութեան բնագրին.
Հայր նորա Միհրդատ թուի ՚ի Պարթեաց ասհմ. յիւի զկնի և յա-
ւոյ իշխանս Աբգարու Միհրդատ ան:

նութեամբ բազմաւ 'ի ժամ վերանալոյն իւրոյ . և զի նովին զօրութեամբ բժշկեաց և զԱբղիու զորդի Աբղէի զերկրորդ թագաւորութեան նորա . և եցոյց նոցա՝ թէ զիմորդ յայաներոց է նա 'ի վախճան ժամանակաց և 'ի կատարած ամենայն աշխարհի, և 'ի յարութիւն կենդանութեան՝ որ պատրաստեալ է ամենայն մարդկան . և որոշումն լինելոց է 'ի մէջ գառանց և ուրոց և 'ի մէջ հաւատացելոց և անհաւատոց : Եւ ասէ յնոսա Աբէ . Վասն զի դուռն կենաց անձուկ է, և ճանապարհն ճշմարտութեան նորբ է, վասն այսորիկ սակաւք են հաւատացեալք . և քանզի յանհաւատն հանդիսա է սատանայի, վասն այսորիկ բազումք են սուտք որ խաբեն զտեսողս . այլ եթէ ոչ էր վասն բարիոր կատարածի որ լինելոց է մարդոց հաւատացելոց, ոչ իջանէր Տէր մեր յերկնից, և ոչ գոյր 'ի ծնունդ և 'ի չարչարանս մահու, և ոչ առաքէր զմեզ՝ զի լիցուք մեք քարոզիչք և աւետարանիչք նորա, զոր տեսաք և լուարք 'ի նմանէն . զի որպէս առնէր և ուսուցանէր համարձակութեամբ քարոզելմբ յայտնի առաջի ամենայն ուրեք, զի մի լիցուք զլայտղք ճշմարիտ աւետարանի նորա : Եւ ոչ եթէ այս միայն՝ այլ և որ ինչ եղև յանուն նորա զինի վերանալոյ նորա՝ ցուցանելմբ և բարոզելմբ ամենեցուն : Արդ ասեմ՝ առաջի ձեր իրք ինչ՝ որ եղևն առ մարդս որք իբրև զձեզդ հաւատացին, եթէ Քրիստոս նա է որդի Աստուծոյ կենդանւոյ :

1 Պակաս գործեալ ասորի բնագիրն :

2 Աւանդութիւնս այս Պատրոնիկեայ թէպէտ և հին՝ օտարամուտ է 'ի պատմութեանս կամ 'ի քարոզութեան թագի, որ եղև յառաջ քան զերթալ առաքելապետին 'ի Հասով, յորմէ ասի աշակերտեալ և միրտեալ Պատրոնիկեայ : Մեկնիչ ճառի խաչին (Բարձրացուցեաց՝ 'Իսթի Անյաղթի) յիշատակե զեկոս զայս . « Յայտասի առ ուրբ հաւատաց Պատրոնիկե կինն Աղոյեայ՝ բանի սուրբ առաքելոյն Պետրոսի, և մեծաւ յուսով զնաց 'ի Հասովմէ Երուսաղէմ, ուստեքք և գտեքք . . . Եւ ինզրի մասն ինչ յառաքելոյն 'ի կեցուցիչ խաչին . և ասեալ զնաց 'ի Հասով : Եւ ըսա պայազատութեան քրիստոնէութեանն ժառանգէ Հախիսիմե և Փայիանե, որք էին յազգե Պատրոնիկեայ երկրքին » : Յիշէ և պատմահայրս մեր Թորենացի 'ի ճառի ճանապարհորդութեան Հախիսիմեանց, վկայելով զինն ինչ նորա՝ 'ի զարմէ Աեգոստեայ կայսեր, և զարկանել Փայիանեայ 'ի պարանոց ասուուն « խաչ զԱ . Յակոբայ՝ զմեծեալն տերունական արեամբն : 'ի կենաց » փայտէն հասեալ, վասն ինզրոյն Պատրոնիկեայ ակնկոյն : Հնագոյն ևս վկայութիւն միանգամայն և սրբազան վարկումն աւանդութեանս՝ և

ԿԻՆ, ՄԻ Պատրոնիկէ՝ անուն՝ Կղաւղիանոսի կայսեր կին, զոր արարեալ Տիրերեայ Թագաւորի երկրորդ Թագաւորութեանն իւրոյ, իբրև երթայր նա տալ պաւերազմ՝ ընդ Սպանիացիս՝ ոչք ապստամբեալ էին ՚ի նմանէ. կինս այս մինչդեռ էր Պետրոս ՚ի Հռովմ՝ քաղաքի, մի յաշակերտացն Յիսուսի, որ էր գլուխ ամենեցուն՝, տեսեալ սորա զնշանս և զբաննէլիս և զգորութիւնս մեծամեծս և զարմանալիս զոր առնէր յանուն Քրիստոսի, ուրացեալ զհայրենի կուսպաշտութիւնն յորում էր, և զպատկերս հեթանոսականս՝ որոց երկիր պագաններ, առ Տէր մեր Յիսուս Քրիստոս հաւատայր և երկիր պագաններ, փառաւորելով ընդ այնոսիկ ոչք զՏէտ շրջէին Պետրոսի և մեծարէր զնա պատուով մեծաւ: Եւ զկնի այսոցիկ կամեցաւ նա և զԵրուսաղէմ տեսանել և զտեղիսն ուր եղէն մեծամեծ զորութիւնք Քրիստոսի: Եւ յարուցեալ փութա-

զրութեանս՝ նշանակի ՚ի հին անագուցի՝ որ Ս. Սահակայ ասի կարգած. ՚ի ծ մարտի (17 մայիսի) հրամայէ ՚ի անի « Կիւս Սաչին, » յԱրգարու Թաղին զՊատրոնիկէն գիտ և ընթերցիր »: Վասն այսորիկ և ուրոյն առանձին գրանի պատմութիւն գիւտի խաչս գրեալ ՚ի Ճառընտիրս, յորոց ՚ի հին և յերկամագիր օրինակ ուրեմն արժան համարիմ՝ զաղափարել զինի ՚ի յաւելուածս ծանօթութեանս զբովանգան, որ ոչ միայն ուրեք ուրեք ընծայէ զանագանութիւնս բանից սահաւս, այլ և համօրէն զառ թարգմանութիւն Թուփ. և ունի խորագիր ևս այսպէս. « Սրբոյ առաքելոյն Թագևոսի Պատմութիւն » յաղագս առաջին գիւտի սուրբ Սաչին, որ յաւուրս Յակոբբու առաքելոյն, ՚ի ձեռն Թագուհւոյն Պատրոնիկէայ, որ էր կին Կղաւղեայ կայսեր Հռովմայ »:

1 Երբնակի միում Սորենացոյ պատմութեանն Հախիսիմեանց՝ Պարթևիկայ գրի:

2 Յայնագոյն ևս ասի միւս օրինակ մերոյ Ճառընտիրս վասն Կղաւղեայ երթալ տալ պատերազմ ընդ Սպանիացիս, մինչ Տիրերեոս կայսր մեկուսացեալ ՚ի Հռովմայ նստէր ՚ի Կարբէա կղզւոյ: Պատեբարգին Սպանիացոց որ յիշատակի աստ և զինի ՚ի Թղթին Տիրերեայ առ Արգար՝ անձանթ և ՚ի պատմութեան Հռովմոց. բայց Թուփ ակնարկել ՚ի հարստահարութիւն աւագ և ձոխ որերոյն Սպանիացոց և Գաղղիացոց զոր տայր առնել Տիրեր (Սուէտան. ՚ի Տիրեր, Իթ): Պատմէ և Տակիտոս (Տարեգր. Զ. ծի) զնմանէ՝ զՄարիոս ճոխագոյն այր Սպանիացի գահազէժ արարեալ ընդ տարակտան վտիտ և գրուեալ զտակէճանս նորա: Որում համաձայն զբուցի և մերս Թովմա Արծրունի, (Ա.) եթէ « Տիրերեոս... տայր պատերազմ ընդ Սպանիացիսն վասն ոսկեհան տեղեացն »:

3 Նշանակելի բան ընդ հնագոյն վիպութիւնս հարց վասն գիտաւորութեան Պետրոսի առաքելոց:

պէս գնաց 'ի Հռովմ՝ քաղաքէ և եկն յԱրուսաղէմ, ինքն և երէք որդիք իւր և մի դուստր կոյս¹։ Աւ 'ի մտաւ նեւն նորա յԱրուսաղէմ ել ամենայն քաղաքն ընդ առաջ նորա, և ընկալան զնա պատուով մեծաւ իբրև զգժիտց և զտիկին ամենայն աշխարհին Հռովմոց։ Այլ Յակովբոս որ էր մեր առաջնորդ և հրամանատար յեկեղեցւոջն որ շինեալ էր յԱրուսաղէմ, իբրև լուաւ թէ վասն ինչ իրաց եկեալ է նա անդր, յարուցեալ եկն և նա անդր. և մտեալ առ նա, զի իջեալ էր նա յապարանս մեծ թագաւորին Հերովդէի. և իբրև ետես զնա կինն՝ ընկալաւ զնա մեծաւ ուրախութեամբ՝ որպէս զՍիմոն Պետրոս. և ցուցեալ նորա նմա զգործ թիւնս բժշկութեանցն զոր առնէր՝ որպէս և ըզՊետրոս։

Աւ ասէ զնա. Յոյց ինձ զՊողոսթա, ուր խաչեցան Քրիստոս, և զիտաւափայտն՝ զորմէ կախեցան 'ի Հրէից, և զգերեզմանն ուր եղեալն էր զնա։ Ասէ զնա Յակովբոս. Զայդ իրս զերեսին՝ զոր կամի տիկնութիւնդ քո տեսանել, ընդ իշխանութեամբ Հրէից է, և նոքա իշխեն և ոչ տան մեզ թոյլ երթալոյ յաղօթս 'ի Պողոսթայ, և ոչ 'ի յարութիւնն, և ոչ զիտաւափայտն կա մին տալ ցմեզ. և ոչ եթէ զայս միայն առնեն, այլ և հարածելով ևս հարածեն զմեզ, զի մի ևս աւետարանեսցուք և քարոզեսցուք յանուն Քրիստոսի և բազում անգամ 'ի բանդ ևս արդելուն զմեզ։ — Իբրև լուաւ զայս թագուհին՝ հրաման ետ և ածին առաջի նորա զՍիմոն որդի Մնանայ քահանայի և զՊողոսիա որդի Կաշիափայ և զՅուդա որդի Աբաթաս զովմոյ զգլխաւորս և զհրամանատարս Հրէից. և ասէ զնոսա. Տուք 'ի ձեռս Յակովբայ և ընկերաց իւրոց ըզՊողոսթա և զՅարութիւնն և զիտաւափայտն Քրիստոսի, և մի որ արդելուցու զգոսս պաշտել անդ ըստ սովորութեան պաշտաման իւրեանց։ Զայս ասացեալ ցբահանայն, յարուցեալ զնաց տեսանել զտեղիան զայնոսիկ, յանձնեալ Յակովբայ և որք ընդ նմայն էին։

Աւ յետ այսորիկ մտեալ նորա 'ի գերեզմանն և գը-

¹ Միւս օրինակն (ա. Յաւելուած Բ) ասէ և այլ ևս զտարս ունել, այլ միս այս միտն երկի լինել կոյս։

տեալ 'ի ներքս երիս խաչափայտս, մի Տեառն մերոյ, և երկուս առաջակացն որք խաչեցանն ընդ նմա: Աւ նոյն ժամայն 'ի մտանէն նորա մանկամբ իւրովք 'ի գերեզմանն, 'ի նմին ժամու անկառ դուստր նորա կոյս և եհան զողին, առանց ցաւոյ և հիւանդութեան, և առանց ոչինչ պատճառանաց մահու: Աւ իբրև ետես գծխոյն, եթէ յանկարծակի մեռաւ դուստր նորա, ծունր եղ և կայր յաղօթս 'ի ներքս 'ի գերեզմանին, և ասէր յաղօթէն իւրում այսպէս. Աստուած, որ ետուր զմնձն քո 'ի մահ փոխանակ արարածոց, և ելեր 'ի խաչ 'ի ակղւղջս յայսմիկ վասն փրկութեան ամենայն մարդկան, և եղար 'ի գերեզմանիս յայսմիկ զի կեցուսցես զամենեւինն որ իցեն 'ի գերեզմանս, և յարեար իբրև զԱստուած և կենդանարար ամենայնի, և յարութեամբ քով յարուցեր ընդ քեզ զբազումս. և արգ Տէր Աստուած ամենայնի, լիցեն հեթանոսք և Հրեայք խաչահանուքն քո և ոտնհար կայցեն, և հեթանոսք մոլորեալք՝ յորմէ ուրացայ ես 'ի կոտոյ և 'ի դրոշերոց և յերկիւղէ զից հեթանոսութեան նոցա, և ուրախ լիցին այսն առնելով զիս, և ասիցեն. Այս ամենայն սր եղև նմա՝ յաղազս ուրանալոյ նորա յաստուածոցն զոր պաշտէին և երկիր պազանէր, և խոստովանեաց 'ի Քրիստոս զոր ոչն գիտէր, և երթեալ նորա պատուել զտեղին խաչելութեան և զգերեզմանն նորա: Տէր, և եթէ ես չեմ արժան, թէ լուիցես իրն, գրուածաց իմոց, վասն զի երկիր պազի արարածոց քոյ փոխանակ քո, դու Տէր իմայեա վասն անուան քո երկրպագելոյ, զի մի հայհոյեցի այժմ՝ միւսանգամ, որպէս հայհոյեցան 'ի խաչելութեան քում:

Զայս իբրև ասաց յաղօթսն իւր և շարչարանօք հառաչէր, գոչելով առաջի ամենեցուն որք անդն էին: Մատուցեալ առ նա երեց որդի նորա և ասէ ցնա. լուր ինձ մայր իմ, զոր ասեմն առաջի թագաւորութեանդ քո. ինձ այսպէս թուի 'ի խորհուրդս իմ թէ այս մահ՝ որ յանկարծօրէն եհաս 'ի վերայ քեռս իմոց, ոչ ընդունայն ինչ եղև, այլ իմն նորասքանչ և մեծ զարմանալիք. զի փառաւորեցի սովաւ մեծ անուան Քրիստոսի և ոչ եթէ արհամարհեցի, վասն սորա որ կարծեցին՝ որք լուան զայս: Ահաւաստիկ մտեալ եմք մեք 'ի գերեզ-

մանս, և դասք աստ երիս խաչափայտս. և ոչ գիտեմք
 որ իցէ խաչն յորում խաչեցան Քրիստոս. արդ այ-
 սուհետե քեռս խնց մահուամբ՝ կարող եմք տեսանել
 և ուսանել թէ որ է խաչն Քրիստոսի. քանզի ոչ ան-
 փոյթ առնէ Քրիստոս վանս այնոցիկ որ հաւատան 'ի
 նա և խնդրեն զնա: Յայնժամ թագուրհին Պատրո-
 նիկէ թէպէտ և դառնացեալ էր յանձն իւր 'ի ժա-
 մունս յայնմ, նայեցեալ նա իմաստութեամբ 'ի մտի
 իւրում, տեսանել թէ արդար իցէ զոր ասաց որդի նա-
 րա. և մտաուցեալ առ 'ի ձեռն մի 'ի խաչափայտից
 անտի և եդ 'ի վերայ դասերն իւրոյ, որ անկեալ կայր
 առաջի նորա. և սկսեալ ասել այսպէս յազօթան իւր.
 Քրիստոս որ ցուցեր զօրութիւնս մեծամեծս և զար-
 մանալիս 'ի տեղւոյնս յայմիկ, որպէս լուաք և հաւա-
 տացաք, եթէ քո է Տեառնս խաչս այս, և 'ի սմա տա-
 րածեցեր զձեռս քո, և զաննէ կախեցար 'ի յանդուզն
 և 'ի ժպիրհ մարդկանէ, յայանեա զգօրութիւն մե-
 ծութեանս աստուածութեանս քո. որ աւեր զմարմին
 և եղեր մարդ և չարչարեցար և խաչեցար. և արդ կեն-
 դանացի դուստր իմ եւ փառաւորեացի անունս քո 'ի
 դառնալ ողւոյ տրա 'ի սմա. և ամանեցեն խաչահա-
 նունքն քո, և ուրախ լիցին երկրպագութնս քո:

Աւ անաացեալ նորա իբրև ժամ մի յետ ասերոյնս
 զայս, առ 'ի բաց զխաչն 'ի դիոյ անտի, եւ եդ 'ի վե-
 րայ նորա զմիւս ևս խաչն. և սկսեալ նորա դարձեալ
 ասել յազօթան իւր այսպէս. Աստուած, որ յախար-
 կել քում արարան ամենայն արարածք և հրամանաւ
 քով հաստատեցան ամենայն յախտեանք. Աստուած,
 որ կառն ընդ կեանս ամենայն մարդկան՝ ոյք կարգան
 առ քեզ և ոչ անփոյթ առնես զազաչանս այնոցիկ ոյք
 խնդրեն զքեզ, եթէ քո է տէր խաչս այս՝ յայանեա
 զգօրութիւնս մեծութեանց քոց որպէս ստիոր ես, զի
 յարիցէ դուստր իմ և կեցցէ, և յտնօթ լիցին Հրեայքն
 խաչահանունքն և հեթանոսք որք երկիր պապանեն
 կուոյ փոխանակ քո, և դահասցին զքէնս հաւատացեալք
 և ճմարիտք, 'ի բանալ զբերան իւրեանց յորհու-
 թիւնս քո, յանդիման այնոցիկ որ ուրանան զքեզ:

Աւ անաացեալ նորա իբրև ժամս երկուս, յետ այ-
 տրիկ 'ի բաց առ և զայն ևս խաչ 'ի դասերէ իւրմէ:

Եւ առեալ նորա զերրորդ խաչն և եղեալ ՚ի վերայ դատերն իւրոյ, և մինչդեռ կամէր ամբառնալ զայս իւր ՚ի վեր և հայել յերկինս և բանալ զբերան իւր յազօթս, նոյնժամայն իսկ և իսկ յական թօթափել ՚ի մերձենալ խաչին ՚ի դիակն՝ դուստրն իւր կենդանացաւ կանգնեցաւ յանկարծակի, և յարուցեալ փառաւորէր զԱստուած, զի խաչին իւրով կեցոյց զնա: Ապա իբրև ետես տիկինն Պատրոնիկէ, թէ զիարդ յանկարծակի յարեաւ դուստր նորա՝ զարհուրեալ զոզացեալ յոյժ և փութացեալ անկանէր ՚ի վերայ երեսաց իւրոյ և փառաւորէր զՅիսուս Քրիստոս՝ յոր հաւատայն, և առաւել ևս հաստատէր ՚ի հաւատան, թէ արդարև որդի Աստուծոյ կենդանոյ է նա:

Ասէ ցնա որդին իւր. Տեսեր տիկին, եթէ այս այսպէս չէր լեալ այսօր, թերևս ոչ գիտացեալ թողուար մեք զխաչն Քրիստոսի՝ որով եկեաց քոյրս իմ, ընկալեալ պատուէպք զմի ՚ի խաչից աւազակաց սպանողաց. ահա այսուհետև տեսաք եւ անխափր վատահաթեամբ ուրախ եղեաք յոյժ. և Աստուած որ զայս արար՝ սովմբ փառաւորեցաւ:՝

Եւ առեալ նորա զխաչն Քրիստոսի՝ եւ ցՅակովբոս զի պահեցել մեծաւ պատուով. և հրամայեալ նորա զի շինեցել շինուած մեծ և երևելի ՚ի վերայ Քաղաթանն ուր խաչեցան Քրիստոս, և ՚ի վերայ գերեզմանին յորում եղեալն էր զնա, որպէս զի պատուեցին տեղիքն այնորիկ, և լիցին ժողովրդանոցք պաշտաման: Ապա իբրև ետես տիկինն զամենայն մարդիկ քաղաքին զի ժողովեցան ՚ի տեսիլ մեծի սքանչելեացն, հրամայեաց նա՝ զի առանց զբաղելոյ և առանց պատուոյ թաղաւորութեանն երթիցէ դուստրն նորա յայտնապէս յապարանան՝ ուր իլեալն էր, որպէս զի ամենայն որ տեսանիցէ զնա փառաւորեցէ զԱստուած:

Բայց ժողովուրդքն Հրէից և բազմութիւնք հեթանոսաց որք ուրախ եղէն և ցնծացան ՚ի մահուան զբաւերն նորա՝ յոյժ տրտմեցան ՚ի յարութեան նորա. այլ կամէին ևս թէ չէր իսկ լեալ այս, զի տեսանէին զբա-

1 Այսպիսի ինչ նշան և փորձ պատմի և առ զիւտի խաչին առ Հեղինաւ մարք Պատանդիանոսի մեծի:

զումն յաղագս այսր իրաց հաւատացեալս 'ի Քրիստոս, առաւել ևս տեսանէին զազգմութիւնն նշանաց որ լինէին յեա վերանալոյ նորա քան զոր լինէին յառաջ քան զվերանալ նորա: Եւ ընդ հեռաւոր աշխարհս եհաս համբաւ մեծամեծ նշանաց առաքելոցն ընկերակցացն ինոց՝ որք աւետարանեն զՔրիստոս. և եղև խաղազութիւն մեծ եկեղեցւոյն որ յԵրուսաղէմ՝ և 'ի քաղաքս որ շուրջ զնովաւ են. և որք ոչ տեսին զայս՝ յորժամ լսէին առաւել փառաւորէին զԱրտուած: Եւ յերանել տիկնոջն յԵրուսաղէմէ և գնալ 'ի Հռովմ քաղաք, յամենայն քաղաքս ուր և հասանէր նա, նեղէին և սնդէին ամբոխ մարդկանն տեսանել զգուտարն նորա: Եւ իբրև եմուտ նա 'ի Հռովմ քաղաք՝ պատմեաց առաջի Աղաւղիտի կայսեր զամենայն իրոն որ ինչ միանգամ եղեն: Եւ իբրև լուա Աղաւղիտ կայսր, հրամայեաց հալածել զամենայն Հրեայն յաշխարհէն Իտալիացոց, և ընդ ամենայն տեղիսն պատմէին զիրս սքանչելեացս այսոցիկ: Այլ և առաջի Սիմոնի Վիմի պատմեաց տիկինն զիրոն որ եղեն:

Արդ զամենայն ինչ զոր առնեն ընկերք իմ առաքեալք՝ առաջի ամենայն ուրուք քարոզեն, զի լուիցեն ամենեքին որ ոչն գիտեն զոր ինչ առնէ Քրիստոս 'ի ձեռն մեր յայսնապէս. զի փառաւորեացի անուն նորա յամենայն ումեքէ: Արդ զայս ամենայն զոր պատմեցի առաջի ձեր, զի 'ի միա առնուցուք և հաւատայցէք եթէ որքան մեծ է անուն Քրիստոսի որք հաւատան 'ի նա ճշմարտութեամբ: Այլ Յակովբոս առաջ նորդ եկեղեցւոյն Երուսաղէմի, որ ինքն իսկ աչօք իւրովք ետես զիրս զայս, գրեաց և ետ տանել ընկերաց իւրոց առաքելոցն ամենեցուն յաշխարհս և 'ի քաղաքս ուր և շրջէին 'ի նոսա: Եւ նոքին իսկ առաքեալքն ընկերակիցք նորա՝ գրեն և ջուշանեն նմին իսկ Յակովբոս զամենայն ինչ զոր առնէ Քրիստոս 'ի ձեռն նոցա, և ընթեռնուուն և պատմեն առաջի ժողովրդեանն:

Եւ իբրև լուա զայս ամենայն թագաւորն Աբգար և Երզրանաթէ գուտար Մեհրդաթայ կին՝ նորա, և

1 Յորինակին քաղ:



Փոկրեա և Աբեթշեմեայ և Շամհազբամ և Աբգիու
 և Աջի և Բարբաղաբայ¹, հանդերձ այլովք ընկերօք
 իւրեանց ուրախ եղէն յոյժ և փառաւորէին զԱստուած
 ամենեւեփն՝ խոստովանելով ՚ի Քրիստոս: Ասէ Աբգար
 Թագաւոր զԱզէ առաքեալ. կամիմ ես Թէ զամենայն
 զոր լուսաք մեք ՚ի քէն հանդերձ այլովք՝ առաջի ամե-
 նայն քաղաքիս ասասցես յայտնապէս և լուիցեն ամե-
 նայն որ զքարոզութիւն աւետարանին Քրիստոսի՝ զոր
 ուսուցանես զու, և հանդիցուք և հաստատեցուք ՚ի
 վարդապետութեանդ քում զոր ուսուցանես զու մեզ.
 և ՚ի միտ առեալ բազմաց Թէ յիրաւի հաւատացի ես
 ՚ի Քրիստոս Թղթոյն խնով զոր առաքեցի ես առ նա,
 և խնացին ամենեւեփն Թէ Աստուած է նա և Արդի
 Աստուծոյ, և զու ճշմարիտ և հաւատարիմ աշակերտ
 ես նորա, և զփառաւորեալ զգօրութիւն նորա ար-
 դեամբք ցուցանես առաջի ամենեւեցուն որք կամին հա-
 ւատալ ՚ի նա:

Եւ զկնի աւուրն այնորիկ հրամայեաց Աբգար Թա-
 գաւոր Աբգուայ որդւոյ Աբգէի՝ որ բժշկեալ էր ՚ի
 դառն ցաւոց ոտից իւրոց, զի առաքեացէ քարոզս կո-
 շել զամենայն քաղաքն, և Ժողովեցի ամենայն քա-
 ղաքն արք և կանայք ՚ի տեղի մի կոչեցեալ Բեթբա-
 րայ, անդոյր տեղի տանն Աւիղեայ որդւոյ Աբգե-
 խեի. զի լուիցեն զվարդապետութիւն Ազէի առաքե-
 լոյ, Թէ զիարդ ուսուցանէր և կամ ոյր անուամբ բը-
 ժբշկէր, և կամ որով զորութեամբ առնէր նշանա և
 սքանչելիս: Քանզի յորժամ բժշկեաց զԱբգար՝ նախ-
 արարք իւր միայն էին որք կային առաջի նորա, որք
 տեսին զի բանիւ Քրիստոսի բժշկեաց զնա՝ զոր բա-
 զում բժիշկք մեծաւ աշխատութեամբ ոչ կարացին
 բժշկել, և այր մի օտար բժշկեաց զնա միայն բանին
 Քրիստոսի: Եւ իբրև Ժողովեցան ամենայն քաղաքն
 արք և կանայք ըստ հրամանի Թագաւորին և էին անդ,
 Աւիղայ² և Ղաբբու և Խափէս³ և Բարբաղաբայ⁴ և

1 Անծանօթք են ՚ի պատմութեան արքս իշխանաւորք, բայց յե-
 տինգ զկնի ուրեմն ասի լինել որդի Զասեի:

2 Տանուակր տեղոյն ուր Ժողովեալ էր ամբօրն:

3 Անծանօթք մեզ ՚ի պատմութեան:

4 Վերջիշեալն (ծան. 1):

Ղուբուբնեա¹ և Խոսրոն² և Շամհազբամ, հանդերձ այլովք ընկերօք իւրեանց՝ որք իբրև զնոսա էին գլխաւորք և նախարարք թագաւորին, և ամենայն զօրք նորա և բազում մարդիկ արուեստաւորք, Հրեայք և հեթա նոսք, որք էին ՚ի քաղաքիս յայսմիկ, և օտարք որք յայլոց աշխարհաց, Մծբնացիք և Խառանացիք հանդերձ բնակչօք ամենայն աշխարհին Միջագետաց³. Եկեալ ժողովեալ կային ամենեքին միախուռն բազում ամբօխ զի լուիցեն վարդապետութեանն Ազէի առաքելոյ. քանզի լուեալ էր նոցա եթէ աշակերտ է նա Յիսուսի՝ որ խաչեցան յերուսաղէմ, և անուամբ նորա առնէ զամենայն նշանս և զմեծամեծ բժշկութիւնս:

Եւ սկսեալ Ազէի ասէ ցնոսա այսպէս. Ղուարուք ամենեքին և ՚ի միտ առէք զոր ինչ ասեմ առաջի ձեր. զի ոչ եթէ բժշկեմ ես իբրև զայլ որ ՚ի մարդկանս՝ որք բժշկեն զեղօք բոս արուեստից մարդկանս. այլ աշակերտ եմ ես Յիսուսի Քրիստոսի ճշմարիտ բժշկին անձանց տառապելոց և փրկիչ ամենայն մարդկան, Որ զի Սրտուծոյ, որ էջ յերկնից և զգեցաւ մարմին զմարդկութեանս մերում, և ետ զանձն ՚ի խաչելութիւն փոխանակ ամենայն որդւոց մարդկանս. և ՚ի կասեւին իւրում ՚ի խաչափայտին խառարեցոյց զարեգակն յերկինս. և իբրև եմուտ ՚ի գերեզմանն՝ յարուցեալ յերրորդ աւուր ել ՚ի գերեզմաննն հանդերձ բազմօք. և որք պահէին զգերեզմանն՝ ոչ տեսին թէ զիարդ ել ՚ի գերեզմաննն, այլ զուարթունք երկնից և բազմու-

1 Որ յետոյ Ղլբուբնեա գրի, և ՚ի բնագրին Ղարուբնա, և Ղլբուբնա ՚ի պատմութեան Թորենացւոց. և է ինքն իսկ հեղինակն կամ հաւարոց թղթոցս և զործոց Թագէի և Արզարու. զորմէ տես ՚ի յառաջարանի մատենին:

2 Թուի Խոսրոսն Արծրունեաց նահապետ, որ տարաւ զցունցն Հայոց նիզակակից Արեւայ արքայի ընդդէմ Հերովցէի. և որոյ կին Սանտա՝ սանտաւ եմուտ Սանտորիոյ քեռորդւոց Արզարու: Թովմա Արծրունի Թուբեն գրէ (չստ մերոց օրինակաց) և ասէ յետ մահուան Արզարու և Անանուան երթեալ նորա առ Տիրեր և աւարտեալ զՍպանիական պատերազմն, (տ. յէջ 12 ծան. 2) և անտի երթեալ յերուսաղէմ առ Հեղինէ օրհին, և անդ փոխմանեալ (Թորեն. Բ. Խ. 12):

3 Փանդի Եզեփա գլխաւոր էր յայնմ ժամանակի ամենայն քաղաքաց հիւսիսային Միջագետաց, արքայանիստ և զաշնակից Հոսովմայեցոց, ՚ի զեպ իսկ էր յաճութեւ անդր եկեաց յայլոց մերձաւոր քաղաքոց:

Թիւնք հրեշտակաց լինէին քարոզք և աւետարանիչք յարութեան նորա: Զի եթէ չէր կամեցեալ ոչ մեռանէր. քանզի տէր է նա կենաց և մահու, և ինքն կամօք զգեցաւ զմարմին մարդկութեանս մերոյ: Զի նա իսկ է ստեղծիչ մարմնոց և ինքն կամօք իւրովք խոնարհեցաւ ծնանել 'ի կուսէն, և ինքն կամօք իւրովք խոնարհեցաւ 'ի շարչարանս խաչին, և խոնարհեցոյց զմեծութիւն աստուածութեանն իւրոյ՝ այն որ էր բարձրեալ և հաւասար Հօր 'ի սկզբանէ յաւիտեանս. զորմէ խօսեցան խորհրդով մարգարեիցն՝ որ յառաջ քան զմեզ էին, և պատմեցին և ցուցին զկերպարանս ծննդեան նորա և զարչարանաց և բոլորութեան և զվերանալոյ նորա յերկինս առ Հայր իւր, և վասն նստելոյ նորա ընդ աջմէ մեծութեանցն 'ի բարձունս. և ահա երկրապաղի յերկնաւորաց և յերկրաւորաց որպէս էր 'ի սկզբանէ և յաւիտեանցն. Թէպէտ և տեսանէին զնա իբրև զմարդ, այլ իմաստութիւն և զօրութիւն և իշխանութիւն Աստուծոյ էր որպէս և ինքն իսկ վկայեաց մեզ. Ահա այսուհետև փառաւորի Արդի մարդոյ, և Աստուած փառաւորի 'ի նման, և Աստուած փառաւորեացէ զնա յանձն իւր՝ զօրութեանք և սրանչելեօք և պատուով որ ընդ աջմէ: Իայց մարմնք նորա՝ ծիրանիք սուրբ են աստուածութեան նորա, զի նովաւ կարացուք հայել և տեսանել զաներևոյթ տէրութիւն նորա: Զսոյն իսկ զայս Քրիստոս քարոզեմք և աւետարանեմք և ընդ նմին զՀայր իւր փառաւորեմք և զսուրբ Հոգին աստուածութեան իւրոյ բարձրացուցանեմք և երկիր պագանեմք. քանզի զայս պատուիրան ընկալաք 'ի նմանէն, մկրտել և սրբել զամենայն զայնոսիկ՝ որք հաւատան յանուն Հօր և Արդւոյ և Հոգւոյն սրբոյ: Նա և մարգարէքն սրբ յառաջ քան զմեզն էին այսպէս ասէին, Տէր և Աստուած առարեաց զմեզ և Արդի նորա՝: Եւ եթէ ա-

1 Եթէ արդարև թագիկ են բանքս 'ի լոյ աստուածեզէն շրթանց Քրիստոսի յառաջ քան զքրութիւն աւետարանեցն Յովհաննու (ԺԳ. 31, 32) մարմ է և զհետեւեալ առգգ համարել տէրութեան պատգամ: Իայց զուցե և այս և որ զհետ սորին քարոզութիւն երկոյ անձանց աստուածութեանն՝ 'ի գրչն յերկրեալ և յետոյ:

2 Իուցե վրիպմամբ գրչն գրի աստ Արդի, քանզի Եսայեայ մարգարէն է բանս (ԻԷ. 17) որ ասէ. «Տէր Տէր առարեաց զիս և Հոգի

սեւմ ինչ աւելի որ ոչ գրեալ է 'ի մարգարէս' մի ընկաղցին զիս Հրեայք որ կան 'ի միջի ձերում' և լսեն ըզբանս խմ. և եթէ յիշեմ ես զանուն Քրիստոսի 'ի վերայ ամենայն արտացելոց և հիւանդացելոց և ոչ նոյն ժամայն բժշկին անուամբն փառաւորելոյն' մի հաւատացեն ինձ որք երկիր պաղանեն ձեռագործաց իւեանց. և եթէ գրեալ են 'ի գիրս մարգարէից զոր ինչ սսեմ ես, և կարող եմ ես ցուցանել զգօրութիւն բժշկուածեանց' ի հիւանդս, մի որ հայեցոյ 'ի մեզ երկմիտ' հաւատովք, զի քարոզեմք թէ Արտուած խաչեցաւ փոխանակ ամենայն որդւոց մարդկան: Աթէ են որք ոչ կամին հաւանել բանից մերոց այսոցիկ՝ մերձեցին առ մեզ և յայանեսցեն մեզ զմիտս իւրեանց. զի ըստ հիւանդացեալ խորհրդոցն իւրեանց զիցուք զեզ բժշկուածեան վիրաց նոցա: Թէպէտ և չէիք մերձ 'ի ժամանակի չարչարանացն Քրիստոսի. այլ արեգակն զի խաւարեցաւ տեսէք զուք. այսուհետեւ ուսարուք և 'ի միտ առէք վասն մեծի գործմանն' որ եղև 'ի ժամու խաչելուածեանն նորա. որոյ թուցեալ աւետարանն ընդ ամենայն տիեզերս նշանօք և արուեստիւք, զոր առնեն աշակերտք նորա ընկերակիցք մեր յամենայն երկրի, որք են Աբրայեցիք՝ և զլեզու Աբրայեցւոց միայն գիտէին յորում ծնեալն իսկ էին, ահա առիկ այսօր յամենայն լեզուս խօսին, զի լուիցեն հեռաւորք և հաւատացեն իբրև զմերձաւորս, թէ նա է որ ետ նոցա լեզու և զիմաստութիւն լսել և խօսել յամենայն լեզուս, որպէս յառաջին ժամանակս խառնակեաց զլեզուս ժպիրհ մարդկան՝ որ 'ի կողմանս յայտարիկ' որ առաջի մեր է², և նոյն իսկ է որ ուսուցանէ 'ի ձեռն մեր այսօր զհաւատս ճշմարտութեան և ստուգութեան՝ տկարօք և տառապելօք, որք 'ի Վալիլեոց Պաղեստինացւոց. սակայն և զիս որ տեսանէքս' 'ի Ասնիրայ եմ³, ուստի և Յորդանան գետ ելանէ, և ընա-

« նորա » . զոր սմանք համարին ասացեալ 'ի մարգարէն յիւր գէմն, այլ շատք ևս 'ի գէմն Քրիստոսի, զոր աւտրեաց Հայր' Հոգւովն:

1 Աստի սկսանի երկրորդ օրինակ ասորի բնագրին:

2 'ի խառնակութիւն լեզուացն որ 'ի Անտար ակնարկէ, որ 'ի նոյն 'ի Միջագետս էր:

3 'ի բնագրին՝ Պաղեստինացւոց, որ և Անտարիս Փիլիստիացւոց կոչի յաւետարանի (Մատթ. ԺԶ. 13.) 'ի ստորոտս Անկրոյն Լիբանանու,

րեցայ ես ընդ ընկերակիցս խմ լինել ինձ քարոզիչս¹ աւետարանին. զի սովաւ որոտան ամենայն տիեզերք փառաւորեալ անուամբն Քրիստոսի երկրպագելոյ:

Մի որ 'ի ձէնջ այսու հետե խտացուցել զսիրտ իւր 'ի սառածէնէ և մի գերեցել զինքն զկնի խորհրդոց կորստական մոլորութեամբ, ոչք լի են յուսահատութեամբ դառն մահուամբ. և մի ըմբռնիք 'ի չար սովորութիւն հեթանոսութեան հարց ձերոց, հեռանալ ձեզ 'ի ճշմարիտ և 'ի ստոյգ կենաց որ 'ի Քրիստոս. քանզի որ հաւանին 'ի նա, նորա լինին հաւատարիմք առաջի նորա, որոյ իջեալ առ մեզ գթութեամբ իւրով խափանել յերկրէ զզոհս հեթանոսականս և ըզնուէրս կռապաշտութեան. զի մի ևս երկիրպագանիցեն արարածոց, բայց միայն նմա և Հօրն իւրում; հանդերձ սուրբ Հոգւով նորա երկիր պազանեմք²: Այլ ես որպէս հրամայեաց ինձ Տէր խմ³ քարոզեմ և աւետարանեմ, և զարծաթն նորա արկանեմ 'ի վերայ սեղանոց աւասիկ առաջի ձեր⁴, և զսերմն բանի նորա սերմանեմ յականջս ամենայն ուրուք. և ոչք կամին ընդունել նոցա հատուցումն բարի խոստովանութեանն իւրեանց. և ոչք ոչ հաւանին մեզ՝ զփոշի ոտից մերոց թօթափեմք 'ի վերայ նոցա, որպէս և հրամայեալ է մեզս⁵:

Արդ ապաշխարեցէք այսու հետե, սիրելիք, 'ի չար ճանապարհաց և յաղտեղի դործոց, և դարձարուք առ Աստուած, բարիոք և ազնիւ կամօք, զի դարձցի առ ձեզ գթութեամբ և ողորմութեամբ իւրով. և մի լինիք որպէս զգարան առաջինս⁵ որ անցին. վասն զի խոստցուցեալ նոցա զսիրտս իւրեանց յերկիւ զէն Աստուծոյ, ընկալան նորա զպատուհաս յայտնապէս, զինորա խրաւտեային, և ոչք զկնի նոցա գալոց են՝ զարհուրեցին և երկիցեն: Բայց զի եկն Տէր մեր յաշխարհս՝ զի ուսու-

ուսաի բոլեմն տեւածք ինչ գեաոյն Յորգանանու, և Սանիր կոյն այն կողմն լերանցն:

1 Պակասե առօրի բնագիրն:

2 Վերադարձն սկսանի առօրի բնագիրն:

3 Մատթ. Ին. 27:

4 Եւ այսօրիկ ըստ աւետարանչացն բանից:

5 Իմա՝ զազգան:

ցէ և յայտնեցէ մեզ, եթէ կատարած աշխարհի լինի և յարութիւն ամենայն որդւոց մարդկան. և յայն ժամ նկարին վարք իւրեանց, և լինին մարմինք նոցա իբրև զմազազաթ, լի գրով ճշմարտութեամբ. և ոչ որ է որ ոչ գիտէ դպրութիւն. քանզի ամենայն որ բնութեանու՝ զգիր դպրութեան իւրոյ՝ և զհամար գործոց իւրոց՝ ի մատունս ձեռաց իւրոց ունի. որպէս զի տգէտք և տխմարք՝ գիտունք և տեղեակք լինին զբարութեան նորոյ և լեզուի նորոյ. և չիր որ որ ասիցէ ջընկեր իւր, թէ ընթերցիր ինձ զայս, վասն զի վարդապետութիւն մի և լեզու մի թագաւորէ՝ ի վերայ որդւոց մարդկան: Արդ նկարեացի այսուհետև հոգս այս առաջի աչաց ձերոց, և մի անցանիցէ ի մտաց ձերոց. քանզի թէպէտ և ի խորհրդոց ձերոց անցանէ, սակայն ի ճշմարտութեան: ոչ անցանէ: Մեղքեցէք զդորմութիւն Աստուծոյ թողուլ ձեզ զգարչելի ուրացութիւն հեթանոսութեան ձերոյ. զի թողեալ զԱստուած որ արար զձեզ ի վերայ երեսաց երկրի, և ի ջուցանէ զանձրև իւր և ծագէ զարեգակն իւր ի վերայ ձեր, և երկիր պազանէք փոխանակ նորա արարածոց նորա: /

Այլ կուռք և դրօշեալք պատկերք հեթանոսաց, և ամենայն որ ինչ միանգամ արարածք են՝ յոր յուսացեալ էք և երկիր պազանէք նոցա, եթէ էր ի նոսա զգայութիւն իմաստութեան և իմանային, փոխանակ զի դուք երկիր պազանէք և պատուէք զնոսա, նոցա արժան էր շնորհակալ լինել ձեզ՝ զի դրօշեցէք և կազմեցէք զնոսա և հաստատեցէք զնոսա բեւեռեալ՝ զի մի շարժեցին: Այլ թէ իմանային արդեօք արարածք զպատիւդ ձեր զոր առնէք դոցա, պազատէին և ասէին ձեզ, թէ մի պազանէք երկիր մեզ ընկերակցաց ձեր, որ իբրև զձեզ ստեղծեալ եմք և ի ձէնջ արարեալք քանզի ոչ եթէ երկրպագեցին արարածք՝ վասն այնք հաստատեցան, այլ զի երկիր պազանիցեն արարչին իւրեանց և փառաւորեցեն զայն՝ որ հաստատեացն զնոսա. և որպէս զի ընդ հարկաւ առնեն շնորհք նոցա

1 Յայտն. Ի. 12.

2 Պակասէ յասորին թուղթ մի կամ երկուս և ոչ տողս սակաւս, որպէս կարծէք թարգմանողն անդիպցի:

զժպիրհոս, սոյնպէս պատրաստեալ է ճշմարտութիւն նորա վրէժխնդիր լինել անդ ամենայն ուրացողաց:

Այլ զի տեսանեմ ես զբաղարս զայս զի կարի յոյժ լի է հեթանոսութեամբ ընդդէմ Աստուծոյ¹. ո՞ն է այն Նարոյ² կուռք արարեալք, որում երկիր պագանէք. ո՞ն է Բելլ³ զոր պատուէքք. ահաւասիկ են ոմանք ՚ի ձէնջ որ երկիր պագանեն Բաթնիքաղայ⁴, որպէս ըզ-
Խառանացիս գրացիս ձեր, և Թարթայ⁵ իբրու զԱ-
բուգացիս⁶. և արեգական և լուսնի, և Արծուոյ⁷ իբրև⁸ զԱբաբացիս: Մի պատիրք ՚ի նշոյր լուսոյ, ՚ի ծագել արուսեկին⁹. զի անիծեալ է առաջի Աստու-
ծոյ ամենայն՝ որ երկիր պագանէ արարածոց: Այլ
թէպէտ և իցեն արարածք որ մեծագոյն թուին ձեզ
քան զընկերս իւրեանց, սակայն ընկերակիցք են մի-
մեանց՝ որպէս ասացի ձեզ. քանզի ցառ դառնութեան
է այս, որոյ չիք բժշկութիւն, զի երկիր պագանեն ա-

1 Բելլ և Թարեւացի (Բ. իւ.) զհուռս զայստիկ՝ զորս Աբգար փո-
խադրեաց այսր յԵղեւսիս ՚ի նորոգութեան քաղաքիս, և հոչե Նա-
րոյ. Բելլ, Բաթնիքաղ, Թարթայ: Իսկ Յակովբ Արժնչի ՚ի ճառի
Կործանման կոչոց գրեթէ սովին թղթոցս բանիւ և կարգաւ յիշա-
տակի գրասա:

2 Նարոյ կամ Նարոց երևի սեփական զիք լինել Եղեւսացոց, որ և
մեծարեալ ՚ի Քաղցէացոց առ հինան, որոց և յորովից թագաւորաց
անուանք այսու հաւեին, Նաբոգոզորոսոր, Նաբոպոլասար, Նաբո-
զարգան, և այլն: Թարեւացիք Նաբո հոչեն զհրատան մելորակ և զոր չո-
րեքշաբաթի, բայց յԵղեւսիս կարծի զարեգական պաշտան ընդունել:

3 Մանեմ զիք Թարեւացոց, որ սակալ յիշատակի ՚ի զիրս մարգա-
րեութեան Գանիեկի:

4 Փոխանակ սորա Արժնչին կարգէ այլ զիս, և զիտուոր զԲել-Շե-
մին, Բարշամբնա հոչեցեալ ուրեմն առ Թարեւացոց (Բ, թ) և նշա-
նակէ Տէր Երկնից. իսկ Բելին հոչէր զիք Լուսնի, և էր իսկ նորա տա-
ճար մեծ ՚ի Խառան, կանգուն մնացեալ ցգար Ի, և պատուեալ յու-
րացողն Յուշիանակ:

5 Թարթայ կամ Թարթաւ համարի իգական զիք Յանութ, իբրու
ԵԱՌԱ, զիցուհի լուսնի կամ Անահիտ, ըստ այլոց Ռեւա կամ Կիւրեղէ:

6 Աւղղելի թուի Աբուգացիք կամ լուսն ևս Մարուգացիք, այսինքն
բնակիչք Մարեձոյ կամ Յերապոլեոյ. զի այսպէս ցուցանէ Արժնչին,
և յանուն Մարուգոյ (գուցէ նոյն ընդ Աբուգոյ) ասէ զից քաղաք
անուանեալ զայն, որպէս և յունական անուն քաղաքից նշանակէ:

7 Ի հին պաշտամունսն Ասորեստանեաց յաճախ երևին արծուա-
կերպ զիք, որ և Նաբո կարծի:

8 Բորեմակին է:

9 Նշոյր լուսոյ և Արտեակն նշանակեն զախտարմուշան պաշտա-
մունս կամ զԱրեւացոցն արանգ:

բարեալք արարելոյ, և փառաւորեցեն արարածք զընկերս իւրեանց: Զի որպէս ոչ են կարող օգնել անձանց իւրեանց, այլ ՚ի զօրութիւն խնամոց դարմանին որ հաստատեաց զնոսա, սոյնպէս ոչ են կարող առնուլ երկրպագութիւն և պատիւ ընդ նմա՝ որ արարն զնոսա. զի հայհոյութիւն է յերկոսին, յարարածս՝ յորժամ՝ երկրպագի նա, և յարարին՝ յորժամ՝ հաղորդակից լինին նմա արարածք, որք օտարք են ՚ի բնութենէ էութեան նորա: Ամենայն մարգարէութիւն մարգարէից և քարոզութիւն որ զկնի մարգարէից ասացաքս, այս է. զի մի երկրպագեցեն արարածք ընդ արարչին՝ արարածոց. և մի ևս լծեցեն որդիք մարդկան ՚ի լուծ հեթանոսական ապականութեան. ոչ եթէ վասն զի երեկն արարածք՝ ասեմ թէ մի երկիր պագանիցեն, այլ ամենայն ինչ որ միանգամ հաստատեալ է՝ արարած է, եթէ երեկ և եթէ ոչ երեկ. վասն զի դառն ամաբարչտութիւն է այս՝ սնուանել նմա զանուն փառաւորեալ աստուածութեանն:

Զի ոչ եթէ իբրև զձեզ զարարածսդ քարոզեմք և երկիր պագանեմք, այլ զՏէր արարածոց. բայց շարժումն՝ որ դողացուցանէ զնոսա՝ նա վկայէ թէ ամենայն ինչ որ արարած է՝ ՚ի զօրութիւն արարչին կախեալ կայ. այն՝ որ էրն յառաջ քան զյաւիտեանս, որոյ ոչ քննի բնութիւն նորա, վասն զի ոչ երեկ բնութիւն իւր, և ընդ Հօր իւրում փառաւորի ՚ի բարձրութիւն բարձանց. քանզի Տէր է նա և Աստուած յաւիտենից:

Այս է վարդապետութիւն մեր յամենայն կողմանս աշխարհաց. և այսպէս հրամայեցաւ մեզ քարոզել այնոցիկ ոչք լեն մեզ. ոչ եթէ բռնադատութեամբ՝ բայց վարդապետութեամբ և ճշմարտութեամբ և զօրութեամբ Աստուծոյ. և նշանք որ լինին յանուն նորա՝ նորա վկայեն վասն հաւատոց մերոց՝ եթէ ճշմարիտ են և հաւատարիմ: Հաւանեցարուք այսուհետև բանից մերոց և ընկալարուք զոր ինչ ասացի ձեզ և ասեմ առաջի ձեր. և զի մի խնդրեցի վրէժ յինէն, յա-

1 Թուի ՚ի սասանութիւնս երկրի ակնարկել, որոյ բազում անգամ հանդիպեալ է յոյժ սասակութեամբ և ՚ի կողմանս Ասորոց և Միջոցեաց:

Ճախեւմ գնեւմ առաջի ձեր զգուշութիւն. ընկալարուք զբանս իմ արժանապէս և մի անսիրոյթ առնէք. դարձարուք հեռացեալք ՚ի Տեառնէ և լերուք մերձաւորք Քրիստոսի. և փոխանակ զոհոյց և նուիրաց մորսութեան ձերոյ, մատուցէք նմա այսուհետեւ պատարագս զոհութեան:

Զի՞նչ իցէ արդեօք բազինդ մեծ զոր շինեալ է ձեր ՚ի մէջ քաղաքիս, և որք երթան և դան առ նա և նուիրեն ՚ի վերայ նորա դիւաց և զոհեն ՚ի դմա այսոց պրղծոց: Եթէ գրոց հմուտ չէք, ինքն իսկ բնութեանդ տեսեամբ իւրով չուսուցանէ՞ զձեզ. զի այս ունին կուռքդ ձեր և ոչ տեսանեն, և՛ դուք որ զայսդ ունիք՝ փոխանակ զի ոչ առնոյք ՚ի միտ՝ նմանիցէք նոցա զի ոչ տեսանեն և ոչ լսեն. և տարապարտուց ճեպեալ ձայնք ձեր յունայնութեան՝ յսկանջս խլացեալս, ոչ եթէ նորա մեղադրեն այնու՝ զի ոչ լսեն, քանզի բնութեամբ են խուլ և համբ. բայց դուք էք մեղադրելի՛ յորում ճշմարտութիւնն ծածկեալ է. և ոչ կամիր ՚ի միտ առ նուլ և ոչ տեսանել, քանզի ոչ թողուն զձեզ մեղքն մորթութեան որ ծածկեալ ունին զմիտս ձեր, տեսանել ձեզ զլոյսն երկնային՝ որ է հանձնար իմաստութեան: Փախերուք այսուհետեւ ՚ի ստեղծելոց և յարարելոց, որպէս ասացի ձեզ, զի անուամբ միայն կոչին Աստուած և ոչ եթէ բնութեամբ են աստուածք. և մերձեցարուք առ այն՝ որ բնութեամբ է Աստուած իսկզբանէ և յաւիտենից, Վշ ոչ եթէ արարած է նա որպէս զկուռս ձեր, և ոչ եթէ ստեղծեալ և հաստատեալ է իբրև զպատկերսդ ձեր՝ որով դուքդ պարծիք. զի թէպէտ և զգեցաւ նա զմարմինս մեր, այլ Աստուած էր ընդ Հօր իւրում. բայց արարածք որ շարժեցան ՚ի խաչելութեան նորա՝ խռովեցան ՚ի չարչարանս մահու նորա, նորին իսկ վկայեն զի նա է արարիչ արարածոց. զի ոչ եթէ փոխանակ մարդոյ շարժեցաւ երկիր, այլ վասն այնորիկ՝ որ հաստատեալ է զերկիր ՚ի վերայ ջուրոց. և ոչ եթէ վասն մարդոյ խաւարեցաւ արեգակն յերկինս, այլ փոխանակ այն որ արար լուսաւորս մեծամեծս. և ոչ եթէ մարդով յա-

1 Վերստին սկսանի ստորին:

բուցեալ արդարոց և սրբոց, այլ այնու՝ որոյ տուեալ խոկզբանէ զիշխանութիւն կենաց և մահու. և ոչ եթէ վասն մարդոյ պատառեցաւ վարագոյր տաճարին ծագէ ՚ի ծագ, այլ վասն այնորիկ՝ որ ասացն ցնոտա, թէ ահա թողեալ լիցի տունդ ձեր աւերակ: Ահաւասիկ թէ չէր ծանուցեալ խաչահանուայն թէ որդի է նա Աստուծոյ, ոչ զաւեր քաղաքին իւրեանց քարոզէին և ոչ ՚ի վերայ անձանց վայ արկանէին. նա և ոչ եթէ կամեցեալ էր նոցա լռել յայնմ՝ խոստովանութենէ՝ թողուն զնոտա ահագին դժբախտներն որ եղեն յայնմ ժամու՝: Ահա այսուհետև և յորդոց խաչահանուայն դարձան և եղեն քարոզիչք և աւետարանիչք ընդ ընկերակիցս իմ՝ և առաքեալս, յամենայն երկիրն Պաղեստինացոց և ՚ի մէջ Սամարացոց և յամենայն աշխարհին Փղշտացոց: Եւ անարդեալ են կուռք հեթանոսաց, և պատուի խաչն Քրիստոսի, և խոստովանին ամենայն ազգք յԱստուածն՝ որ եղև մարդ՝. զի եթէ մինչ յերկրի էր Տէր Յիսուս, հաւատացեալ էր ձեր ՚ի նա՝ թէ որդի Աստուծոյ է. և յառաջ բան զսեղ ձեզ զաւետիս քարոզութեան նորա, գոհացեալ ձեր զնրմանէ՝ թէ Աստուած է, և արդ զի վերացեալ է առ Հայր իւր և տեսէք զնշանան և զսքանչելիս որ լինին յանուն նորա, և զբան աւետեաց նորա լռէք ականջօք ձերօք, մի որ ՚ի ձէնջ երկմտիցէ ՚ի խորհուրդս իւր. որպէս զի հաստատուն կացցէ առ ձեզ խոստումն օրհնութեան նորա՝ որ առաքեաց առ ձեզ, թէ Նրանի է ձեզ զի հաւատացէք յիս մինչև տեսեալ իցէ ձեր զիս. և զի այսպէս հաւատացէք յիս՝ քաղաքն յորում բնակեալ էք դուք՝ օրհնեալ լիցի, և թշնամի մի տիրեսցէ դմա յախտեան՝: Մի՛ այսուհետև խոտորիք ՚ի հաւա-

1 2 Գուցանեն բանքս մեծ յոյժ լինել սասանութեանն երկրի ՚ի խաչելութեան Տեառն մերոյ:

2 Բանքս ՚ի գեղ գան ոչ յետ ամի՝ այլ յետ ամաց ինչ համբարձմանն Քրիստոսի, յորժամ ընդարձակեալ էր քարոզութիւն աւետարանին:

3 Յիշատակէ զգատառիսանին կամ զգառգամն Քրիստոսի առ Աբգար. բոց զի առ Եւսեբեայ և Թորենացոց ոչ գամնի յետն բանգ վասն Ազեւսոյ անառ ՚ի թշնամեաց մնալոյ, թուեցաւ ոմանց ՚ի նոցին իսկ յնգեսացոց յարմարեալ զայն. այլ առ Ասորիս՝ անգատին ՚ի Ա. Եփրեմայ հեռէ յեղեղի այգ բան իբրու ոչ անցարիւր առաջնոց

տոց նորա, զի ահա աստիկ լուարուք և տեսէք զամենայն զոր քարոզեցաք ձեզ, թէ Արդի երկրպագեալ և Աստուած փառաւորեալ և թագաւոր յաղթող և զօրութիւն անյաղթ. և հաւատովք նորա կարող էք ստանալ զայս ճշմարիտ մտաց, և ապա ՚ի միտ առնուլ, թէ որ միանգամ երկիր պագաններն արարածոց՝ բարկութիւն սրամտութեան հասանէ նոցա:

Արդ զամենայն զոր ինչ միանգամ ասեմք առաջի ձեր՝ որպէս ընկալաք մեք ՚ի պարզեաց Տեառն՝ ասեմք և ուսուցանեմք ստանալ ձեզ զկեանս ձեր. և մի կորուսանէք զհոգիս ձեր ՚ի մտրութիւն հեթանոսական, քանզի ծագեալ է լոյս երկնային յամենայն աշխարհի. և նա ինքն որ ընարեացն զՏայրապետն առաջինս և զարգարսն և զմարգարէսն, որոց խօսեցեալ ընդ նոսա յայտնութեամբ. Հոգւոյն սրբոյ, քանզի նա ինքն իսկ է Աստուած հրեկոցն խաչահանուաց. և հեթանոսք մտրեալք՝ նմա պագաններն երկիր, թէպէտ և ոչ գիտեն. քանզի չիք այլ Աստուած ոչ յերկինս և ոչ յերկրի. և ահա ելանէ նմա գոհութիւն ՚ի չորից կողմանց երկրի: Ահա այսուհետեւ լուան ահանջք ձեր զոր ինչ ոչ էր լուեալ ձեր. մի այսուհետեւ լինիք զլացողք զոր լուայբզ և տեսէքդ. ՚ի բաց արարէք ՚ի ձէնջ զմիտս աստատմբողս հարցն ձերոց, և ազատեցէք զանձինս ձեր ՚ի լծոյ մեղաց, որ թագաւորեալ է ՚ի վերայ ձեր նուիրօք և զոհութիւն գրօշէլոց. և փոյթ լիցի ձեզ յազգս կենաց ձերոց կորուսելոց, և վասն ընդ վայր խնարհութեան զլիոյ ձերոց. և ստացարուք զմիտս նորս և երկիր պագէք արարին արարածոց, յորում նկարեալ են նկարագիր ճշմարտութեան և ստուգութեան Հօր և Արդւոյ և սուրբ Հոգւոյն, իբրև հաւատայք և մկրտիք յանուն փառաւորեալ սուրբ Արքայութեանն՝:

Այս է վարդապետութիւն մեր և քարոզութիւն. ոչ է թէ բազում իրօք ինչ հաւատարիմ լինի ճշմարտութիւն Քրիստոսի՝ որք կամին հաւանել Քրիստոսի: Գի

բանից Քրիստոսի. զնոյն և միջին դարուց Բիզանդացիք ասանդեն, Կեզրենոս, Կ. Պոպիլուրոթեն, և այլք:

1 Արբոյ Արքայութեան անուն ոչ թուի ՚ի Քաղէկ ասացեալ, այն զի և զբնագիրն թարգմանել Գիւրբոն օ մկրտեցարուք յերբեակ և ՚ի փառաւորեալ անուանս:

տէք դուք զի բազում անգամ կարգեցի զբանս իմ առաջի ձեր, ուսանել ձեզ և ՚ի միտ առնուլ զոր ինչ լուայքդ և տեսէք դուք, և մէք ուրախ լիցուք սովիմք, որպէս հողագործ յօրհնեալ սերմանիս իւր, և Սքտուած փառաւորեցի յազաշխարութեանդ ձերում՝ որ առ նա. և յորժամ հաւանեսցիք ձմարտութեանն՝ կելլալ կեցցիք: Եւ մէք որ յօրհորեմքս զձեզ յայս, ոչ զրկիմք յօրհնեալ վարձուց քարոզութեան մերոյ. վասն զի վտաս հեմ լինել զձեզ երկիր օրհնեալ ըստ կամաց Տեառն մեր Բիսուսի Քրիստոսի. վասն այսորիկ փոխանակ զփոշի ոտից մերոց որ ասացաւ մեզ թօթաւ փել ՚ի վերայ քաղաքին՝ որ ոչ ընդունին զբանս մեր, ահա թօթաւեմք այսօր ՚ի դրանս ականջաց ձերոց զպատգամս շրթանց մերոց, զի ՚ի նոսին նկարեալ է գալուստն Քրիստոսի՝ որ եղևս, և որ պատրաստեալն է լինել. և յարութիւն և կեանք ամենայն որդւոց մարդկան, և որոշումն որ լինի ընդ հաւատացեալս և ընդ անհաւատս, և պատուհաս չարի որ պահեալ է ուրացողաց և որք ոչ գիտեն զՍքտուած. և զօրհնեալ խոստումն ուրախութեան՝ զոր պատրաստեալ են ընդունել որք հաւատացին ՚ի Քրիստոս և երկիր պաղանեն նմս և Հօր իւրոց բարձրելոյ և խոստովանեցին ՚ի նա և ՚ի Հոգին աստուածութեան իւրոց: Արդ այսուհետև առ ժամ մի կատարել արժան է մեզ զբանս մեր, և որոց ընկալեալ զբանն Քրիստոսի մնացեն առ մեզ և ոչք կամին հաղորդել ընդ մեզ յաղօթս, և ապա երթիցեն ՚ի տունս իւրեանց:

Եւ իբրև զայս ասաց, ետես զի բազում մարդիկ քաղաքին մնացին անդէն, և սակաւք էին որ ոչ մնացին յայնմ ժամու. և ուրախ եղև մեծապէս Ազէ առաքեալբայց և նոցուն իսկ սակաւուց զկնի սակաւ աւուրց ընկալեալ զբանս նորա՝ և հաւատացեալ յաւեախս քարոզութեանն Քրիստոսի: Եւ իբրև ասաց Ազէ առաքեալ զայս ամենայն առաջի ամենայն քաղաքին Ուսհայի, և ետես Աբդար թաղաւոր թէ ամենայն քաղաքն ուրախ եղև վարդապետութեամբ նորա, արք և կանայք ՚ի միասին, և ասեն ցնա. ձմարիտ և հաւատարիմ է Քրիստոս որ առաքեաց զքեզ առ մեզ: Եւ նա իսկ թագաւորն ևս առաւել ուրախ եղևալ յայնմ յոյժ փա-

ուսուորէր զԱստուած. զի որպէս լուեալ էր¹ իւր յազազս Քրիստոսի՝ նոյնպէս տեսանէ զգօրու[Թիւնս և զգարմանալիս զոր առնէր Ադէ առաքեալ անուամբն Քրիստոսի:

Եւ ասէ յնա Աբգար Թագաւոր, Թէ որպէս յղեցի ես առ Քրիստոս ՚ի Թղթին խնում, և որպէս նա յղեաց առ իս և ընկալայ ՚ի քէն ես այսօր, նոյնպէս հաւատամ զամենայն աւուրս կենաց խնոց, և ՚ի նմին կամ մնամ պարծելով. քանզի ՚ի միտ առեալ իմ Թէ չիբայլ զօրու[Թիւն՝ որ առնի անուամբ իւրով նշանք և ըսքանչեղիք, բայց միայն զօրու[Թեամբն Քրիստոսի զոր առնես դու մեզ ստուգու[Թեամբ: Եւ արդ այսուհետեւ նմա երկիր պաղանեմ ես և Մասնու որդի իմ², և Աւգոստին և Շղամաթ Թագուրհիբ: Եւ արդ ուր և կամիս դու՝ շինեա եկեղեցի Ժողովրդանոց որոց և հաւատացին և որք հաւատան բանից քոց. և որպէս հրամայեաց Տէրն քո, և եղիցես պաշտել համարձակութեամբ յամենայն Ժամու: Եւ որք կամին լինել ուսուցիչք և քարոզք աւետարանիս այսօրիկ, պարգևս մեծամեծս շնորհեմ նոցա. և այլ ինչ գործ մի լիցի, բայց միայն պաշտօն. և ամենայն ինչ որ պիտոյ է քեզ ՚ի պէտս եկեղեցւոյ՝ ես տաց քեզ անհամար. և որպէս բան քո փրկէ և իշխէ ՚ի քաղաքիս յայսմիկ, նոյնպէս առանց նուիրակի մտցես առ իս համարձակութեամբ յապարանս պատուոյ Թագաւորութեանս խնոց:

Եւ էջ Աբգար Թագաւոր յարբունասիան ապարանս իւր և ուրախ եղև նա մեծապէս հանդերձ ամենայն իշխանօք իւրովք. Աբղուա³ և Գարմուա, և Շամշազրաւ և Աբուբեաւ և Մեհրդաթաւ. զամենայն որ միանգամ տեսին աչօք իւրեանց և լուան ականջօք իւ-

1 Բնագիրն յաւելու ըստ Գիւրգոմի « Մնանայ հաւատարմեն իւրմէ », կամ ՚ի գիւսնագրէ, զի Tabularius Թարգմանէ, որպէս կուզին առ լատինս գիւսնագիրք կամ նշանագիրք:

2 Որպէս այլուր ասացաք հասարակ անուն է այս յղովից Թագաւորաց Եգեթոց. Ասորիք երկուս ասեն որդիս լինել Աբգարու յայտ անուն. Խորենացի Անանան կուէ զորդի և զյաջորդ Աբգարու, որ Թուր Թիւրեալ յասորւոյն: Յայլ ինչ ասորի գրուածս Գիւրգոմ լնթեա նու և այլ երկուս անուանս որդւոց Աբգարու Սեբրու (Շաւարջ?), և Ներսից:

3 Աբղուա Աբղուա, յաւելու բնագիրն:

րեանց, և Եւրասիոթեամբ սրտից իւրեանց փառաւոր
առնէին զԱստուած, որ դարձոյց զմիտս նոցա առ ինքն :
Եւ իբրև ուրացան նոքա զկրօնս հեթանոսթեանն
յորում կային, և խոստովան լինէին յաւետարանն
Քրիստոսի, և շինեաց անդ Ազէ զեկեղեցին և մատու-
ցանէին ՚ի նմա զուխոս և զպատարագ իւրեանց՝ ին-
քեանք և բազմութիւն քաղաքին. և անդ փառաւո-
րէին զԱստուած՝ զամենայն աւուրս կենաց իւրեանց :
Եւ մատուցեալ առ Ազէ՝ Աւիգա և Բարբաղարա որ
էին գլխաւորք հրամանատարք քաղաքին, որք զգե-
ցեալ էին զիտոյրս արքունահանս ¹, և հարցանէին զնա
վասն գարտեանն Քրիստոսի զի պատմեցէ նոցա,
թէ զիմարդ իբրև զԱստուած էր նա և երևէր նոցա
իբրև զմարդ, կամ իբր կարող էիք հայել յերեսս նո-
րա : Եւ նա զամենայն ինչ ցուցանէր և ուսուցանէր և
հանգուցանէր զչարժուն միտս նոցա, վասն ամենայնի
զոր տեսին աչք նոցա և լուան ականջք նոցա՝ ՚ի նմանէ :
և զամենայն ասացեալն մարդարէիցն վասն Քրիստո-
սի՝ կարգէր առաջի նորա : Եւ ընդունէին զբանս նորա
քաղցրութեամբ և հաւատովք, և ոչ որ էր որ ընդ-
դէմ դառնայր նորա. բանցի ոչ թողութիւն առաքինու-
թիւնքն զոր առնէր նա՝ թէ որ դիմահարիցի նմա :

Այլ Շաւիգա և Աբեղնաբու գլխաւորք քաղաքիս ²
այսորիկ հանդերձ Պերողիւ և Վանկովաւ ³ ընկերօք
իւրեանց՝ իբրև տեսին նոքա զնշանն զոր առնէր Ազէ
առաքեալ, ընթացան նոքա և գլխէին զբազինան յո-
րոց վերայ գոհէին առաջի Նաբուայ և Բեւայ աստուա-
ծոց իւրեանց, և զբազինն մեծ ⁴ որ ՚ի մէջ քաղաքին.
և աղաղակէին ասելով, թէ ճշմարիտ աշակերտ է սա
վարդապետին մեծի լուսաւորելոյ և փառաւորելոյ՝
զորմէ լսէաք զոր միանգամ՝ առնէր յաշխարհին Պա-
ղեստինացոյ : Եւ ամենեքին որ հաւատացին ՚ի Քրիս-
տոս՝ ընդունէր զնոսա Ազէ առաքեալ և մկրտէր զնո-
սա յանուն Հօր և Որդւոյ և Հոգւոյն սրբոյ : Եւ որք

¹ Պերզոն թարգմանէ headband, գլխոյ խոյ. ապարօք :

² Բնագիրն ասէ գլխաւորս աստուայի կամ աստուայ, որ թուի վեր-
պեալ ՚ի հոյ գրէն :

³ Ի՛նչ ընթեռնու Պերզոն :

⁴ Պերզոն թարգմանէ « բոց ՚ի բազնէն մեծ » :

*գլխաւորք
իւրեանց
իւրեանց
իւրեանց*

միանգամ քարից և փայտից երկիր պագանէին՝ դային նստէին առ ոսոս նորա ուսանել և խրատել ՚ի նմանէ, զի հեռացին ՚ի դարչելեացն և ՚ի հեթանոսական մարտութենէն. և Հրեայք զխտակք օրինացն և մարգարէիցն՝ կտաւալաճառք, և նորա հաւանեալք սշակերտեցան խոստովանելով ՚ի Քրիստոս, եթէ նա է որդի Աստուծոյ կենդանոյ: Այլ ոչ ինքն Աքգար թագաւոր և ոչ Ադէ առաքեալ նեղէին զոր, թէ բռնադատելով որ հաւատացէ ՚ի Քրիստոս. քանզի առանց բռնութեան ուրուք՝ բռնութիւն նշանացն և սրանչելեացն նեղէր զնոսա հաւատալ ՚ի նա. և սիրով ընդունէին զվարդապետութիւն նորա ամենայն աշխարհն Միջագետաց, և ամենայն կողմանք որ շուրջ զնովա: Բայց Ադէ՝ կերպասագործ՝ և խոյրաբանդակ՝ թագաւորին, և Փրզրա՝ և Բարչղանոց և Բարսեմի, հանդերձ այլովք ընկերօք իւրեանց՝ յարեցան յԱդէ առաքեալ. և ընկալաւ նա զնոսա հաղորդելով ընդ իւր ՚ի պաշտօն և ՚ի վարդապետութիւն: Եւ իւրեւ ընթեռնութիւն նորա զհին կտակարանս և զնորս և զմարգարեական գիրս և զգործս առաքելոց՝ ամենայն ժողովրդեանն եկեղեցոյն. և պատուիրէր նոցա Ադէ, զգուշանալ նոցա յամենայնէ, զի լիցին սուրբ մարմնով

1 Ազգեոս ըստ ասորոյն, տես ՚ի Ծան. 2 էջ 6: Այս է Ազգէ հայրապետ զոր անենք ընդ Արգարու:

2 Քիւրքոն թարգմանէ շինող շղթայից կամ քայտից, այլ յիւն հաւանութեանք և զիւրգասագործին կոչումն ՚ի Թորենացոյ:

3 Եւ ասա ըստ վերջգրելոյց Քիւրքոն վարսակալաց շինող թարգմանէ, և համարի զիսոյն՝ փակեղն կերպասեայ. բայց զի մերս խոյրապետն ասէ՝ զուշանէ ՚ի վերայ հաստատուն նիւթոյ անել զկերպան և զքանդակն:

4 Սա որ յիւն և ՚ի վերջ կոչս գրոցս, և ընկերքն՝ կացին առաջնորդք եկեղեցոյն Ազեսացոց մի ըստ միջէ. զի Բարսեմի եպիսկոպոս յիւն ՚ի սկիզբն Բ գարու առ Տրայանոսիս խոստովանեալ և խաղաղութեանք հանգուցեալ ՚ի Քրիստոս. որոյ վարք գտանի և ՚ի Յայտմաւորս մեր. և երկարապոյն ևս յասորի գրոց թարգմանեալ է Քիւրքոնի և հրատարակեալ ընդ թղթոյս Արգարու: — Բարչղամա՝ որ զինի գրի և Աշուտա՝ յաջորդեաց զՓղոան. իսկ սա զոր Ասորիք Պաշտ կոչեն՝ յաւանս գրոցս վկայի ըննել յաջորդ Ադէի կերպասագործին:

5 Եթէ արդարև Գործք առաքելոց էին (զոր գրեաց Ղուկաս յամն 51) և նոր կտակարանքն՝ զոր այժմս ունինք՝ ընթերցեալքդ, յետոյ քան զՔիւրքի քարոզութիւնն են. որ է ասել թէ գրիչ պատմութեանս կամ այլ որ յետոյ եմոյժ ասա զքանս զայս, որպէս և զինի յայտնագոյն ևս նշանակեցի:

իւրեանց և պարկեշտք հոգւովք, որպէս վայել է մար-
դոց սրբոց՝ որք կան առաջի սեղանոց Աստուծոյ: Ազե-
րութ ասէ հեռանալ ՚ի սուտ երգմանէ և յամպարիշտ
սպանմանէ և յանօրէն վկայութենէ, որ ՚ի շնութիւնս
խառնակեալ են, և ՚ի կախարդաց, յորոց վերայ չլինի
ողորմութիւն. և ՚ի խարոց և ՚ի կիւսոց և վահայց և ՚ի
բախտից և ՚ի ծննդոց, որովք պարծին Քաղցեացիք
մոլորականք. և յաստեղագիտութենէ և ՚ի մշտաւա-
շից՝ յորս յուսացեալ են յիմարեալքն. և ՚ի բաց
արարէք ՚ի ձէնջ զակնասութիւն մեղաց և զկաշառս
և զգլտտարագս, որով պարտաւորին արդարք, և կու-
րացուցանեն զաչս առողաց: Աւ ՚ի պաշտամանդ յոր կու
չեցարութ՝ մի ևս լիցի ձեզ վաստակ, այլ զի Տէր է հան-
գիտս պաշտաման ձերոց զամենայն աւուրս կենաց ձե-
րոց. և եղիջիք փոյթք ՚ի մկրտել, և մի սիրէք զաչս
աշխարհիս այսորիկ. և եղիջիք առնել զատ արդա-
րութեան և ստուգութեան. և մի լինիք զայլթակղու-
թիւն կուրաց. զուցէ հայհոյիցի ՚ի ձեզ անուսն այն՝
որ եբաց զկոյրս, որպէս տեսաք մեք: Ամենայն որ
տեսանէ զձեզ այսուհետև. ՚ի միտ առցէ թէ կատա-
րիչք էք զուք ամենայնի որոց քարոզէք և ուսու-
ցանէք:

Աւ պաշտէին յեկեղեցւոջն զոր շինեաց անդ Ազե-
առաբեալ՝ բանիւ և հրամանաւ Աբգարու թագաւո-
րի. և էին նորա մատակարարք թագաւորին և նախ-
արարաց իւրոց ՚ի պէտս եկեղեցւոյ և ՚ի տուրս աղ-
քատաց: Այլ ժողովուրդ բազում ժողովէին որ ըստ
օրէ և գային յաղօթս և ՚ի պաշտօն. և լի էին ՚ի հնոց
կտակարանաց և ՚ի նորոց գրոց. Արրորդութիւն՝ ՚ի

1 Ասորի բառ է, եւրոպէ, և նշանակէ գոթի աստեղաց, այսինքն է
կամարն կեղեցանակերալից, զողիակոս յուճարէն ձայնիւ:

2 Կաշու մն Արրորդութեան թուի յետոյ յորինակողացն մուծեալ-
բաց ՚ի բնագրին յայտ տեղւոյ Քիւրդգան ընթեանու բառ մի Տիգր-
նա կամ Տիգրէն և շինանայ զմիտ բանին, այլ կարծէ վասն նորոց
կտակարանացն ասացեալ և գուցէ զՏիգրէնու նշանակեալ, այսինքն
զհամարաբառ չորից աւետարանաց զարագրեալն ՚ի Տառխանակ
աղանգաւորէ յի՛ գարու, և աստ ներամուծեալ յամբօրն օրինա-
կոյէ, կամ ՚ի հետևողաց նորին: Արժան է բննել քաջ զբնագրին,
տակայն և այս և որ յետ այսր յիշեալ տօնք և հակմունք եկեղեցւոյ
ցուցանեն զեկամութիւն բանից:

յարութիւն և 'ի կենդանութիւն մեռելոց' հաւատային. և զվախճանեալս իւրեանց յուսով կենդանութեան թաղէին. և զսօնս եկեղեցւոյ 'ի ժամանակի իւրում ուրախութեամբ կատարէին. զամենայն աւուրս հանապազորդեալս 'ի հսկումն եկեղեցւոյ. և սղորմութիւն առատապէս առնէին առ հիւանդս և առ աղքատս ըստ վարդապետութեանն Ադէի առ նոսա: Եւ շուրջ զքաղաքսն շինէին եկեղեցիս և զձեռնադրութիւն քահանայութեան ընդունէին 'ի նմանէ բազումք: Եւ բազումք յարեւելոց՝ 'ի նմանութիւն վաճառականաց՝ յիշխանութիւն Հոռովնոց դային, տեսաւ նել զնշանն՝ զոր առնէր Ադէ առաքեալ. և աշակերտեալքն 'ի նմանէ ընդունէին 'ի նմանէ զձեռնադրութիւն քահանայութեան. և յաշխարհին իւրեանց յԱսորեստանի զգաւառականս իւրեանց աշակերտէին, և սունս աղօթանոցս շինէին 'ի ծածուկ, վասն երկիրդի այնոցիկ՝ ոչք երկիր պագանէին կրակի և սրտուէին զջուրս:

Բայց Ներսէս թագաւոր Ասորեստանեայց՝ յոր ժամ լուաւ զգործսն զոր առնէր Ադէ առաքեալ, յղեաց նա առ Աբգար թագաւոր և ասէ. կամ տուր ամէլ ինձ զայրդ որ զնշանսդ առնէ առ քեզ, զի տեսից զգաւ լուայց զբանս դորս, և կամ տուր գիտել ինձ զամենայն ինչ որ միանդամ արարեալ է դորս 'ի քաղաքիդ քում: Այս գրեալ՝ Աբգարու Ներսէսի թա-

1 Յեա սահաւ տողից յուցանէ զԱսորեստան իմանալ արեւելոց կողմամբ. և զսա իբրև ուրոյն թագաւորութիւն. տես ստորև:

2 Յիշատակէ զայտոսիկ և թորենացի, (Բ. 13.) և ասէ զՆերսէս լիւնէնէ որդի Արտաշեսի Պարթևաց արքայի, և կուսակալ կողմանոց Բարեւոյնի:

3 Թուղթ մի համառուս Աբգարու առ Ներսէս գտանի առ թորենացւոց (Բ. 13.) որ յայտ է թէ 'ի նոյն 'ի գիւանաց Եղեսից կառ, և ունի այսպէս. « Աբգար արքայ Հայոց, որդւոյ իմոց Ներսէսի իւրն գալ: Զգիր ողջունի քոյոց տեսի, և զՊերոզ լուծի 'ի կապանաց, և զջնաս նորս թողի նմա. և եթէ կամ իցէ քեզ կարգեսցես զնա 'ի վերակացութիւն Կենուէի, որպէս և կամիս: Այլ վասն այնք զի գրեցեր առ իս՝ թէ տուր ամէլ զայրդ բժիշկ՝ որ զնշանսդ առնէ և քարոզէ այլ Աստուած 'ի վեր քան զՏուր և զջուր, զի տեսից և լուայց գան, նա ոչ էր բժիշկ ըստ արուեստի մարդկան, այլ արակերտ էր Արգւոյն Աստուծոյ՝ արարչի հրոց և ջրոց. և վիճակ հասեալ 'ի կողմանս Հայոց առաքեցաւ: Բայց յընկերաց նորս գլխաւորոց Սիմեօն անուն՝ նա 'ի

» կիր շարժեցաւ, և դողացեալ սասանեցան ամենայն
 » արարածք. և իբրև առ ՚ի նոցանէն այս իբօք սպա-
 » սեալ տիեզերաց և ամենայն որդիք մարդկանս: Եւ
 » արդ այսուհետև թագաւորութիւն քո գիտէ որ ինչ
 » արժան է հրամայել ՚ի վերայ ժողովրդեանն Հրէից՝
 » որք զայնն գործեցին »:

Եւ գրեալ Տիրերեայ կայսեր՝ ետ տանել Արգարու
 թագաւորի, և այսպէս գրեաց նմա՝

« Զթուղթ մտերմութեան քո ընկալայ և ընթեր-
 » ցեալ առաջի իմ զոր ինչ արարին Հրեայքն ՚ի խաչե-
 » լեալն նա և վասն Պիղատոսի դատաւորի գրեալ: Ի-
 » մացոյց և ինձ Բղթանոս՝ եպարքոս վասն սորին իրաց
 » իսկ այսոցիկ՝ որ գրեալ է քո առ իս: Այլ զի պա-
 » տերազմ՝ Ասանիացւոց՝ կայ առաջի իմ, որ սպրա-
 » տամբեցին յինէն ՚ի ժամանակի յայսմիկ, վասն այ-
 » սորիկ ոչ կարացի ինդրել զվրէժ իրացդ այդոցիկ-
 » բայց պատրաստեալ եմ թէ յորժամ լրցի ինձ պա-
 » բապ՝ հրամայեցից պատիժս օրինօք ՚ի վերայ Հրէիցն
 » անօրինացն որք անցին զօրինօք: Եւ վասն Պիղա-
 » տոսի դատաւորի զոր արարեալ էր իմ անդ՝ առա-
 » քեցի նմա փոխանակ, և զնա լուծի թշնամանօք. զի
 » անց նա զօրինօք և արար զկամն Հրէից և խաչեաց
 » զՔրիստոս յանդիմանն նոցա. վասն որոյ լսեմ թէ և
 » ոչ խաչի և մահու արժանի էր, այլ պատուի և եր-
 » կրքալագութեան և մեծարանաց ՚ի նոցանէ արժանի
 » էր՝, և առաւել ևս զի աջօք իւրեանց տեսանէին զա-

1 Այս թուղթ ոչ սակաւ այլածայնի ՚ի պատճենէն որ առ Խորե-
 նացւոյն, և թուի յարմարեալ ՚ի պատասխանի երկոցուն թղթոյն
 Արգարու միանգամայն, որոց երկրորդն ոչ յիշի սաս. այլ գտանի
 առ Խորենացւոյն:

2 Յասորին Աւէլնու ընթեռնու Պիւրրզան և սիալ համարի, որ-
 պէս է անուշա և ՚ի հայունս, որ մերձադոյն է Պէլիս անուան. սա-
 կայն ոչ յիշի յայտ՝ ժամանակի եպարքոս կամ փոխահապատ Աս-
 րուց յայս անուն, և Ալքրիմոս յետոյ օրինն առ Ներոնիս եկաց. իսկ
 յայտ՝ ժամանակի կուսակալ կողմնոցս էր Վիտելլիոս յիշատակեալ
 ՚ի Տակիտոսե (Տարեգր. 2. 19. 100.) և յառաջ քան զնա Նիկոս Լա-
 միա. (Նոյն, 2. 115.) և գուցէ սա իսկ է յիշեալք ՚ի թղթիս:

3 Տես յէջ 12 ծան. 2.

4 Յառաջնում թղթին Տիրերի առ Արգար, որ առ Խորենացւոյ,
 կայսրն երևեցուցանէ զինքն հաւանեալ բանից նորա և արժանի պաշ-
 տաման գատեալ զՔրիստոս: բայց ձերականին ոչ նոյնպէս. արդ

» մենայն ինչ զոր առնէր նա . բայց դու ըստ մտերմու-
 » թեան քում և հաստատուն ուխտիդ քո և հարց
 » քոց որ ընդ իս է , բարիոք արարեք զի գրեցեր առ
 » իս զայս » :

Եւ ընկալեալ Աբգարու թագաւորի զԱրտեղիաս¹
 զառաքեալ առ նա՛ի Տիբերիայ կայսերէ , և կրկնեալ
 առաքեաց զնա անդրէն ընծայիւք և պատուով² ըստ
 արժանի այնմ որպէս յղեալն էր զնա : Եւ գնացեալ
 նորա յԱւհայ քաղաքէ և երթեալ ՚ի Նութիկոն
 թայ³ , ուր էրն Կղարդիոս երկրորդ թագաւորին . և
 անտի գնացեալ չոգան յԱբասիկէ⁴ , քանզի անդ էր
 Տիբերիոս կայսր . այլ Վայոս⁵ պահէր զկողմանս որ
 շուրջ զկայսերըն էին : Եւ պատմեալ Արիտաղեայ ա-
 ռաջի Տիբերեայ կայսեր վասն զօրութեանցն զոր առ-
 նէր Ադէ առաքեալ առաջի Աբգարու թագաւորի :
 Եւ յորժամ եղև նմա խաղաղութիւն ՚ի պատերազ-
 մէն⁶ առաքեաց և սատակեաց զգլխաւորն ՚ի Հրէիցն
 որք էին ՚ի Պաղեստինէ բաղնութիւն յոյժ մարդկան :
 Եւ իբրև լուսւ Աբգար թագաւոր զայս՝ ուրախ եղև
 յոյժ , զի ընկալան Հրեայքն զպատու հասն արժանապէս :
 Եւ յեա ամաց յորժամ շինեաց Ադէ առաքեալ զե-

վկայեն Տերաուլիանոս (Ջաաագով. Ե) , Եւսերիոս (Եկեղ. Պատմ.
 Բ. Բ) և այլք , զի Տիբերիոս եկաց մնաց յիւրում հաւանութեան , և
 հրամայեաց խոշտանցել զհալածիչս քրիստոնէից : Տես ՚ի Յուսե-
 լուած Ա զբանս Եւսերի , որ և ՚ի կանոնս Գրոնիկոնիմն նշանակէ այս-
 պէս : « Տիբերիոս մահ սպանեացաւ որք զքրիստոնէից շար խոսեցին » :

1 Սաորև ստուգադոյն , որպէս և ՚ի բնագրին գրի Արիտաղէս ,
 բայց ոչ առ Խորենացւոյ և ոչ այլուր յիշի գեապանդ :

2 Գրեալ և թուղթ երկրորդ , զորոյ պատմէն ունի Խորենացի :

3 Վիւրզոն երկրայութեամբ ընթեանու Թիկաննա . երկրին ևս
 անուանեք անծանօթք են աշխարհադրաց : Բայց վասն Կղարդեայ ասի
 յառաջ քան զկայսրութիւնն բնակել յաննչան և յանձանօթ շէն :

4 Աբսիլոս ըստ Վիւրզոնի ընթերցուածոյն , զոր մարթ է աս ըն-
 թեանու և Օրտուգա և համարել զՊրոգիւզիա մերձ ՚ի Սիրակուսա :
 Բայց զի Տիբեր ՚ի Կայսրէա նստեր և շինեալ էր անդ բաղնւթ՝ ամա-
 բանոցս , զուցէ մի էր յայնչանն սեղիս այս : Իսկ եթէ ըստ խոստման
 իւրոյ որ ՚ի թղթին առ Աբգար՝ երթեալ էր նորա ՚ի Սպանիա՝ մարթ
 էր համարել զգա՝ զՍրազուկա քաղաք Տրաքոնացւոց ՚ի նմին աշ-
 խարհի . բայց պատմիւք Հոովմայեցւոց ասեն ոչ երթեալ Տիբերի այ-
 լուր ՚ի կղզւոյ անտի մենարանին բայց երկիցս միայն ՚ի Հաովթ կոչս և
 վաղ ընդ փոյթ դարձ արարեալ :

5 Որ և Կայսրուլա կայսր , Թոսն և յաջորդ Տիբերի :

6 Պատերազմն Սպանիացւոց :

կեղեցին Աւստրի, և կազմեաց զնա ամենայն կազմութեամբ որպէս վայել էր նմա, և աշակերտեալ նորա անդ բազմութիւն մարդկան 'ի քաղաքին և յայլ ևս 'ի գեօղս 'ի Հեռաւորս և 'ի մերձաւորս, շինեալ նորա եկեղեցիս և զարդարեալ և կազմեալ և կարգեալ 'ի նմա երիցունս և սարկաւազունս և գրակարգացս¹, և ուսոյց նոյա զկարգս պաշտամանն 'ի ներքոյ և արտաքոյ: Եւ յեա այսր ամենայնի կամեցաւ Ազէ առաքեալ (զնալ)² 'ի կողմանս արևելից և յերկիրն Ասորեստանի քարոզել և ուսուցանել և անդ զնոր վարդապետութիւնն Վերիաստի, և շինել եկեղեցիս յամենայն գաւառս և 'ի գեօղս 'ի կողմանս արևելից: Ապա կոչեցեալ նորա զամենայն ժողովուրդս և զբնիսանս որ էին 'ի քաղաքին, և կարգեաց առաջի նոցա 'ի կարգեալիս կապտութեան յիւրում տեղիոջ զԱզէ կերպասագործ, և զՓլոս³ 'ի կարգ երիցութեան, և զԱբշղանայ⁴ 'ի կարգ սարկաւազութեան: Եւ մինչդեռ ժողովեալ էին առ նա նախարարք և գլխաւորք քաղաքին, Բարբաղաբա որդի Զատէի, և Մարիճաբ որդի Բարշամայ, և Մնակայ որդի Պատրիկայ⁵, Հանգերծ այլովք ևս բազում ընկերօք իւրեանց. և ասէ ցնտս Ազէ առաքեալ. Գիտէք դուք և վկայէք ինձ ամենեքին որ լէքդ, թէ զամենայն ինչ որ միանգամ քարոզեցի և ուսուցի ձեզ և լուայք յիննն, սոյնպէս վարեցայ 'ի միջի ձերում, և տեսէք դուք զամենայն ըզ-

1 Այս գրաս եկեղեցական պաշտանից ոչ յիշի այլուք սովն առնամբ յառաջ քան զայս ժամանակ:

2 Յօր. մերում պահասէ բառս. իսկ ասորի բնագիրն Վերքոզոնի օտարանայ այսուհեան 'ի մերոյս և 'ի ծանուցեալ պատմութենէ եկեղեցւոյս մերոյ, որ զմագեոս գիտէ յեղեւոսի եկեալ 'ի մեծ Հայոս և անդ նահատակեալ, և 'ի թղթիս ևս յայտմ ասի յարեւելս զնացեալ. իսկ ասորիդ ասէ. « Յեա այսր ամենայնի բնութեալ Ազէի յախտէ » հիւանդութեան՝ որով և փոխեցաւ յաշխարհէ աստի » . և ասորե պատմէ զԹաղուսն իսկ. իսկ մեր թարգմանութիւնս այլապէս ունի՝ որպէս տեսցի. « ապա կոչեցեալ նորա զԱզէոս առաջի ամենայն բազմութեան եկեղեցւոյն, և մտ մատուցեալ կարգեաց զնա առաջնորդ և վարից » :

3 Ասորին, որ էր 'ի իւրդի սարկաւազութեան:

4 Ասորին, որ էր Գլիլ, յայտ է թէ եկամուտ են յաւելուածքո:

5 Ասորին, Սէւալ՝ որդի Արիշտայ, և Պերզո որդի Պարթիլայ. Թուի վերպեալ Հայ գրքին կամ ընդօրինակողի: Արմենակ ոմն գեապան Պարթեայ յիշի առ Տակիտեայ (Տարեգր. Զ. 10, 19):

գործս իմ: քանզի այսպէս պատուիրեաց մեզ Քրիստոս, [Թէ զորինչ քանիւ քարոզեմք՝ զնոյն և արդեամբք կատարեցուք առաջի ամենայն ժողովրդոցս, և ըստ կարգաց և օրինաց զոր եղ Տէր մեր աշակերտացն՝ յԵբրուսաղէմ, և նովին վարին առաքեալքն և ընկերք իմ, սոյնպէս և դուք մի փոխիք ՚ի նոցանէ և մի խոտորիք յաջ կամ յահեակ. և մի պահասեցուցանէք ՚ի նոցանէ և մի յաւելուք, զոր օրինակ վարեցայ ես ՚ի միջի ձերում և ոչ խոտորեցայ յաջ կամ յահեակ. և մի պահասեցուցանէք ՚ի նոցանէ ինչ, զոր օրինակ և ես նորօք վարեցայ ՚ի միջի ձերում. և ոչ փոխեցայ ինչ ՚ի նոցանէ յաջ կամ յահեակ, զի մի օտարացաց ՚ի կենացն խոտացելոցն, որ պահեալ են այնոցիկ՝ որ կան ՚ի պատուիրանին զոր պատուիրեաց Քրիստոս: Զգոյշ լերուք պաշտամանդ՝ զոր ընկալարուք, և ահիւ և երկիւղիւ լիջիք կալ ՚ի դմին և պաշտել Տանապազ. և մի լինիք արհամարհողք սովորութեամբք, պաշտել Տեղեւութեամբ ըստ կամաց, այլ մեկնութեամբք գրոց կալ ՚ի Տաւատս Ճմարտութեան. և օրհնութիւնն Քրիստոսի մի խափանեցի ՚ի բերանոց ձերոց. և տաղտկութիւն ՚ի ժամ աղօթից ՚ի միտս ձեր մի մերձեցի: Ըջգոյշ լերուք Ճմարտութեամբ աւանդութեանդ զոր ըմբռնեցէք, և վարդապետութեանդ՝ զոր ընկալարուք ՚ի ժառանգութիւն կենացն՝ զոր աւանդեմ՝ ձեզ, Քան զի առաջի բեմին Քրիստոսի ինդրի դա ՚ի ձէնջ, յորժամ առնու Տամար ընդ հովիւս և ընդ հովուապետս. և յորժամ առնու զարծաթ իւր ՚ի վաճառականաց իւրոց տոկոսիւք և շահիւք. քանզի որդի [Թագաւորի է, և երթեալ է առնուլ զԹագաւորութիւն և դառնալ և գալ, և առնել հատուցումն՝ ամենայն որդւոց մարդկան: Եւ սպա յայնմ ժամանակի նստի յաթոս արդարութեան և դատի զմեռեալս և զկենդանիս որպէս և ասացն ցմեզ: Ակն աներևոյթ խոր-

1 Ատորին. ըստ կարգաց և օրինաց որք եղան յաշակերտացն, յԵբրուսաղէմ. որով իմանայ արդեօք զկարգս և կանոնս առաքելոց որք գտանին ՚ի գլուխ կանոնագրոց մերոց, և [Թարգմանեալ են յատորի գրոց. իսկ յատորի բնագրին ՚ի Թագէէ առի ինքնին շարադրեալ և գործն այն. կամ մասն լինել Վարդապետութեան նորա:

2 Քիւրբզան [Թարգմանէ. սովել յարմիւն:

Տըրդոց ձերոց՝ ի լուսոյ նորա մի կափուցի, զի մի բազմասցին գայթակղութիւն ձեր՝ ի ճանապարհին՝ յորում չիք գայթակղութիւնք. և ոչ աղտեղի աղտունիցիք ի շաւիղս նորա, ևւ եղիջիք ի խնդրել զկորուսեալս և այց առնել մտորեւոց, և ուրախ լինել ընդ գրեալսն. զնել կաղանդս բեկեւոցն և պահել անարատ զողջսն. քանզի ի ձեռաց ձերոց խնդրին որոջք Քրիստոսի: ևւ մի ակն ունիք պատուոյ անցաւորի. զի հովիւն որ ակն ունի պատուել ի հօտէ իւրմէ՝ չարաչար կորուսանէ զիաչն իւր: Բազմասցի հոգաբարձութիւն ձեր առ գառինս անմեղս, զի հրեշտակք նոցա հանապաղ տեսանեն զերեսս Հօրն երկնաւորի. և մի լինիք վէմք գայթակղութեան առաջի կուրաց, այլ հարթողք ճանապարհին և աներեւոյթ շաղաց ի դժուարին տեղիս ի մէջ Հրեից խաչահանուաց և ի մէջ հեթանոսաց մտորեւոց. քանզի ընդ այս երկուս կողմանս է ձեզ ճշմարտութիւն հաւատոցդ զոր ունիք: ևւ յորժամ գայս ամենայն առնէք իբրև դուք լուսկայք, տեսիլդ ձեր հեղ և սգաստ՝ պատերազմի փոխանակ ձեր ընդ այնստիկ՝ ոչք ատեան զճշմարտութիւն և սիրեն զստութիւն: ևւ մի լինիք կռիւիք աղբասաց առաջի մեծատանց¹, և մի խաբիք յաղտեղի խորհուրդս սատանայի, զի մի մերի գտանիցիք ի հաւատոցդ զոր գգեցայքդ²: Զի դիւրին է ուրացութիւն քան զհաւատս, զոր օրինակ դիւրին են մեզք քան զարդարութիւն:

Զգոյշ լերուք այսուհետև ի խաչահանուացն և մի լինիք նոցա սիրելիք, զի մի պարտականք գտանիցիք ընդ նոսա արեանն Քրիստոսի, որպէս լի են ձեռք իւրեանց: ևւ գիտէք դուք և վկայէք, թէ զամենայն ինչ զոր ասեմք և ուսուցանեմք և գրեալ է ի գիրս մարգարեիցն և եղեալ առ նոսա. և վկայեն բանք նոցա վարդապետութեանս մերում: վասն ծննդեանն Քրիստոսի և վասն գատաստանի, և վասն չարչարանաց և յարութեան, և վերանալոցն և միւսանգամ գալտեանն Քրիստոսի, և ոչ խմանան. և յորժամ մեզ ընդգիմանան՝

1 Ի բնագրին յաւելու, զի չոք իմ լոր է նոցա աղջապատիկան իւրեանց:

2 Իբարձեալ պակասէ ասորին, զոր նշանակէ և անգղիացի թարգմանն իբրև Թուղթ մի պակասել ի բնագրին:

ընդդէմ լինին մարգարէիցն իւրեանց . զի որպէս՝ի կենդանութեան նոցա հալածեցին զնոսա , սոյնպէս և այժմ յետ մահուան նոցա՝ ընդդէմ կռուին ճշմարտութեանն զոր գրեալ է ՚ի մարգարէսն :

Զգոյշ լերուք դարձեալ ՚ի հեթանոսաց , որք երկիր պագանեն արեգական և լուսնի և Բեւայ և Նաբուայ , հանդերձ այլովքն , որ ինչ յերկինս և յերկրի . զոր անուանեն նորա աստուածս , որք ստեղծան յարարէնն ՚ի սպաս և ՚ի պէտս մարդկան , և չեն աստուածք բնութեամբ : Փախերուք այսուհետեւ ՚ի նոցանէ , քանզի արարածոց և ստեղծուածոց պագանեն երկիր . և որպէս ստացի յառաջագոյն թէ վասն այնորիկ եկն Տէր յաշխարհ , զի մի ևս մոլորեացին մարդիկ զհետ մտտեաց պաշտել զարարածս . վասն զի ակնարկելալ արարչին իւրեանց հաստատեցաւ և եղև . և յորժամ կամի՝ լուծանէ և խափանէ զնոսա , և լինին իբրև զէղեալս : Քանզի Աբարիչն որ արար զարարածս , ազատեաց զորդիս մարդկան ՚ի լծոյ ծառայութեան հեթանոսութեան , պաշտել զարարիչն Աստուած : Քանզի գիտէք ամենեքին , թէ ամենայն որ թողու զթագաւոր և պաշտէ զծառայս նորա , չարաչար մեռցի : Մի լինիք քննողք աներևութից և հարցող ծածկելալ իրի , որ գրեալ է ՚ի գիրս սուրբս , որ անանգեցաւ ձեզ : Մի պարտապահք բանից մարգարէիցն . հաւատացէք և տեսէք զի հոգւով Աստուծոյ են ասացեալքս : Ար ուրանայ և ոչ հաւատայ բանից մարգարէիցն՝ զԱրդի Աստուծոյ ուրանայ և դատապարտեալ կշտամբի . բաւ լիցի ձեզ առնել զայս . քանզի ճանապարհք Տեառն ուղիղ են և արդարք գնան ՚ի նոսա առանց գայթակղութեան , և ուրացողք գայթակղին ՚ի նոսա . քանզի ոչ նայեցան աներևոյթ ահամբ մտաց իւրեանց , այլ աշխատեցան զինի անօգ(ուտ) հարցուածոց և փնտսկարաց :

Յիշեցէք զգրեալսն մարգարէիցն՝ զոր քարոզեցաք ձեզ , զդատաստանս և զսպառնալիս մարգարէիցն , և զբանն Տեառն որ կնրէ զբանս նոցա . և հրով քննին որդիք մարդկան . վասն զի իբրև զհիւրս և զպանդուխտս են , ոյք մեծանան և կանխեն ՚ի տունս իւրեանց : Այսպէս համարեսցիք զանձինս ձեր յաշխարհիս յայսմիկ ,

վանն զի չուկեոյ էք աստի, և երթալ յաշխարհն ուր¹ երթեալ է Որդի, պատրաստեալ է օթեվանս այնոցիկ՝ որ արժանի են նորա:

Թագաւորք աշխարհաց յորժամ կամին ուրեք երթալ, զօրականք նոցա առաջի նոցա երթան և պատրաստեն նոցա օթեվանս ըստ արժանի պատուոյ նոցա. այլ մեր թագաւորն Քրիստոս ինքնին երթեալ և պատրաստեալ է օթեվանս օրհնութեան զինուորացիւրոց իջանել ՚ի նոսա. զի ոչ եթէ ընդունայն ինչ արար Աստուած զորդիս մարդկան, այլ զի լիցին երկրք պագուք և փառաւորիչք աստուածութեան նորա, և աստ և անդ յաւիտեանս յաւիտենից. զի զոր օրինակ ինքն ոչ անցանէ, և փառաւորիչք իւր ոչ անցանեն: Վասն այսորիկ և մահս իսկ այս որ վարիչ է ամենայն մարդկան, և ընդ լծով նորա հնազանդեալ են արդարք և մեղաւորք ՚ի միասին, իբրև գբուն գիշերոյ համարեցի սա յայս ձեր: Եւ յիշեցէք, զի յորժամ երևեսցի նշան Որդւոյն Աստուծոյ և խափանի մահ վարիչ մարդկան, և սատանայ որ յանցուցանէ զբազումս և մարտնչի ընդ ճշմարիտս՝ զի հեռացին ՚ի ճշմարտութենէ: Զի զոր օրինակ հողագործն յորժամ ձեռն արկանէ զմաճով՝ եթէ դառնայ յետս², ոչ ուղիղ երթան ահօքն առաջի նորա. սոյնպէս և դուք որ կոչեցարուք ՚ի ճնորհս պաշտամանս այսորիկ: Զգոյշ լերուք, մի շաղապաակցիք յիրս աշխարհիս այսորիկ, զի գուցէ խափանիցիք յոր կոչեցեալ էք:

Բայց զիշխանս և զգատաւորս որք մերձեանն ՚ի հաւատս յայս, սիրեալիք զնոսա առանց ակնառութեան. և եթէ մեղանէն լիջիք յանդիմանել զնոսա ճշմարտութեամբ: Գուք ցուցիք նոցա զհամարձակութիւն ուղղութեան ձերոյ, և նորա խրատեացին. զի այլ մի ևս վարեացին ըստ կամս իւրեանց: Այն իսկ հոգաբարձութիւն լիցի ձեզ զամենայն աւուրս կենաց ձերոյ, զի զհետ գործոց բարեաց եղիջիք ընթանալ, զի սլէքն ևս յորդորեացին ՚ի նոյն. քանզի այսու գտանեն զկեանս իւրեանց առաջի Աստուծոյ:

¹ Յօրինակին 27:

² Ղուկ. Թ. 62:

Բայց զգիրս զոր ընթեռնուցուք յեկեղեցւոջ ժողովրդեան առաջի. զԱբարաժս եւ զՄարգարէս եւ զԱւետարան, եւ զԹուղթս Պաւղոսի՝ զոր ետ բերել Սիմոն Պետրոս 'ի Հռովմ՝ քաղաքէ, եւ զՊործս Առաքելոցն՝ զոր ետ մեզ բերել Յովհաննէս որդին Զբերդեայ յԵփեսոս քաղաքէ՝ 1 Զսոյն իսկ զայս գիրս ընթերցջիք յեկեղեցւոջ Վրիստոսի. եւ այլ աւելի քան զսոսա մի ընթեռնուցուք. քանզի չիք այլ ինչ յորում գրեալ է զՃնարտութիւն, բայց 'ի գիրս զոր ընկալարուք Հաստովք՝ յոր կոչեցարուք: Եւ Տէրս մեր Աբգար թագաւորս եւ պատուական նախարարք իւր որք լուան զոր ինչ խօսեցայ ես այսօր առաջի ձեր, բաւական են լինել ինձ վկայք 'ի կեանս իմ եւ 'ի մահուանս. զի զվարդապետութիւն Տեառն քարոզեցի առաջի ամենեցուն յայտնապէս եւ պատրաստեալ եմ եւ այլոց եւս քարոզել. եւ աւելի քան զբանն Տեառն ոչ ինչ ստացայ յաշխարհիս յայսմիկ. քանզի բանն նորս եղև ինձ բաւական, որով մեծացայ ես եւ մեծացուցի զբազումս. զի նա եղիցի ինձ ուղեկից 'ի ճանապարհս՝ յոր երթամ 'ի քարալուծիւն Ճնարտութեան աւետարանին, եւ 'ի վարդապետութիւն Հեթանոսաց առաջի Վրիստոսի, որ առաքելացն զիս գնալ 'ի սմա վասն փրկութեան Հեթանոսաց եւ Հաստատութեան եկեղեցւոյ:

* 2 Բայց զայս գիտէք դուք զի ստացի ձեզ յառաջագոյն, թէ ոգիք ամենայն մարդկան որ ելանեն 'ի

1 Այս բանք, որպէս վերագոյնդ յիշեցար 'ի ծանօթ. ցուցանեն յես մահուան Աբգարու եւ թագէի գրեալք կամ եկամուտք. զի առ նորք եւ ոչ մի 'ի նորոց կտակարանաց չև ես էր գրեալ. բայց բառ աւանդութեան Ասորոց նոյն ինքն Աբգար զհին կտակարանս առեալ էր թարգմանել թագէի կամ աշակերտաց նորս յասորի բարբառ: Եւ զի սոս 'ի նոր կտակին ոչ յիշին թուղթն կաթողիկէսիք եւ Յայտնութիւնն Յովհաննու, նաև ոչ յանուանէ ամենայն թուղթք Պողոսի եւ աւետարանն, մարթ է կարծել զյարմուած բանիս 'ի միջոցի անդ ժամանակին՝ յորում չև եւ կին նորս գրեալք, այլ աւետարանքն երբքին, Պործքն, եւ սմանք 'ի թղթոց Պողոսի. թերևս եւ ընդ Վարդապետութեան առաքելոցն թագէի խառնեալ իցէ եւ վարդապետութիւն Աղղէի, եւ սորին եւս յաջորդի, որ՝ որպէս վերագոյն ուրեմն ծանուցար (Էջ 6. ծան. 2) նշյապէս թագէտս, մանաւանդ թէ սո միայն թագէտս կոչուք յամանց Ասորոց:

2 Այս հաստատած բանի ընդ մէջ երկուց աստեղանդանիցք՝ յայտնապէս իսկ անյարբիր եւ անզատաձէ է կարգի բանիցն, եկամուտ եւ ազանգասար, զի զկայանագրաց իմաստս ընծայի: Հաստատի եւ այնու

մարմնոյ աստի՛ ոչ մեռանին, այլ կան մնան կենդանի, և են նոցա օթեվանք և բնակութիւնք՝ի հանդատեանն. զի ոչ խափանին միաք և ուշ ոգւոյն, վասն զի նկարագիր անմահին Աստուծոյ նկարեալ է՝ի նմա. զի ոչ եթէ իբրև զմարմնն է նա անդգայ՝ որ ոչ իմանայ, յապահանութիւն տգեղութեան որ զնովաւ անկանի. բայց զվարձ հատուցման ոչ կարէ ընդունել առանց նորա. զի ոչ եթէ հոգւոյն միայն է վաստակն, այլ և մարմնոյն յորում բնակեալն էր: Բայց ապտամբողքն որք ոչ ճանաչէն զԱստուած, զղծանան անդ յանօգուտ. բայց դուք որ քրիստոյնեայքդ էք, և անուն նորա փառաւորեալ է և թագաւորեալ է՝ի վերայ ձեր, ինքն ուղղէ զձեզ ՚ի ճանապարհս ճշմարտութեան, երթալ ձեզ ընդ նա, և ժամանել և հասանել խոտացելոց բարեաց նորա, որ պահի այնոցիկ որ ոչ խոտորին ՚ի պատուիրանաց նորա, այլ կան և մնան ՚ի կողմանն յոր կոչեցան ՚ի Տեառնէ: *

Եւ զայս բանս ասացեալ նորա, լուեալ զազարեաց Աղէ առաքեալ ՚ի խօսից: Տուեալ պատասխանի Աղէի կերպասագործի թագաւորին և Փլտայ և Աբշղամայ հանդերձ այլովք ընկերօք իւրեանց, և ասէն զԱղէ առաքեալ. Վկայ է Քրիստոս որ առաքեաց զքեզ առ մեզ, և ուսուցեր մեզ զհաւատս ճշմարտութեան, և ստացաք զկեանս ստուգութեան. զի որպէս լուսքն ՚ի քէն և ընկալաք ՚ի ժամանակս ամենայն զոր եղեր դուստ մեզ, սոյնպէս կամք և մնամք զամենայն աւուրս կենաց մերոց. և յերկրպագութենէ կողմն արարելոցն և հաստատելոց՝ որոց երկիր պագանելին հարբն մեր, հրաժարեմք և ուրանամք¹. և ընդ Հրեայս խաչահանուս ոչ հաղորդիմք. և զժառանգութիւնս զոր ընկալաք ՚ի քէն՝ ոչ թողումք. այլ սովիմք ելանեմք յաշխարհէս յայսմանէ: և յաւուրն Տեառն առաջի բեմին արդար դատաւորին, անդ դարձուցումք² քեզ զժառանգութիւնս զայս, որպէս ասացեր մեզ:

զի գտանի և ուրոյն գրեալ բանս այս ՚ի կանոնագիրս կամ ՚ի ճառքն արիւ ուրեք, նա և յասորի գիրս այստեւս ուրոյն գտեալ և թարգմանեալ է զնոյն և Գիւրբղոն, յէջ 108 իւրոց գրոց:

1 Ատաի ջգախճան գտանի և յասորի բնագրին:

2 Գիւրբղոն թարգմանէ, « անդ դարձուցէ նա մեզ զժառանգութիւնս զայս, որպէս ասացեր մեզ »:

Իբրև ասացան բանքս այսօրին, յարուցեալ Աբգար թագաւոր ինքն և գլխաւորքն և ամենայն նախարարք թագաւորութեան իւրոյ, և չոգաւ յապարանս իւր, և տրամեալ էին ամենեքին յաղագս մեկնելոյ նորա և գնալոյ ՚ի նոցանէ ¹: Եւ ետ տանել նմա Աբգար կարասի բազում ². և տեսեալ զայն Ադէի, յղեաց առ Աբգար և ասէ. թէ ոչ ՚ի գալստեանն իմում ³ առքեզ առի ինչ ՚ի քէն, և ոչ առնեմ յիս սուտ զպատուէրն Քրիստոսի՝ որ ասացն ցմեզ, թէ մի առնուցուք ինչ յումեքէ, և մի ստանայցէք ինչ յաշխարհիս յայս միկ ⁴:

Եւ յեա այլ ևս երից աւուրց յորժամ խօսեցաւ զայս ամենայն Ադէ առաքեալ, և լուաւ նա և ընկալաւ զվիհայութիւն վարդապետութեան և քարոզութեան իւրոյ առաջի ամենայն նախարարաց և լոյխանաց թագաւորին ⁵ Տամբարձեալ զձեռս ՚ի վեր, և կաց յաղօթս և օրհնեաց զնոսա: Եւ ելեալ գնաց ընդ Արևելս, և յղարկեցին զնա ամենայն բազմութիւն մարդկանն: Եւ էր օրն հինգշաբաթի, որ օր չորեքաստան էր մարերի ամնոյ ⁶: Եւ սուգ մեծ և տրամութիւն յոյժ եղև ամենայն քաղաքին վասն մեկնելոյ նորա ՚ի նոցանէ ⁷. և ոչ եթէ քրիստոյնեացքն միայն լային, այլ և հեթանոսքն և Հրեայքն որ էին ՚ի քաղաքին:

1 Ըստ վերագոյն նշանակեալ՝ ասորին ասէ վաս զի ձեռանելոյ էր:

2 Ասորին, աշխարհաբան կամ հանգրայնա, զի նոցիմիտ խաչարի:

3 Ասորին. ՚ի ինչսն իժ, և ոչ այժմ ՚ի մահաւան ինամ:

4 Այլ սովին բանից կարգաւ, այլ ըստ այսմ մասաց ասացեալ է Քրիստոսի յառաքելն զաշխարհսն ՚ի քարոզութիւն:

5 Յետ այսորիկ ասէ ասորին. նշանաբնաց յաշխարհն ասօրի, այսինքն է մեաւ. և էր օրն հինգշաբթի, և յի իւր անայ:

6 Ըստ եկեղեցական և քաղաքական պատմութեան Հայոցս, զոր ստոյգ համարիմք, թագէտս առաքեալ մեկնեցաւ յԱզեսիոյ երթալ ՚ի Հայս յ'36 ամի հասարակ թուականութեան փրկչին. և յայնմ ամի ըստ շարժական առեմարիս մերոյ յի՛ն մարերի ամնոյ իսկ հանգիպի արգարն յոր հինգշաբաթու, ըստ լատին ամնոյ ՚ի 28 օգոստոսի օտրւոյն. սակայն և աստ, որպէս և այլուր վերագոյն (էջ 2) ամիսք Հայոց և Ասորոց զուգեալ են ընդ Հռովմայեացն, և 14 մարերի և իւր ամնոյ է 14 ապրիլի, որ արգարն յոր հինգշաբաթի հանգիպի յայնմ ամի: Հին վիհայարանութիւն առաքելոյն թագէի՝ ասէ նահատակեալ զնա ՚ի 23 գեկտեմբերի, յորում աւուր և Յայսմաւուրք ասին:

7 Յերեսին ևս տեղիս ասորին ոչ զմեկնելն յիժ և ոչ զմեռանել, այլ զնա նորա ասէ:

Այլ Արգար թագաւոր առաւել քան զամենայն որ տրտմեալ էր վասն զնալոյն նորա. նա և ամենայն պէտք թագաւորութեան նորա էին ՚ի տրտմութեան մեծի. և անարգեաց և եթող զպատիւ թագաւորութեան իւրոյ, և ոչ եկեր և ոչ արբ յաւուր յայնմիկ: Եւ լալով մեծաւ և արտասուօք յուղարկեաց¹ զնա հանդերձ ամենայն եկեղեցեաւն: Եւ ամենայն բնակչաց քաղաքին տեսեալ զնա՝ զարմացեալ էին, թէ որքան վշտացեալ էր վասն նորա. զոր օրինակ յուղարկէ որ զմեռեալ. և բազում պատուով և մեծարանօք և տրտմութեամբ յուղարկեցին զնա: Եւ նա ել զնաց ընդ արևելս քարոզել զաւետարանն Քրիստոսի:

Բայց Ադէ որ աշակերտեցաւ նմա՝ եղև առաջնորդ և հրամանատար և ժառանգաւոր ամբողջն Ադէի առաքելոյն, ՚ի ձեռնադրութիւն քահանայութեան, զոր ընկալաւ նա ՚ի նմանէ առաջի ամենայն ուրուք²: Եւ հնազանդեցան ամենայն Միջագետք և ամենայն կողմանք արևելից ընդ ձեռամբ Ադէի, ըստ վարդապետութեան զոր ընկալաւ յԱդէէ առաքելոյ³: Քանզի

1 Պայտ սող թողու ասորին, և զյետագայն փոխել, « Բազում սպասուով և շքով մեծաւ յուղարկաւորութիւն արար և թագեաց զնա, որպէս թաղիցի մի որ յիշմանաց. և եզ զնա ՚ի շիրմի քանդակելոյ մասամբք, յորում եզեալ էինէն նախորդքն Արգարու թագաւորի՝ որք ՚ի զարմէն Արիւս. անդ հանգոյց զնա կարեկցարար, բազում սգով և ցաւով: Եւ ամենայն բազմութիւն եկեղեցւոյն ելանէր անդ ըստ ժամանակս ժամանակս և մատուցանէր ազօթս մտադիւր. և կատարէին սո՛ յամէ զոր յիշատակի մահուան նորա, որպէս պատուիրեաց և կարգեաց նոցա առնել ինքն իսկ առաքեալն Ադէ, և որպէս հրամայեացն Ագգէոս », որ եղև առաջնորդ և հրամանատար. և այլն:

2 Գարձեալ օտարանաց ասորին, և ասել. « Եւ ինքն ձեռնադրութեամբն զոր ընկալաւ ՚ի նմանէ՝ կացոյց երկցունս և առաջնորդս ընդ ամենայն երկիրս այս Միջագետաց: Եւ նորա որպէս զառաքելոյն Ադէի՝ պահէին անվրէպ զբանս նորա, և լսէին և ընդունէին որպէս բարի և հաւատարիմ ժառանգաւորք առաքելոյ փառաւորելոյն Քրիստոսի: Եւ արծամ և սակի յուսմբն ոչ ասնոյք » և այլն:

3 Ի կանոնագիրս՝ յանուանեալ Ա Առաքելական կանոնս այսպէս աւանդի ձեռնադրութիւն աղցաց. « Ընկալաւ ձեռնադրութիւն քահանայութեան յառաքելոյն՝ Սուհա և ամենայն քաղաքք որ շուրջ զնոսաւ. Մծրին և Արարիա՝ սահմանակիցք Միջագետաց, Հոյք Ա) և և ամենայն հիւսիս և հարաւ, ՚ի Քաղէսուս առաքելոյ Յ), որ է մի յերկոտասան առաքելոյն. շինեաց անդ եկեղեցիս, և աշակերտեաց զամենայն կողմանս զայնոսիկ. կարգեաց ՚ի նոսա քահանայս և պաշտօնեայս:

՝ Ընկալաւ ձեռնադրութիւն քահանայութեան յառաքելոյն

յայնմ ժամանակի մայր քաղաքաց եղև Աւոհայ ամե-
նայն աշխարհին կողմանցն արևելից. վասն զի ՚ի նա
նախ քարոզեցաւ աւետարանն Քրիստոսի, և անդ յա-
ռաջ շինեցաւ եկեղեցի, և անտի ընդունին զձեռնա-
դրութիւն եպիսկոպոսութեան ամենայն արևելք. և
հնազանդէին՝ որպէս և հնազանդէին Աղէի առաքե-
լոյ. և լսէին նմա հնազանդութեամբ և ընդունէին
զբան նորա ատորժելով: Եւ լինէին հաւատարիմ և
բարիոր ժառանգաւորք վարդապետութեան առաքե-
լոյն Քրիստոսի: Եւ ոսկի յումեքէ ոչ առնոյր, և ըն-
ծայք մեծատանց առ նա ոչ մտանէին. այլ փոխանակ
ոսկւոյ և արծաթոյ՝ հաւատացելովք և սրբովք մեծա-
ցուցանէր զեկեղեցին Քրիստոսի: Այլ զլուխք՝ ամե-
նայն արանց և կանանց շքեղք և սգաստք, սուրբք և
պարկեշտք էին. և մենացեալ բնակէին ցնծութեամբ
առանց պառօնոց, և արթնոց և զուարթոց և շքեղք
՚ի պաշտաման, և հոգեբարձուք առ աղքատս, և տե-
սողք հիւանդաց: Եւ գնացք նոցա էին վայելութեամբ
առաջի Տեառն և մարդկան. զի վարք նոցա զովու-
թեամբ զարդարեալ էին յարտաքնոց. մինչև բուրմբ
անդամ՝ Նարուայ և Բելայ, պատուէին և մեծարէին
գնտա յամենայն ժամ: Պատուականք էին տեսլեամբք
և համարձակք բանիւք և ճշմարիտ խօսիւք և ազատք

- » Պարզք և Պարթեք, ամենայն Ատրեստան և Խուժաստան, և ամե-
» նայն որ շուրջ զԲարեղմիւ, մինչև ՚ի սահման Գոաց, մինչև ցՔոզգ
» և ցՄազոզն, և այլ աշխարհք որ շուրջ զԿողմանք զայնորիւկ,
» յԱզգէկ կերպասագործէ՝ յաշակերտէ Թագեոսի առաքելոյ Գ), որ
» բժշկեաց զԱրզար Թագաւոր Աւրհայի ։

Ա) Այլ որ. « Եւ սահմանակալք Միջագետաց Հայք... հարաւ
և որ շուրջ զնովաւ ։

Բ) Այլ որ. « յԱզգէ առաքելոյ որ մի է յեթանասուն և եր-
կուցն ։

Գ) Օր. մի. « Պարզք և Մարք և Պարթեք և ամենայն Խուժա-
ստան, և ամենայն որ շուրջ զնովաւ, և Բարեղմին և զԻւրք, մինչև ՚ի
սահման Հնգկաց, և մինչև ցՔոզգ և Մազոզք. և այլ աշխարհն՝ որ
շուրջ զԿողմանքն, և ամենայն Ատրեստան, ՚ի սուրբ առաքելոցս
յայն՝ ՚ի Բարթողոմէոսէ և Թուդայէ և յԱզգէկ ։

1 Անգղիացին գնէ the whole state, անոյն շէնտի, և ՚ի ծանօթու-
թեան համարի վասն ուխտի եկեղեցւոյն տասցեալ: Եւ յեա այսր գո-
վտանական բանքն սուղ ինչ զանազանին ՚ի հայուն, և յերկուսն ևս
սուչութիւնս երեի ձեռն օտար, յեա ժամանակի գրեալ, յորում
Թերևս սարգեալ էր Թուլութեան ՚ի վարս հաւատացելոց:

բարոյիւք. և ընդ լծով ազահումթեան ոչ հնազանդին, և ընդ մեղադրութեամբ ոչ անկանելին. և ընդ երկիւղիւ ոչ փակելին. և ամենայն որ որ տեսանէր զնոսա՝ ընթանայր ընդ առաջ նոցա՝ զի հարցանիցէ զողջունէ: նոցա, սիրով սրբապէս. քանզի և տեսիլն նոցա խաղաղութիւն սփռէր 'ի վերայ տեսողաց. և իբրև զուսկան տարածեալ էին բանք ողջունի իւրեանց 'ի վերայ ապստամբողաց: Աւ իբրև մտանելին 'ի գաւիթս սրբութեան և ճշմարտութեան, զի ոչ որ էր որ տեսանէր զնոսա և խորչէր և զարչէր 'ի նոցանէ. քանզի ոչ ինչ անարժան և անպատեհ զործս զործէին. և վասն այսորիկ զուարթերեւք էին 'ի քարողութիւն վարդապետութեան իւրեանց առ ամենայն որ. զի զոր ինչ ասէին և ուսուցանելին և խրատելին զայլա՝ ինքեանք զործովք ցուցանելին յանձինս իւրեանց: Աւ լսողքն յորժամ տեսանելին թէ ըստ խօսից իւրեանց զործք իւրեանց էին, և զոր բանիւքն ասէին՝ զնոյն և արդեամբք կատարեն. ապա այնուհետև առանց աշխատութեան և առանց իրից պատճառանաց աշակերտելին նոցա մեծապէս հնազանդութեամբ, խոստովանելով 'ի Քրիստոս, և փառաւորելին զԱրտուած և գոհանային ցնծութեամբ, որ դարձոյց զնոսա՝ 'ի սնտոի մոլորութենէ՝ 'ի լուսաւորութիւն աւետարանին:

Աւ յետ անց ինչ մեռաւ Աբգար թագաւոր¹, և եկաց 'ի թագաւորութեան մի յորդոց իւրոց, այր չար և ապստամբող, լի ամենայն անօրէնութեամբ, որ ասէր զխաղաղութիւն և ոչ ընդունէր զվարդապետութիւն քարողութեան աւետարանին: Յզեաց առ Ադէկայիսկոպոս² մինչդեռ նստէր յեկեղեցւոյ և խօսէր

¹ Ըստ պատմութեան ազգիս ոչ յետ անց՝ այլ յետ անց ինչ հանդիպի մահ՝ Աբգարու, մինչ չև ընկալեալ զպատասխանի երկրորդ թղթոյն առ Տիրեւր. և զի կայսրս մեռաւ 'ի 16 մարտի 37 թուին Քրիստոսի, և Թագիկի մեկնեալ էր յԵգիպտոյ յայրիկի նախնութաց ամին, Աբգարու մահ՝ 'ի շահ գոյ յետ ամին 36: Այսմ վկայեն ամենայն ժամանակագիրք մեր, և 38 ամ ասեն զժամանակս թագաւորութեան նորա, սկսեալ յերկրորդ ամէ յառաջ քան զթուական Փրկչին: Ա. գետացոց ժամանակագրութիւնն ևս 37 ամ և ամիս մի ասէ զթագաւորութիւն նորա, այլ զսկիզբնն անագանէ, որով և զմահն համարի ըսալ 'ի 45 թուի Փրկչին:

² Յատորին չիք եպիսկոպոս կոչուիմ: Իսկ զպատմութիւնս զրեւութե բառ առ բառ զազափարե Խորենոցի (Բ, 17): Աեգրենոս և Պոր.

զգատգանս գրոց սրբոց յսկանջս ժողովրդեանն, և ասէ. Արա՛ ինձ խոյրս ոսկեղէնս զոր օրինակ առնէիր յառաջ Հօր խնոյ: Եւ ոչ առ յանձն Աղէ, առարեաց անդրէն և ասէ. Ոչ թողում էս զգաշտունս Քրիստոսի՝ որ աւանդեցաւ ինձ յաշակերտէն յԱղէէ առարեոց, և առնեմ խոյրս անիրաւութեան: Եւ իբրև ետես նա՝ եթէ ոչ հաւանի նա կատարել զկամս նորա, յղեաց և խորտակեաց զարունս նորա մինչդեռ նատէր յեկեղեցւոյ և թարգմանէր ՚ի մէջ ժողովրդեանն: Եւ ՚ի մեռանէն իւրում երդմնեցոց զՓլտա և զԱբշղամայ, եթէ ասաէն իսկ ՚ի տանս յայսմիկ ուր մեռանինս վասն Ճմարտութեանն սորա, զիք զիս և ասաէն թաղեցէք: Եւ որպէս երդմնեցոց զՓլտա և զԱբշղամայ, նոյնպէս արարին. թաղեցին զնա անդէն ՚ի ներքոց քան զմիջի դուռն եկեղեցւոյն՝ ՚ի միջի ընդ արս և ընդ կանայս: Եւ եղև սուգ մեծ և դառն յեկեղեցւոյն և յամենայն քաղաքն վասն իրացն եղելոյն. որպէս եղև սուգ և տրամութիւն յորժամ վախճանեցաւ բարիօք վկայութեամբ Աղէ առարեալ՝ վարդապետն նորա ՚ի ձեռաց ամպարչտաց, ՚ի կողմանս Արևելոց:

Եւ քանզի իբրև խորտակեցին զտոս նորա՝ վաղվազակի մեռաւ փութապէս, և ոչ ժամանեաց ձեռնադրել զՓլտա², ապա զնացեալ Փլտա յԱնտիոք և ըն-

փերծեն՝ համարին և զորդին Արզարու հօրն նման քաջաշաւառ, և զթուռն անշաւառ և հալածիչ քրիստոնէից. որ զանուն եկեթ հաւուն ունէր Արզար, և ըստ Եղեկացւոց ժամանակագրութեան թաղարեաց ՚ի 65 ամե իրելին ց՝86. յորում միջոցի պատշաճի նաշատակութիւնն Աղէի, ըստ սոցա. որում ՚ի զէպ գալ ասէ Քիւրթոն և զԻշատակարան ամենահին աւետարանի գրեւոյ ձեռամբ նորին իսկ Ազգէի յամի Տեառն 78, որպէս յիշէ Աստեմանի (յԱրևել. Մատենաց. Բ, 486): Բայց ըստ մերոց պատմւոց ոչ յեա բազում ինչ ամաց մահուան Արզարու եղեալ է նաշատակութիւն Ազգէի: Եւ զի Ազգէս կոչեն զսա Ասորիք՝ յիշել արժան է զի ՚ի վկայարանութիւնս Թաղէի առարեոց, ՚ի զպրութեան մերում՝ իշատակի Զաւարթոսն աշակերտ նորա, ձեռնադրեալ յեպիսկոպոսութիւն ՚ի Մեծ Հայս:

1 Յայս վայր Ասորին, և ոչ յաւելու զիերջին ասոց որ վասն նա. հատակութեան առարեոցն յարեւելս, ըստ մերոյս պատմութեան:

2 Բազում անգամ իշատակեալց և յաջորդ Ազգէի Փլտա անշաւազ փոթի ընդ երկրորդի ուրումն, որ թերևս զիւսանաբան Եղեկոց իցէ Բաւերթոս անուամբ յիշեալ Եղեկացւոց ժամանակագրէն, յամի Տեառն 207. և ասի ընդ գործակցի իւրում Բոզդիւնի պահեալ ՚ի զիւսանս քաղաքին զգործս և զհրովարտակա Արզարու թաղարի ժա-

Թագաւորեալ անդ ամն երեքտասան ¹ :

Որպէս էն աւուրք ² Թագաւորացն և Թագաւորու-
 Թեանն Աբգարու Թագաւորի և ամենայն Թագաւո-
 րաց . զի զամենայն ինչ զոր հրամայէն Թագաւորք , և
 զամենայն ինչ որ միանգամ լինի ³ առաջի նոցա , գրի
 և զնի ՚ի տունս յիշատակաց . այնպէս և յԱւոհայ բնւ
 զարի Ղբբուբնեա՝ որդի Անակայ , որդւոյ Աբգաշարա-
 գայ ⁴ գարի Թագաւորին , գրեաց զամենայն ինչ զոր
 միանգամ իրք եղեն Աղէի առաքելոյ , իսկզբանէ մինչև
 ցկատարած . միաբանութեամբ ձեռն արկանելով եւ
 Անանայ ⁵ հաստատրիմ ⁶ Թագաւորին . և եղին ՚ի տան
 յիշատակաց քարտիսից . ուր զնին մատենաբ և օրէնք
 արբունահանք . և որք զնեն և վաճառեն և գրին ՚ի մի-
 ջի նոցա մուրհակք հաստատութեան , անդ պահին
 հաստատութեամբ առանց արհամարհանաց :

Կատարեցաւ Թուղթ Աբգարու Թագաւորի և Վարդ-
 գայպետութիւն Աղէի առաքելոյ , ՚ի փառս Աստուծոյ :

¹ Տիրերիտ Թագաւորեաց ընդ բնու 23 ամ . բայց ստուգիւ 13 ամ
 միայն նստաւ ՚ի Հոսով , և 11 ՚ի Կարբէա : Յասորին պակաս անուն
 Տիբէշէոյ , վասն որոյ Գիւրջոյն յնոգվայր կարծիս լինի ՚ի Կաւղիտ
 սկնարկել :

² Սուրբ-Յիւն , ըստ Թարգմանութեան անգղիացւոյն , որ զիւրիմաց
 ևս է :


³ Խուշու լինի , ըստ ասորւոյն :

⁴ Որպէս և ՚ի յառաջարանիս ծանուցոյք Խորենացի ՚ի պատմու-
 Թեանն ասէ Վերսփոս որդի Աբգաշարոյ , իսկ աստ հայր նորա կոչի Անու
 ըստ հայունս և Անու ըստ Ասորւոյն , որ հաւանագոյն է . զի անունը
 այդ յիշատակի և այլուր յառաջագոյն . իսկ Աբգաշարք որ աստ Աբ-
 գաշարոյ ասի և հաւ փոխանակ հօր՝ յասորին գրի Վերսփոսոյն : Յա-
 նաւանս ասորիս ՚ի մեր կամ յոյլ լեզուս՝ բազում անգամ Ա և Ր
 տաք փոխադարձին . որպէս Սանասն և Սաբաթ որդի Աննեքերիմոյ ,
 և այլք . որով Սէնու և Շարոփ ըստ ընդգութեան ձայնաւոր տառիցն
 և Սի և Շի նոյն անուն լինի , և Աբգաշարագն ոչ այլ ինչ նշանակի՝
 բայց որդի Շարագոյ կամ Անակայ . և ըստ այսմ արգարանալ
 Թուի Խորենացի Աբգաշարագայ որդի ասելով (զոր Աբգաշար գրէ)
 զգպիրն :

⁵ Յորինակին Անու . Ասորին ունի Հանն հազագային հնչմամբ :

⁶ Այսպէս Թարգմանի լուրջ ասորի բնագրին , որ նշանակէ և զա-
 սկնագպիրս , որպէս այլուր յիշեցաք :

⁷ Ասորին այսպէս ունի գլխընդամուս . « Կատարեցաւ վարդապե-
 տութիւն Աղէի առաքելոյ , զոր քարոզեացն յԵգիպտոս ՚ի հաւա-
 տացեալ քաղաքին Աբգարու հաւատացեալ Թագաւորի » : Խորե-
 նացի վիպիկ , որպէս ծանուցաւ ՚ի յառաջարանիք , ոչ միայն զգործս
 Աբգարու այլ և զամենայն եղևարն առ որդւով նորա և զարարս Սա-
 նաթորիոյ՝ զրեալ Լարուբնեայ և եղևալ ՚ի զիւանս Եգիպտոս :



3 0. 1 6 1, 0 1 0. 0

Յ Ա Ի Ե Լ Ո Ւ Ա Ն

Ա.

Պատմութիւն վասն քաղաւորիկ Ռերնայի .

Պատմութիւն որ եղև վասն Թագէտի ըստ այնմ օրինակի էր : Ի ժամանակի մինչդեռ քարոզէր առ առաւծաբաշտութիւն փրկչին մերոյ և տեառն Յիսուսի Քրիստոսի առ ամենայն մարդիկ, վասն սքանչելի զօրութեանցն զոր գործեաց նա . բայց բիւրք և հազարք յաշխարհաց անտի որ հեռի էին յերկրէ անտէ Հրէաստանի, որ ունէին զազգի ազգի ցառս հիւանդութեան ակտից, վասն յուսոյ բժշկութեան գային առ նա, և Աբղար արքայ հեթանոսաց որ յարևելից կողմանէ Ափրատու՝ անուանէր քաջութեամբ, ասականեցաւ մարմին նորա շարաշար ցառովք՝ որ ՚ի մարդկանէ չիք նորա բժշկութիւն : Աւ իբրև լուսս և ուսու զանունն Յիսուսի, և վասն զօրութեանցն զոր գործէր նա, և առհասարակ ամենայն մարդ վկայէր վասն նորա . ետ տանել առ նմա թուղթ աղօթից ՚ի ձեռն ծառայից իւրոց, և աղաչէր զայ և բժշկել զնա ՚ի հիւանդութենէ իւրմէ : Իսկ Փրկչին մեր յայնմ ժամանակի յորում կուեաց զնա, ոչ էառ յանձն զնալ, բայց թրղթոյ արժանի արար զնա . և խոստացաւ առարել զմի որ յաշակերտաց իւրոց բժշկել զհիւանդութիւն նորա, և տալ նմա կեանս և ամենայն մերձակայից նորա . այլ ոչ յամեաց կատարել զխոստումն իւր : Բայց իբրև յա-

րեաւ 'ի մեռեալաց, և վերայս ընդ երկինս, Թովմաս առաքեալ մի յերկատասանից անախ՝ զԹագէոս՝ այն որ 'ի Համարոց Եօթանասուն աշակերտայն Քրիստոսի էր, իբրև 'ի զօրութենէ Աստուծոյ առաքեաց զնա յԱւրհայ լինել քարոզ և աւետարանիչ Քրիստոսի վարդապետութեան: Աւ խոստումն Քրիստոսի 'ի ձեռն նորա լցեալ կատարեցաւ: Ունիա դու քեզ գրով վկայութիւն սոցա, որ առեալ լինին 'ի մատենէ անախ յիշատակաց որ են յԱւրհա քաղաքի. զի յայնմ ժամանակի ցոյն վայր կայր արքայութիւն նորա անդ 'ի քարտէսս որ կային անդ. զի էր գրեալ 'ի նոսա ամենայն ինչ որ միանգամ գործեցաւ յառաջաց անախ մինչև յԱրգար. նա և սորա մինչև ցոյսօր ժամանակի սահեալ գտանին անդ: Բայց չիք ինչ արգել ըսել զնոյն թուղթս զոր առեալ է մեր 'ի տանէ անախ գիւսնին. որ ունին օրինակ զայս բանից որ մեկնեալ են յասորոց լեզուէ 'ի յոյն անդր:

Պատճէն հրովարտակին որ գրեալ է յԱրգար յարցոյէ առ Յիսուս, և առաքեաց նմա 'ի ձեռն Ամանիաց սուրհանդակի Աբուսաղէմ: Աւ էր գրեալ հրովարտակն օրինակ զայս:

Արգար Արջնայ իշխան աշխարհի առ Յիսուս Փրկիչ և բարերար որ երևեցաւ յաշխարհի Աբուսաղէմացոց, ողջոյն: Եւ առեալ է մեր վասն քո, և վասն բժշկութեանդ որ լինի 'ի ձեռս քո առանց գեղոց և արմատոց. զի որպէս սախ տաս դու կուրաց տեսանել, և կազաց գնալ, զբարոսս սրբես և զայս պիղծս և զգևս հանես, և որ միանգամ չարչարեալ են ընդերկար հիւանդութեամբք՝ բժշկես դու, և զմեռեալս յարուցանես: Աւ իբրև լուայ վասն քո զայս ամենայն՝ եղի 'ի մախ խմում մի յերկուց. կամ թէ դու Աստուած իցես իջեալ յերկնից և գործես զայդ, և կամ թէ որդի Աստուծոյ իցես և զայդ առնես. արդ վասն այսօրիկ գրեցի ես աղաչել զքեզ զի աշխատ լիցիս և եկեացես առ իս, և բժշկեսցես զհիւանդութիւնս զոր ունիմ ես: Ասև լուայ զի Հրեայք արանջեն զքէն և կամին չարչարել զքեզ. բայց քաղաք մի փոքրիկ և գեղեցիկ է իմ, և բաւական է մեզ երկոցունցս:

Պատասխանի հրովարտակին զոր ինչ գրեցաւ յԱ-

բուսաղէմէ 'ի ձեռն Անանիայ սուրհանդակի առ Աբգար իշխանն աշխարհի.

Արամի իցէ այնմիկ որ հաւատաց յիս՝ իբրև ոչ իցէ տեսեալ զիս, զի գրեալ է վասն իմ այսպէս. զի որք տեսանիցեն զիս ոչ հաւատասցեն յիս, և որք ոչն տեսանիցեն զիս, նորա հաւատասցեն և կեցցեն: Իսկ վասն այսր զի գրեցեր դու առ իս գալ ինձ առ քեզ, արժան է ինձ կատարել աստ զամենայն ինչ վասն որոյ առաքեցայ ես. և իբրև կատարեցից զայս՝ սարս վերացայց առ այն որ առաքեացն զիս: Աւ յորժամ վերացայց առաքելցից քեզ մի յաշակերտաց աստի խնց, զի զցառս քո բժշկեացէ և կեանա տացէ քեզ, և որ միանգամ ընդ քեզ են: Բայց ընդ նոյն թուղթ, զի սորա ևս մեր ձուոր են 'ի լեզու ասորի: Ան վերանալոյն Ահուսի առաքեաց Յուդա թուլմնա զԹագէտս առաքեալ մի յեռ թանտանից անախ, և իբրև եկն լուծառ նա առ Տուբիա, որդւոյ Տուբիագայ. և իբրև լու եղև վասն նորա պատմեցին Աբգարու և ասեն. Աթէ եկն առաքեալն Ահուսի այսր որպէս և յղեաց առ քեզ: Ահառ այնուհետև ինքն Թագէտս բժշկել զամենայն ցառս և զՏիւանդութիւնս զօրութեամբն Աստուծոյ, որպէս զի ամենայն մարդ զարմացեալ լինէր: Իսկ իբրև լու առ Աբգար զմեծամեծ սքանչելիսն զոր ասնէր և բժշկէր նա. էած զմտառ եթէ նա իցէ նա, վասն որոյ առաքեաց նա առ Ահուսս և ասէ ցնա, յորժամ վերացայց առաքելցից առ քեզ մի յաշակերտաց խնց, զի նա բրժբշկեացէ զցառս քո: Աւ յղեաց կոչեաց զՏուբիա առ որում իջեալն էր նա, և ասէ ցնա. Իուայ ես եթէ այր մի զօրութեանց եկն եմուտ լուծառ 'ի տան քում: արդ ածցես դու զնա առ իս: Իբրև եկն Տուբիա առ Թագէտս ասէ ցնա. Աբգար արքայ յղեաց կոչեաց և ասէ ցիս տանել զքեզ առ նա զի բժշկեացես դու զնա: Աւ ինքն Թագէտս ասէ. Աս երթայց, քանզի առ նա առաքեալ եմ ես զօրութեամբ, կանխեաց այնուհետև և Տուբիա 'ի վաղիւ անդր և էառ զԹագէտս, և չոգառ առ Աբգար: Իսկ իբրև ելին զիպէցան զի կային անդ իշխանքն նորա: Աոյն ժամայն մինչդեռ մտանէր նա, տեսիլ մեծ երևեցառ Աբգարու յերեսն Թագէտոսի առաքելոյ. և յորժամ ետես Աբգար զԹագէտս անկառ

և երկիր եպագ նմա. և զարմացան ամենեքեան որ միանգամ կային անդ, զի նորա ոչ ական զայն տեսիլ, այն որ միայն Աբգարու երևեցաւ: Եւ նա հարցանէր զԹագէտս եթէ արդարև ճշմարտիւ աշակերտ իցես դու: Յիսուսի որդւոյ Աստուծոյ, այն որ ասացն ցիս եթէ առաքեմ առ քեզ զմի յաշակերտաց իմոց, զի նա բժշկեացէ զքեզ և տացէ քեզ կեանս: Եւ Թագէտս պատասխանի ետ նմա և ասէ. Քանզի մեծապէս հաւատացեր դու այնմ որ առաքեացն զիս, վասն այսորիկ առաքեցայ ես առ քեզ. և դարձեալ եթէ հաւատասցես դու ՚ի նա տացին քեզ խնդրուածք սրտի քո: Ասէ ցնա Աբգար. զի այսպէս ասէ՝ հաւատացի ՚ի նա, զի և զճրէպոյն որ ՚ի խաչ հանին զնա՝ կամեցայ ես զօրս առնուլ և զալ կոտորել զնոսա, եթէ ոչ էր իմ արդէլեալ վասն թագաւորութեան Հռովմացեցոց: Ասէ ցնա Թագէտս. Տէր մեր զկանն Հօր իւրոյ կատարեաց, և իբրև կատարեաց վերացաւ նա առ հայր իւր: Ասէ Աբգար և ետ հաւատացի ՚ի նա և ՚ի հայրն նորա: Ասէ Թագէտս վասն այսորիկ զնեմ՝ ետ ՚ի վերայ քո զձեռն իմ յանուն նորա: Եւ իբրև արար նա զայս՝ նոյն ժամայն բժշկեցաւ նա ՚ի հիւանդութենէ իւրմէ և ՚ի ցաւոց անախ զոր ունէր նա: Եւ զարմացեալ էր Աբգար զի որպէս լուեալ էր նորա վասն Յիսուսի, զնոյն օրինակ ետես արդեամբք ՚ի ձեռն Թագէտսի աշակերտի նորա, զի առանց դեղոց և արմատոց բժշկեաց զնա. բայց ոչ զնա միայն, այլ և զԱբգու զորդի Աբղեայ, զի էր պոտազրոս. զի և նա եմուտ և անկաւ առ ոտս նորա: Եւ իբրև եկաց յաղօթս ՚ի վերայ նորա, բժշկեցաւ նա: Եւ զայլս բազումս զբաղաբացիս նոցա բժշկեաց նա. և առնէր զսքանչելիս մեծամեծս, և քաբողէր զբանն Աստուծոյ: Յետ այսորիկ ասէ ցնա Աբգար. Դու Թագէտս զօրութեամբ Աստուծոյ զայս առնես և մեք զարմացեալ եմք ընդ այս. այլ հանդերձ այսու ամենայնիւ աղաչեմք զքեզ, զի պատմեցես դու վասն գարտեանն Քրիստոսի թէ որպէս եղև, և վասն զօրութեան նորա, և թէ որով զօրութեամբ զայս զոր լուայ ես՝ գործէր նա: Ասէ ցնա Թագէտս. Այժմ լուս լինիմ. այլ քանզի քարոզել զբանն Աստուծոյ առաքեցայ ես, առ վաղիւ ժողովեա ինձ զամենայն մարդիկ

քաղաքի քո, և առաջի նոցա քարոզեմ և սերմանեմ 'ի նոսա զբանն կենաց. և վասն գալառեանն Յիսուսի թէ որպէս եղև, վասն առաքելութեան նորա, և վասն որոյ առաքեցաւ նա 'ի հօրէ իւրմէ, և վասն զօրութեան նորա և զործոց իւրոց, և վասն խորհրդոցն զոր խորհեցաւ նա յաշխարհի, և որով զօրութեամբ զայս զործէր նա, և վասն քարոզութեան նորա. և վասն փոքրկութեան և խոնարհութեան նորա, եթէ որպէս խոնարհեցաւ և ամիսփեաց և փոքրկացոյց զանձն իւր, և խաչեցաւ և էջ 'ի դժոխս, և քակեաց զկրճինն որ յախտենից չէր քակեալ, և յարոյց զմեռեալս, և էջ միայն և վերացաւ բազում ժողովրդովք առ հայր իւր: Հրամայեաց այնուհետև Աբգար եթէ վաղիւ ընդ առաւօսն ժողովեացին ամենայն մարդիկ քաղաքի իւրոց, և լուիցեն զքարոզութիւն Թադէոսի: Եւ յետ այսորիկ հրամայեաց նա տալ նմա ոսկի և արծաթ. բայց նա ոչ էառ և ասէ. Զմեզն թողաք, զայլոց զիմորդ առցուք:

Յամին երեք հարիւրորդի, քառասներորդի եղև այս: Բայց զի ոչ տարապարտուց ելին սոքա ամենայն պատգամբ յատորոց անախի 'ի յոյն, այս է, 'ի ժամանակի իւրեանց եղան աստ:

Եւսերեաց եկեղեց. Պատմ. Գիրք Ա. գլ. ԺԳ:

Երև որպէս Տիբերիոս իբրև ոչսառ ՚ի Պիղատոս
վասն Գրիստոսի և խռովեցաւ .

Այլ ՚ի Ժամանակի իբրև անուանեալ լինէր և քա-
լողեալ լինէր բազմաց սքանչելի յարութիւն փրկչին
մերոյ ՚ի մեռելոց, և վերանալ նորա ընդ երկինս,
բառ առաջին սովորութեան զոր ունէին իշխանքն հե-
թանոսաց, զի զամենայն ինչ զոր նոր գործեացի, եղի-
ցին ցուցանել նոքա այնմիկ՝ որ ունիցի զիշխանութիւն
Թագաւորութեան, զի ինչ մի յայտցանէ որ գործիցի՝
ոչ ծածկեցի ՚ի նմանէն .

Անուանեալ իսկ լինէր ընդ ամենայն Պաղեստին
յարութիւն Փրկչին մերոյ որ եղև ՚ի մեռելոց: Պիղա-
տոս այնուհետև Տիբերեաց արքայի եցոյց վասն նշա-
նացն Տեառն մերոյ, և զի յետ յարութեանն ՚ի մեռե-
լոց՝ հաւատարիմ՝ եղև բազմաց եթէ Արտուած է:
Իսկ ինքն Տիբերիոս սինկղիստոսին մատոյց զայս բան .
Իսկ ինքն սինկղիստոսն իբրև լուա զբանսն արհամար-
հեաց, զի ոչ քննեցաւ նա նախ ՚ի նմանէ բառ առա-
ջին սովորութեանն որ էր. զի ՚ի մէջ Հռոմոց ոչ լինէր
Արտուած, բայց եթէ ՚ի խորհրդէնէ և ՚ի հրամանէ
սինկղիստոսին: Բայց կարծելով կարծեալ էր եթէ վասն
այս իսկ չճմարտիւ, վասն զի չէր պարտ և պատշաճ
եթէ իրաւամբք և խորհրդով մարդկան հաստատե-
ցի կենդանի վարդապետութիւն Արտուծոյ. այլ իբրև
մերժեաց զբանն որ մատուցաւ Ժողովոյն խորհրդեանն
Հռոմայեցւոց վասն փրկչին մերոյ, ինքն Տիբերիոս ե-
կաց մնաց յառաջին խորհուրդն զոր ունէր, և տգեղ
իրս ինչ վասն վարդապետութեան Քրիստոսի ոչ խոր-
հէր նա: Զայս ինչ սասց Տերտղիանոս, այր որ սպառ-
սպուռ տեղեակ էր օրինաց Հռոմոց, որ և այլովք
իրօք սքանչելի էր, և ՚ի նշանաւոր և ՚ի սքանչելի մարդ-
կանէ անտի որ էին ՚ի Հռովմ՝ քաղաքի էր նա. զպա-

տասխանին զոր արար նա փոխանակ քրիստոնէից հոռ մարէն, և մեկնեցաւ յունարէն, եղ նա ՚ի բանս իւր ՚ի պատմեւն իւրում այսպէս. Աղէ մեք առաքեացուք ասէ և ՚ի բնութենէ վասն այսց օրինաց. օրէնս հինս ունիք դուք, եթէ Աստուած ՚ի հրամանէ թագաւորի միայնոյ մի հաստատեացի, մինչև փորձեալ քննեացի նա ՚ի սինկղիստսէ: Մարկոս Ամեղոս այսպէս արար վասն պատկերի միոյ զՆորոնոս. այս փոխանակ ընդ մեր եղև, զի առ ձեզ ՚ի քննութենէ մարդկան լուեալ լինի առ տուածութիւն: Եւ արդ այսուհետև թէ ոչ լինի հաճոյ Աստուածն մարդոյն, Աստուած լինել նա ոչ կարէ. և իբրև յայսմանէ մարդոյն արժան է քաւել զԱստուածն: Արդ Տիրերիոս որ յաւուրս նորա եմուտ յաշխարհ անունն քրիստոնէից, իբրև ցուցին նմա յաշխարհէ անտի Պաղեստինացւոց ուտտի սկիզբն եղև զառաջին այսր վարդապետութեան, և նա եցոյց սինկղիտոսին, զիտաց իսկ եթէ հաճոյ եղև նմա այս վարդապետութիւն: Իսկ սինկղիտոսն, վասն զի ինքն ոչ քննեաց յառաջագոյն զիրս զայս՝ արհամարհեաց զնովա: Իսկ նա եկաց մնաց ՚ի հրամանի իւրում, և սպանումն մահու սպառնացաւ նա ամենայնի որ չարախոս կացցեն զքրիստոնէից. և այն ՚ի փութոյ անտի երկնաւոր տեսութենէն եղև ՚ի սիրտս նորա, զի ցայն ժամ բակիղբն էր աւետարանին. զի անխափան և անարդել ընդ ամենայն երկիր ընթացցի վարդապետութիւնն բանին:

Եւսերեայ եկեղեց. Պատմ. Գիրք Բ. գլ. Բ:

Սրբոյ առաքելոյն թաղեոսի պատմութիւն յաղագս
առաջին գիշտի սուրբ խաչին որ յառուրս Յակոբ-
բոշ առաքելոյն 'ի ձեռն քաղուհւոյն Պատրոնիկեայ,
որ էր կին կղաւղեայ կայսեր Հռովմայ:

Եւ արդ պատմեցից ձեզ վասն սուրբ խաչին՝ որ 'ի
ձեռն հաւատացեաց՝ որ իբրև զձեզզ կին՝ էրւեցաւ
զքանչելի զօրութեամբ սուրբ խաչն Քրիստոսի: Աին
ոմն Պատրոնիկէ անուն, Աղաւղիայ կայսր կին, որ էր-
կրորդ էր 'ի Հռոմ՝ Աղաւղիոս յետ Տիբերայ կայսեր.
և եղև երթալ Աղաւղէի կայսեր 'ի պատերազմ 'ի
Սպանիայ, որք աստտանբեցան 'ի նմանէ: Ընդ ժամա-
նակս ընդ այնոսիկ էր Պետրոս 'ի Հռոմ քաղաքի, որ
էր գլուխ աշակերտացն Քրիստոսի. տեսեալ կնոջն
Պատրոնիկէ զնշանսն և զքանչելիսն և զօրութիւնսն՝
զոր առնէր յանուն Յիսուսի Պետրոս, զարմանայր և
հաւատայր յԱստուած և արհամարհէր զկուռսն և
զնստի պաշտամունսն՝ որոց երկիր պազանէր. և հա-
ւատաց յԱստուած հայր մեր և 'ի տէր մեր Յիսուս
Քրիստոս և 'ի Հոգին սուրբ. և ընդունէր մկրտութիւն
և փառաւորէր զԱստուած ընդ քրիստոնեայնս. և պա-
տուէր և մեծարէր զսուրբ առաքեալն Պետրոս, և յօ-
ժարութեամբ ըէր նմա:

Եւ յետ այսորիկ կամեցաւ երթալ յԱրուսաղէմ և
տեսանել զտեղիսն զայնոսիկ՝ յորս շրջեցաւ Քրիստոս,
և արար անդ զօրութիւնս: Եւ փութապէս գնաց 'ի
Հռովմայ և եկն յԱրուսաղէմ, ինքն և երեք որդիք իւր
և երկու զստերք. և մինն էր կոյս. այլ ևս բազմու-
թիւն ընդ իւր, որպէս թաղուհւոյ մեծափառու-
թեամբ եկեալ: Եւ 'ի մտանել նորա յԱրուսաղէմ ե-
լին ընդ առաջ նորա ամենայն քաղաքն և ընկալան զնա
մեծաւ պատուով որպէս զգլխոյ և զաիկին Հռոմէա-

ցոյ աշխարհին: Աւ Գաղտնու էր առաջնորդ եկեղեցւոյն Արուսազէմի. իբրև լուսա զԹագուհւոյն Թէքրիստոսական հաստատոյն է՝ եկն առ Թագուհին, որ էր յապարանան Հերովդէի: Իբրև ետես կինն զՅակովբոս՝ ուրախ եղև. և ընկալա զնա մեծաւ սրատուով որպէս զՊետրոսն. և սրատուաց զօրութիւնն և զբռժըշկութիւնն Վրիստոսի Գաղովբոս՝ տիկնոջն. զտեղինն՝ զոր յայտնեաց զքանչելին Վրիստոս որդին Արուսուծոյ: Աւ ասէ զշտոյն ցՅակովբոս. ցոյց ինձ զՊողոթութայն ուր խաչեցան Վրիստոս ՚ի Հրէիցն, և զխաչափայտն զորմէ կախեցաւ Վրիստոս, և զգերեզմանն նորա: Ասէ նա Գաղովբոս. այդ ոչ է ընդ մեր իշխանութեամբ, այլ Հրէայքն իշխեն, և ոչ տան երթալ ՚ի Պողոթութայն և յարութիւնն, և ոչ զխաչն ցուցանեն մեզ. այլ և հալածեն զմեզ, և ՚ի բանդ և ՚ի կասանս արկանեն և ՚ի նեղութիւնս բազումս կեղեն ըզմեզ. զի մի քարոզեսցուք զաւետարանն փրկութեան յանուն Վրիստոսի որով փրկեցան տիեզերք: Իբրև լուսա զայս Թագուհին հրամայեաց կոչել զգլխաւորս Հրէիցն, զքահանայս և զհրամանատարս, զՅոնիայ որդի Անանիայ և զՊողոթիա որդի Ասայափայ, և զՅուդա որդի Արդատողմայ. և ածեն զնոսա. ասէ ցնոսա տիկինն. Տուք ՚ի ձեռս Գաղովբայ և ընկերաց իւրոց զՊողոթութայն և զգերեզմանն, և զխաչափայտն Վրիստոսի. և մի որ իշխեսցէ արգելալ զգոսա ըստ սաչտամանն իւրեանց սպասաւորել տեղեացն սրբութեան: Աւ զայս ասացեալ ցնոսա՝ յարուցեալ ինքնին և որդիք իւր և զստերք իւր և որք ընդ նմայն էին տեսանել զտեղին սրբութեան. և յանձն առնել Գաղովբայ և որք նորայն էին: Աւ եկն եմուտ ՚ի գերեզմանն հանգերձ ուստերօք և զստերօք իւրովք: Աւ եզխտ երիս խաչս և ոչ գիտէր որ էր Վրիստոսին. ՚ի նոյն ժամն անկաւ կոյս դուստրն իւր և եհան զորդին առանց սրատնաւ իրիք: Իբրև ետես զշտոյն եթէ մեռաւ դուստրն իւր յանկարծակի առանց վնասու, ամբարձեալ զաչս իւր և ծունր կրկնեալ կայր յաղօթս առ Տէր և ասէր. Վրիստոս Աստուած, որ ետուր զանձն քո ՚ի մահ փոխանակ ամենայն արարածոց, և ելեր ՚ի խաչ ՚ի տեղ ոջն յայտսիկ վասն փրկութեան ամենայն մարդ-

կան. և մեռար և եղար 'ի գերեզմանիս այսմիկ, զի կեցուցես զամենեսեան որք իցեն 'ի գերեզմանս. և յարեար որպէս զԱստուած կենդանարար ամի, և յարութեամբք քո յարուցեր զբազումս ընդ քեզ. և արդ Տէր Աստուած ամենայնի, լուիցեն հեթանոսք և Հրեայք խաչահանութ, և ոտնհար լինիցին ամենեքեան նոքա ինձ. և հեթանոսք մնորեալք կուցն պաշտօնեայք, և երկրպագութիւնք դրօշելոցն՝ յորոց դարձայ ես յաստուածգիտութիւն, այժմ՝ ուրախացին այսն անելոյ զիս, և ասացեն. այս եղև նմա յազագս թողլոյ սորա զաստուածսն և խոստովանելոյ զՔրիստոս՝ զոր ոչ գիտէր. և երթեալ պատուել զտեղի խաչելութեանն և զգերեզմանն որպէս Աստուծոյ, Աղաչեմ զքեզ Քրիստոս փրկիչ աշխարհի, լուր պաղատանաց աղախնոյ քո վասն փառաւորեալ անուանդ քո սրբոյ. մի արդելուր զչնորհս բարերարութեանդ վասն անարժանութեանս ինոյ, որ փոխանակ արարչիդ պաշտեցի զարարածս. այլ վասն փառաց անուանդ քո ցոյց զբաքանելիս այժմ, և արա առ մեզ զնշանդ քո բարի, զի մի հայհոյեցցի անուանդ քո սուրբ 'ի թշնամեաց խաչի քո: Քրիստոս փրկիչ իմ, մի անտես առներ զյուսացեալքս և զապաւինեալքս 'ի քեզ:

Եւ բազում հառաչանօք և արտասուօք գոչէր առ Տէր, զի արացեց յոյելութիւն որպէս զԱստուած: Մատուցեալ առ գշտոյն երեց որդին իւր ասէ. Լուր ինձ մայր իմ զոր ասեմս. ինձ այսպէս թուի 'ի խորհուրդս իմ թէ մահս որ յանկարծահաս եղև քեռս ինոյ, ոչ եթէ ընդունայն ինչ եղև մահդ, այլ նորաբանչ և հրաշարի զարմանս զմտաւ ածցես. զի փառաւորեցցի մեծ անուան Քրիստոսի, և ոչ եթէ հայհոյեցցի վասն մահու սորա, որպէս կարծեն չարքն: Ահաւասիկ մտաք 'ի գերեզմանս և երիս խաչս տեսաք, և ոչ է յայտ եթէ որ է Քրիստոսին՝ յորոյ վերայ խաչեցան և եհեզ ըզսուրբ արիւն իւր, և որ աւազակայն են որ ընդ Քրիստոսի խաչեցան 'ի Հրէից. արդ այժմ՝ մահուամբ քեռս ինոյ յայտնի զօրութիւն սուրբ խաչին՝ յորում խաչեցաւ Քրիստոս Աստուած. քանզի ոչ անփոյթ առնէ Քրիստոս վասն այնոցիկ որք հաւատան 'ինս և ինդրեն զողորմութեան չնորհն: Յայնժամ թագուհին ընկա-

լաւ զասացեալսն յորդոցն իւրոյ . և հաւատաց եթէ
 'ի վերին շնորհացն ազգեցաւ նմա . և փոքր ինչ սթա-
 փեցաւ 'ի դառն սգոյն . և մատուցեալ առ զմի 'ի խա-
 չափայտիցն և եղ . 'ի վերայ մեռելոյ դասերն իւրոյ . և
 կացեալ յաղօթս առ Տէր և ասէ . Քրիստոս Փրկիչ աշ-
 խարհի , որ ցուցեր զգորութիւնս և սքանչելիս մեծա-
 մեծս 'ի տեղւոջ յայսմիկ , որպէս լուաք և հաւատա-
 տացաք 'ի քեզ . Յիսուս Փրկիչ և կեցուցիչ , եթէ քո
 է խաչս այս և 'ի սմա բեւեռեցար և տարածեցեր ըզ-
 ձեռս զամենազօր , յայտնեա զգորութիւն մեծութեան
 աստուածութեանդ . քո , որ առեր մարմին 'ի սուրբ կու-
 սէն Մարիամայ , և եղեր մարդ և չարչարեցար , և խա-
 չեցար և եղար 'ի գերեզմանս յայսմ և յերրորդ յա-
 լուր յարեար , և յարութիւն սարգեւեցեր ազգի մարդ-
 կան , և այժմ կենդանացի դուստրս իմ յանուն քո
 խաչիդ . և փառաւորեսցիս Տէր 'ի դառնալ ոգւոյս սո-
 րա առ սա : Եւ ամաչեսցեն Հրեայք խաչահանունք և
 հեթանոսք խաւարեալք 'ի ճշմարիտ լուսոյդ և հաւա-
 տացեալք օրհնեսցեն զքեզ Քրիստոս Աստուած որ ես
 Տէր երկնի և երկրի :

Եւ ասացեալ զաղօթս զայս , լուռ լինելի իբրև ժամ
 մի . և ոչ ինչ երևելի զգորութիւն խաչին . և 'ի բաց ա-
 ուեալ՝ դնելի զմիւսն , և դարձեալ կայր յաղօթս ար-
 տասուօք և հառաչանօք , և ասէր զայս . Տէր Աստուած ,
 որ յակնարկելիք քո արարան արարածք ամենայն երևե-
 լիք և աներևոյթք , և հրամանով քով հաստատեալ
 կան եղեալքս առ 'ի քէն . Աստուած և արարիչ յա-
 լիտենսական , որ եկիր 'ի փրկել զտիեզերս ամենայն՝
 կամաւոր խաչելու թեամբ քո , և կամիս զկեանս ամե-
 նայն մարդոյ՝ զի կեցցեն և 'ի դիտութիւն ճշմարտու-
 թեան եկեսցեն , զի դու ես մարդասէր փրկիչ . Քրիս-
 տոս յոյս հաւատացելոց , եթէ քո է խաչս՝ յորոյ վե-
 րայ հեղէր զուրբ զարխնդ քո , յայտնեա զգորու-
 թիւնդ քո և կենդանացո զդուստր իմ որ բազում
 մեռելոց յարութիւն սարգեւեցեր քոյոց հաւատացե-
 լոց , վասն անուանդ քո սրբոյ . և լիցի ուրախութիւն
 հաւատացելոց 'ի ձեռն երեման սքանչելեաց քո . և
 նկուն լիցին ասելիք ճշմարտութեանն Հրեայք և հե-
 թանոսք որք ոչ հաւատացին զարտեան քո և կամա-

ւոր շարչարանաց, և 'ի վերայ մեծամեծ սքանչելեաց քոյ զոր սովոր ես առնել, և այժմ' երևեցիր դատերս իմոյ, և մեք արժանաւոր լիցուք փառաւորել զքեզ Քրիստոս Յիսուս, ամենայն հաւատացելոց յոյս և ապաւէն և օգնական. և ճշմարտեալք սիրով ընդ ամենայն հաւատացեալս հանցուք օրհնութիւն քում ամենազօր տէրութեանդ :

Եւ ստացեալ նորա զայս լուս եղեալ իբրև ժամն երկուս, ոչ ինչ ցուցանէր խաչն զգօրութիւն սքանչելեացն որպէս յուսայր թագուհին 'ի Տէր: Եւ յետ այսր ամենայնի 'ի բաց առեալ և զայն ևս խաչ 'ի դատերէ իւրմէ, և առեալ զերրորդ խաչն դնէր 'ի վերայ նորա, և մինչդեռ կամէր համբառնալ զձեռս իւր և հայել 'ի բարձունս և բանալ զբերան իւր յաղօթս առ Արտուած որդւովք իւրովք, նոյն ժամայն 'ի մերձեալ խաչին իսկ և իսկ 'ի դիակն, յական թօթափել յանկարծակի դուստր նորա յարեաւ 'ի մեռելոց, և յարուցեալ փառաւորէր և օրհնէր զԱրտուած, որով խուչիւն իւրով սրբով կեցոյց զնա: Իբրև ետես տիկինն եթէ 'ի զօրութեանէ խաչին վաղվազակի յարեաւ դուստր նորա 'ի մեռելոց, զարհուրեալ հիացաւ յոյժ, և անկեալ 'ի վերայ երեսաց իւրոց երկիր սրագանէր, և համբուրէր զսուրբ խաչն Քրիստոսի, և գոհանայր 'ի վերայ անսպասում սքանչելեացն զոր եցոյց Տէր 'ի ձեռն զօրութեան իւրոյ սուրբ խաչին. և փառաւորէր որդւովքն իւրովք և դատերովքն զՏէր ամենակալ: Եւ առաւել ևս հաստատելին 'ի հաւատան որ 'ի Քրիստոս Յիսուս և 'ի սուրբ խաչ նորին, թէ արդարև Քրիստոս է որդի Արտուծոյ, և այս խաչ է նորա, որ և կենագործէ զհաւատացեալս իւր նովաւ. և ապաւէն և օգնական և սրահայան հաւատացելոց, և յաղթութեանն շանակ ընդդէմ' երևելի և աներևոյթ թշնամոյն, որք հակառակին ճշմարտութեան աւանդից որ 'ի Քրիստոս Յիսուս: Ասէ ցթագուհին որդին իւր, թէ այսպէս չէր լեալ ոչ էր յայանեալ զօրութիւն սուրբ խաչին Քրիստոսի, և ոչնչութիւն աւազակաց խաչին: Ահա այսուհետև սուրբ խաչն Քրիստոսի մեծացի, և մեք ուրախացուք 'ի սքանչելի զօրութիւն նորա, և Քրիստոս Արտուած փառաւորեսցի սովաւ այժմ' և յախտեանս:

Եւ եա զհասն Քրիստոսի 'ի Յակովբոս զի զգուշու-
 թեամբ սրատուեացի. և Տրամնայեաց շինել եկեղեցի 'ի
 Վողգոթմայ ուր խաչեցան Քրիստոս, և 'ի դերեզմա-
 նին ուր թաղեցան. և զամենայն սուրբ տեղիսն պա-
 տուեացեն շինուածովք, զի լինիցին ժողովրդանոցք
 պաշտամանն, որ օրհնի Քրիստոս 'ի սուէ և 'ի գիշե-
 րի: Եւ տեսեալ զշխոյին զամենայն քաղաքն ժողովեալ
 'ի տեսիլ մեծի սքանչելեացն, Տրամնայեաց դատերն
 իւրոյ՝ յորոյ վերայ զօրութիւն սուրբ խաչին ցուցաւ,
 զի սուանց սրողելոյ երեւեցի ժողովոյն՝ որ կամէին տե-
 սանել, որպէս զի տեսեալ զնա փառաւորեացեն զԱր-
 տուած 'ի վերայ անպատում սքանչելեացն որ 'ի նմա
 եցոյց 'ի ձեռն սուրբ խաչին. զի հաւատացեալք ուրախ
 լինիցին, և թշնամիք խաչին և ատելիք խաչին Քրիստո-
 սին յամօթ լինիցին: Բայց ժողովք Հրեից և հեթա-
 նոսաց ուրացողաց յոյժ տրամեցան ընդ Տրաշազ օրծու-
 թիւնն որ եղեն 'ի զալատեան հաւատացեալ զշխոյին.
 զի տեսանէին զբազումն որ հաւատային 'ի Տէր, և
 համբաւ նշանացն յամենայն տեղիս պատմէր և մեծա-
 նայր անուն Տեառն, և փառաւոր լինէր 'ի վերայ զար-
 մանադ օրծութեանցն: Եւ եղև խաղաղութիւն մեծ
 ամենայն եկեղեցոյն յերուսաղէմ, և 'ի քաղաքն որ
 շուրջ զնովսաւ են. և լուեալ զայս ամենեցուն տային
 օրհնութիւն Աստուծոյ:

Եւ յեա այսր ամենայնի ել զշխոյն յերուսաղէմի
 իւրովն ամենեքումք զի երթիցէ 'ի Հոռովմ. և ուր հա-
 սանէր 'ի քաղաքն ամենեքին (գային) 'ի տեսութիւն
 դատերն իւրոյ յարուցելոյ 'ի մեռելոց, և ուսանէին
 զսքանչելեացն երեւումն 'ի ձեռն սուրբ խաչին Քրի-
 ստոսի Աստուծոյ: Եւ եմուտ 'ի Հոռովմ զշխոյն և պատ-
 մեաց Կղարդեայ կայսեր զամենայն եղեալն յանուն
 Քրիստոսի 'ի ձեռն սուրբ խաչին զօրութեան, որ ե-
 րեւցաւ դատեր նորա կուսի յերուսաղէմ, մեռանել
 և յանել: Եւ լուեալ կայսերն փառաւորեաց զԱր-
 տուած և Տրամնայեաց զամենայն Հրեայն հալածել
 'ի Հոռովմայ: Պատմէր զշխոյն Պետրոսի զսքանչելիսն որ
 եղեն. նաև ամենեցուն պատմէր զօրութիւն սուրբ
 խաչին Քրիստոսի. և ամենեքեան լուեալ փառաւո-
 րէին զԱստուած:

Արդ զամենայն որ պատմեցաւս 'ի միտ առէք և հաւատացէք 'ի Քրիստոս, և ունիցիք զսուրբ խաչն կեցուցիչ և ապաւէն հաւատացելոց որք յուսան 'ի Քրիստոս: Եւ Յակովբոս էր առաջնորդ եկեղեցւոյն Երուսաղէմի, որ էր այր հաւատարիմ 'ի Տէր, որ և գրեացն զայս, զոր ետես ինքն և ծանոյց առարկելոցն, որք էին քարոզք Քրիստոսի, և ընկերք Յակովբայ. նմանապէս և նորա քարոզէն և ցուցանէն զգօրութիւն և զքանչելիան որ 'ի Քրիստոս:

Եւ զինի մահուան Աղաւղեայ և Պատրոնիկեայ Հրեայքն գրգռեալ 'ի վերայ հաւատացելոցն, և յարուցեալ հալածանս և փախտական արարեալ զհաւատացեալն. և 'ի նմին ժամու յաղագս սորին պատմութեան առեալ թաղեցին յերկրի տեղոջ Պագաթանն մինչև ցայս օր. զի յամենեցունց փառաւորեսցի սուրբ Երրորդութիւնն, այժմ' և միշտ և յաւիտեանս:

ՀԱՅԹՆՏԻՐ ԳԻՐԳ

Յ Ա Ն Կ Ա Ն Ո Ւ Ա Ն Ց

- Աբաթասարգով** 15 • 65
Աբգար 1 • 2 • 3 • 4 • (ստեյ)
Աբգաշարաց 51
Աբգասարգով . ա • **Աբաթասարգով**
Աբղեհա 48
Աբղէ կամ Աբղու 7
Աբղիու 7 • 9 • 48 • 50 • 58
Աբղու 58
Աբեղարու 51
Աբեթշէմեա 48
Աբշգամա 32 ծ • 58 • 44 • 49 ծ • 50 ծ • 56
Աբուբեա 50
Աբուգայիք 24 ծ •
Ագգէ 6 ծ •
Ագղեոս 7 ծ • 52 ծ • 58 ծ • 46 ծ • 49 ծ •
Աղէ (Թաղեոս) 6 • 7 • 8 • 9 • 11 •
 (ստեյ)
Աղէ Էպիսկոպոս 48
Աղե 48
Աղնիք 2 ծ •
Ամեղոս . ա • Մարկոս
Անակ 51
Անահիա 24 ծ •
Անան 2 • 3 • 4 • 5 • 15 • 50 ծ • 51
Անանիա 56 • 57 • 65
Աննա 51 ծ •
Անտիպ 49 • 50
Ապահուսիք 2 ծ •
Ասկազան 2 ծ •
Ատրեսասան 54 ծ • 38
Ատրեսասանեայք 55
Ատրիք 2 • 54
Արարացիք 24
Արասիկէ 57
Արատուկա 37 ծ •
Արիու 46 ծ •
- Արիտտիղէս** 37
Արծուիք զիք 24
Արշամ 1 ծ • 4 ծ • 40 ծ •
Արտաշէս Պարթև 54 ծ •
Արտեղիաս 37
Աւագ-այր 1 ծ •
Աւգոստինիա 40
Աւգոստոս կայսր 11 ծ •
Աւետարանք 45
Աւիգա 48 • 51 • 58 ծ •
Աւլբինոս 56 ծ •
Աբգար 1 ծ •
Բարեշաշիք 24 ծ •
Բաթմիքաղ 24 ծ •
Բարգաման 2 ծ •
Բարգինոս 49 ծ •
Բար-Մազարատա 50 ծ •
Բարշամիա Էպիս • 50 ծ •
Բարշամեա 2 ծ • 38
Բարշգամա 52
Բարսեմի 52 • 50 ծ •
Բարքաղարա 48 • 51
Բեթրարա 48
Բեթրուբրին 2
Բեսին 24 ծ •
Բէշ 24 • 51 • 41
Բէշ-Շէմին 24 ծ •
Բզյանոս 56
Բորմոս 61
Բուլիգուս 49 ծ • 50 ծ •
Գաշիկիա 21
Գամաղիկէ 4
Գայիանէ 11 ծ •
Գայիոս կայսր 57
Գէլասիոս պապ 5 ծ •
Գիւս Խաչի 12 ծ •

- Գոթմարտ 65
 Գոցցոթմա 45. 65. 67
 Գոց 47 ծ.
 Գործք Առաքելաց 45
 Գործու 50
 Գուցք 47 ծ.
 Դանկով 51
 Դաւիթ Անցազն 11 ծ.
 Դիկու 51 ծ.
 Երբայեցիք 21
 Եզեասցիք 6 ծ.
 Եզեակա 1. 2. 6 ծ. 19 ծ. 24 ծ.
 50 ծ. և այլն:
 Ելէւթերիտս պապ 50 ծ.
 Ելէւթրազուի 2
 Ելիտս Լաթիա 56 ծ.
 Եմնապիք 2 ծ.
 Եռայի 5 ծ. 20 ծ.
 Երուսաղէմ 13. 17. 19. 50. 56.
 57. 62. 63. 67. 68
 Եւսեբիտս 4 ծ. 5 ծ. 7 ծ. 27 ծ.
 57 ծ.
 Եւստորցիտս 2
 Եփեսոս 45
 Եփրատ 8 ծ. 55
 Էփրեմ (Ս.) 27 ծ.
 Զաակ 58
 Զարարիտ աշակ. Թագէի 49 ծ.
 Զերեղէտ 45
 Զեփրիանոս 50
 Իպէտազգայի 51 ծ.
 Թագէտս աշակերտս Ազգէտի 7 ծ.
 Թագէտս առաքելալ (Ղերէտս) 6 ծ.
 Թագէտս յԵթմանանիցն 6 ծ. 7 ծ.
 52 ծ. 58. 45 ծ. 45 ծ. 46 ծ. 47 ծ.
 50 ծ. 55 ծ. 56. 57. 58. 62. ա. և
 Աղէ
 Թարթմա 24 ծ. }
 Թարթմա 24 }
 Թիկունեղա. ա. Կուծիկանթմ
 Թովմաս առաքելալ 6. 7 ծ. 56. 57
 Թովմաս Արծրունի 12 ծ. 19 ծ.
 Խաալիա 17
 Լարուրնա 19 ծ.
 Լուանի գիք 24 ծ.
 Լուսիտս 50 ծ.
 Թաւան 24 ծ.
 Խաւանապիք 19. 24
 Խափէա 18
 Խաարան արծրունի 19 ծ. }
 Խաարան 19 }
- Խուճաւառան 47 ծ.
 Կաղկուլա 57 ծ.
 Կայիափա 15. 65
 Կայումաս 50 ծ.
 Կապրէա կզգի 12 ծ. 57 ծ. 54 ծ.
 Կեզրենոս 48 ծ.
 Կեսարիտ փիլիպպեայ 21 ծ.
 Կրուգիանոս կայսր 12. 17. 57. }
 51 ծ. 68 }
 Կրուգիտ
 Հայք 6 ծ. 7 ծ. 8 ծ. 19 ծ. 58 ծ.
 45 ծ.
 Հայք Ա 46 ծ.
 Հայք Մ 49 ծ.
 Հանան 51 ծ.
 Հեղինէ 10 ծ. 16 ծ. 19 ծ.
 Հերովց որդի Արարու 50 ծ.
 Հերովցէա 15. 19 ծ. 65
 Հուսովեք. ա. Հաովնայեցիք
 Հաիփսիմէ 11 ծ.
 Հաիփսիմանիք 12 ծ.
 Հաովմ 12 ծ. 15. 17. 19. 45. 50.
 58. 60. 62. 67
 Հաովնայեցիք 1. 8. 15. 55. 45 ծ. 60
 Հրեայք 45. 19. 21. 56. 57. 40.
 44. 56. 65. 64. 65. 67. 68
 Ղարբու 18
 Ղերէտ 6 ծ.
 Ղերուրնա 19 ծ.
 Ղըրուրնա 51
 Ղարուրնա 19. 50 ծ.
 Ղուկաս 52 ծ. 42 ծ.
 Մանու 1 ծ. 50
 Մարուգ 24 ծ.
 Մազովց 47 ծ.
 Մանով 1
 Մաւինա 2 ծ.
 Մարիարտս 50 ծ.
 ՄԱՐԻԱՐ ԿՅՅՍ 65
 Մար-Իճար 2. 5. 58. 50 ծ.
 Մարիտ առաքելայ 12 ծ.
 Մարիտս Ամեղոս 61
 Մաւսորիտ 2 ծ.
 Միկայէլ Ասորի 6 ծ.
 Միհրգատ 10. 17
 Միկայէկայ 7 ծ. 21 ծ. 25 ծ. 52. 46
 Միկայէկայ Ասորայ 1
 Մծրին 19. 46 ծ.
 ՄիքէՆ 24 ծ.
 Մովսէս Խարենայի (սակայ 'ի ծա.
 Նոթ.)

- Գահոյբայ խաչ 11 ծ.
 Գահոյբոս առաքեալ 15. 16. 17.
 62-68
 Գահոյբ Սրճեցի 24 ծ.
 Գանոս 24 ծ.
 ԳԻՍՈՒՍ ՔՐԻՍՏՈՍ 4 ծ. 8. 9. 12.
 16. 19
 Գանիա 63
 Գովհաննէս աւետ. 20 ծ. 43
 Գովեպոս 10 ծ.
 Գորգանան 24
 Գուգա առաքեալ 47 ծ. 57
 Գուգա որդի Աբամազ. 45. 65
 Գուլիանոս կայսր 24 ծ.
 Գունաց Թագաւորութիւն 4
 Դարիք 24 ծ.
 Դարոց 24 ծ. |
 Դարոյ 24. 41. 47 |
 Դարու 51
 Դեպրաց 24 ծ.
 Դերեհ 54. 55
 Դինուէ 54 ծ.
 Դուժիկիմեմ 57
 Դադանով. ա. Շղամով
 Էանայբամ 2. 5. 18. 19. 30
 Էանէ 50 ծ.
 Էարոց 51 ծ.
 Էարրեւա 50 ծ.
 Էարիք 51 ծ.
 Էուիգա 51
 Էղամով 10. 17. 30
 Բրդիւզիա 57 ծ.
 Բւշան 1 ծ. 4 ծ.
 Բուհա 1 ծ. 5. 6. 29. 37. 58.
 ա. Եզեպիա
 Բւքան 4 ծ.
 Պաշուա (Փլուս) 52 ծ. 50 ծ.
 Պաղեսովն 4. 21. 27. 31. 35. 37.
 60. 61
 Պաղեսովնացիք 5. 7
 Պանէաս 21 ծ.
 Պասարիկ 58
 Պասարոնիկ 11. 12. 15. 16. 62. 68
 Պարթեւք 7 ծ. 10 ծ. 38 ծ. 47 ծ.
 Պարսիկք 55 ծ. 47 ծ.
 Պաւգոս 43
 Պեարոս առաքեալ 12. 43. 50 ծ.
 62. 65. 67
 Պերոց 31. 58 ծ.
 Պէլթ-Ճէպրին 2 ծ.
 Պիլասոս 56. 60
 Պլինիոս 56 ծ.
 Պարփեւրսէն 48 ծ.
 Ռարիհար 2 ծ.
 Ռէւա զիք 24 ծ.
 Ռուզինոս 2 ծ. 3 ծ.
 Սարէացիք 24 ծ.
 Սարինոս 2 ծ. 8 ծ.
 Սարինոս 2
 Սահակ Պարթեւ. 2 ծ.
 Սամարացիք 27
 Սամփոփչերանոս 2 ծ.
 Սանաարուկ 19 ծ.
 Սանիք 21. 22 ծ.
 Սանոս 19 ծ.
 Սենասար 21 ծ.
 Սենակ 58 ծ.
 Սենեքերիմ 2 ծ.
 Սեւերոս որդի Արզարու 50 ծ.
 Սիմոն Պեարոս 45. 47. 54 ծ.
 Սիրահուսա 57 ծ.
 Մնակ 58
 Սուգանն կալիա. Ասարի 6 ծ.
 Սպանիա 57 ծ.
 Սպանիացիք 12. 26. 57 ծ. 19 ծ.
 Սարարան 2 ծ.
 Սրապիոնի կալիա. 50
 Վիկտոր պապ 50 ծ.
 Վիտելլիոս 56 ծ.
 Տակիտոս 7 ծ. 12 ծ. 36 ծ. 38 ծ.
 Տաւանոս 55 ծ.
 Տերաուլիանոս 57 ծ. 60
 Տիրերիոս 1. 8. 12. 55. 56. 57.
 50. 51. 60. 61. 62
 Տիգրան 1 ծ.
 Տուրիա 7. 57
 Տուրիագոս 57 |
 Տուրիմ 7 |
 Տրոյիանոս 52 ծ.
 Տրոպանացիք 57 ծ.
 Փարիանոս պապ 50 ծ.
 Փիւնիկեցիք 3
 Փլուս կամ Փղոս 52. 58. 44. 49.
 50 ծ.
 Փոկրեա 18
 Փաղչէացիք 24 ծ. 55
 ՔՐԻՍՏՈՍ 17. 18. 19. 31. 59. 63.
 66. ա. Յիսուս.

